

萬 有 文 庫

第 二 集 七 百 種


王 雲 五 主 編

西 河 文 集

(三 十)

毛 奇 齡 著

商 務 印 書 館 發 行



西河文集

(三十)

毛奇齡著

國學基本叢書

西河文集

五言律詩目

卷一

江水

塞下曲

入山偶成

宿商丘作

江行

鈞州署中夜飲題史使君情陰亭壁四首

三

飲汴園

入嵩陽將登嵩嶽有作

上子晉峯懷姜十七梧蔡五十一仲光錢六靈

五

齊州道中遇雨

觀蔣斐濟上

七

過采石有懷李白

杏壁

過梁園

行上江將次入湖出馬當山下語船子

渡黃河全王侯服柏嘗堂兩明府作

二

四

登太白酒壘

登嵩嶽感懷

游楊氏園林和韻

飲吳晟

疊嶂

收綠堂小集卽事

漫成

四河文集 五言律詩目

二七九〇

早行

從遲村湖到王鄧橋道中

雨過

集鳧亭

廣陵城下作

夜泊與鄰舟袁少府

寄朱郡丞惠州

王生之嶺表

淮安道過吳百朋推官補闕赴都

奉送吳推官分韻

山行過美施關

二

山行

舟次

和顧織簾齋居同令子伊人倡和遺母原韻

次奔牛

自呂城至丹陽縣途中

四子

輕薄篇

二

經太湖

潤州早發

渡揚子

渡左蠡作

將登廬岳口吟

章江道中

二

逢長沙王孝廉索書卷子因贈二首

二

彈琴妓

吳使君南還

長至夜讌集湖西署同賦

二

蕪溪道中

聞笛

過西江暮聞張七又去專揀行篋見所寄長句是幕中見懷感而爲

詩

聞朱山陽遷吏部稽勳喜賦

送陶軍府移鎮雷州

二

四

六

八

十

十二

施少參席送張纘孫之粵即席和韻

二

飲就亭觀愚山集

謝胡大公子以寧

觀瀑

二

許使君歌席

于廬陵就燕詩

春四日飲張經別駕署中

游象巖

二

游青原十三首

三

五

七

九

十一

十三

飲湖西官署兼贈施彥淳彥慈二公子之蕭江二首

登愚樓

袁江示繁條

秋山

遇曾副使弘有贈

過施男廉使寓亭

贈許使君小歌婢

二

二

周南郡墓下作

重游青原七首

三

二

五

四

七

六

送曾三還峽江同用鮫字

分得咸韻同諸公餞劉涑之贛州
又同用江字

卷二

趙司馬任長沙

題黎城令去思圖同韻

贈移居

二

樓雨伴石榴賦答友見訊依韻

送孟遠之京

何紫翔女弟子彈琴贈賦

月

游俠曲三首

二

三

少年行

二

才子

麗人

二

和張纘孫慕會吳百朋馬駿程淞於倪之燧草堂宴韻得秋字

賦得秋字贈倪之煌

碧玉

同客飲歸

飲程淞進士

贈程淞

二

張新標吏部初度

二

飲黃岡過宿馬西樵聽山草堂

贈王孫晉四首

三

家人隨行者歸待海陵續寄

懷臯亭答寄

兩趾

二

寄呈伯兄六十初度時余滯淮

書楊方孝廉卷子因贈

將渡湖寄戴金蔡爾趾劉漢中黃世貴倪之煊舒章王弘昌劉培

宿州道中

旭日

和黃二翰過訪寓亭願韻

王生索姓贈字

諸公

調執隨

逢吳廷楨白下

登滁州度關山嶺

清流關謁關將軍祠

二

二

四

憩一漚亭

蔡爾趾劉漢中黃世貴舒章倪之煊童衍戴金舒起鳳集一漚亭和

集闔修齡著璣父子卽席

施男所著名邛竹杖賜教卽賦

二

過桃源作

春店

春日

自梁歸道淮和黃二之翰辱慰願韻

毛姓懷歸適陳二給諫賦梅柳度江春詩屬筆寫情兼寄江南舊游

種葛篇

二

曠野

二

江上答許君

二

雲間雜詩

三

五

春雪卽事和韻

簡婁縣黃明府

答張五彥之

東嘉陳玠未經披靚曾夢予面以示于友宛然有似知己不隔遠有此事辱貽詩記述會其將歸奉答代誌

平野

津橋遇雨

馬上

題潁州城東廟

和張廣文游白雲山作

金黃門五十

令弟宗高分韻

雲間董進士舍招集以解維不赴蒙寄見憶有謝

二

同諸公登雨花臺

遇張梧江南幕

沈祕書夜邸聽伎二首

二

四

六

宿吳氏江園感舊之作

贈周綸

奉答東嘉陳玠客游見寄

早度荒莊舖

秋早

磨盤嶺

贈金鬻孝廉遠遊

寄張七梧江寧幕府

客歸蒙王余高招集新宅同徐芳聲蔡仲光何之杰文燾朱玉貞并

懷董舍

二

萬竹園沈九主考席同周玉忠虞相羅坤馮肇梅令弟華范

游佟園同沈胤范主考令弟華范周玉忠羅坤姜燦

別鶴隱江南有謝

二

二

登牛首禪寺

贈江寧守

晴雪

日涉

觸病字亦成三首雖乖大雅殊遣抑懷

三

二

卷三

越城觀獵

旅舍

楊子橋示友

二

蔡五十一同伯兄過尋姓西湖

冬夜湖西席隈韻二首時計百司理將曉行

東望

題館壁

登鎮海樓和友

長門怨

送客屯安州

四 河文集

五言律詩目

二

二

冬行

旅病同游翻杜詩有露下天高秋氣清一律散撮輾疊勿仍連偶因

二

臘日發章門戲翻李頎送司勳盧員外詩是姜侍御

贈日者願生

登山曉樓望橫浦作

姜都諫觀歸候轉

江南春

南征詞

泊荻港

二

宿壇下早發

從龍津達葛溪舟次

過陶桓公故居

上舞昭君

塞上曲

二

登富春山

三

赴新安至七里灘作

泊嚴灘有感

攜田甥登嚴陵釣臺

早渡楊子

觀海

二

戴公南歸餽予故宮人所用鑲管玉管二枝有賦

二

宿江寺

看月

二

送李琦還家襄州

遇邵二懷柔自潮州歸赴公車

江閣新晴卽事呈伯兄

二

雜詩

江園

過普安寺并看劉孝廉伎童學伎

宛溪

送馮之京歸里

雜詩

遇黃大有贈

秋後荷池汎舟

寄懷姜侍御圖南分司南昌

丁司理偕內君王夫人玉映四十初度一在九月一在七月

宮詞

二

三

四

五

贈李昇就學

題孤山表忠祠

二

孝女

西施廟

題聽山堂

二

入虎丘

吹笛

岸坼

早發

沽酒

逢朱三卻憶離兄象大士稚

故人黃開平死十年矣旅夢茫然醒時有處

石溪寺遇雨

沛城道懷大數憲區南士因作

望閣臯山

二

登石鐘山

宿建平僧舍

入日

懷沈憲使大梁道署樓

雨後飲黃兵部園林留詠并與黃二之翰

三

聽羅牧彈琴

爲河上白女冠彈琴作

舟泊登望

重過淨居和藥地大師萍字

高郵

飲馬駿宅

過四洲寺與朱三屬大

鄧子

入石溪寺

東湖

碧樹

除夕前一日崇仁官署分歲作

雜詩

四月八日游華藏寺并懷徐徵君繼恩逃禪湖上

菱湖晚眺

賦得小竇珠山茶叢開同用分字

飲大梁道署海棠樹下懷沈憲使葦

二

四

五

送虎丘僧遊天台

宿少林寺夢跋陀飲予水

二

三

卷四

送何生赴沂州邵使君幕

尤司理園林飲次和韻四首

二

三

四

箕山有懷

登箕山
玉溪村家

憩叢祠

荷澤

土寨

宿儀封懷王少保

定陶道中謝魏文學兄弟

征行曲

二

三

四

題吳九彥聖所藏黃檢校寒林畫幃

長至夜答徐生體仁見懷
夜雨集桐音

平津篔簹河飲次作

寄贈朱大禹錫出辛山陽

董自櫝明府候選歸里

若耶溪

閑晚

川上望月

懷沈司理嶺外

途向陽游天台歸還舊京

全友送康臣肩二國子赴都和韻

二

送龍用令之官

願侍御巡鹽將還京性以羈游不得奉餞申此二詩

東許記室

夏首送李三還興化時京口有警

聞天章還家清源

遙不覺泪下

二

信宿

將過鵝湖經釣崑作

秋夜姜侍御席上贈胡璣二首

原韻酬德俊

壽蔡貞女詩

東黃二之翰

發茱萸灣并寄徵之大敬南士桐音

泊匡廬下

得家人所寄衣

廢第

來鳳亭夜集分韻得青字

夢李遠

獨駕小艇行大舶橫關不得前賦用自慰

二

蓮河祝贈

二

勃安書至云天章一草亭分與居且曰薜荔花開綠陰滿庭室通人

題春西堂

旅次送劉孝廉赴試

南村叟

送外生

二

徐九芳烈探得雙頭繁芝

壽錢節母

二

雨中望廬山

遊敬亭

二

阻水小澗津館懷徵之

春游即事

晦日

過萬竹禪院

西山雪行遊先大人忌辰

寄懷姜都諫

騎病驛馬有感

嗽栗

奉贈丁進士克揚母太君初度

寄遠公八侄

題雲門五松亭

曉發呈伯兄

二

二

和徐水部南關署中八首

二

四

寄

餞姜七國昌北行

遙同薛家徐崧九日倡和詩

二

蹴毬妓

客中至日翻轉杜甫小至詩遺興

二

詢來十三時美消息不得

墮馬解調示同游諸公

二

泛碧浪湖

題八寶王子葯房

寄酬劉中柱原韻

淨慧園奉陪儲公赴恣公法食

經張梯舊居

三

送客之天台是時海上方用兵念其垂老入戎馬地繫之以詩

三

周侍郎來湖上辱貽賴古堂集用襲掌憲贈侍郎南還詩韻二首奉

二

二

贈楊二洵美

觀查孝廉蹴毬

白馬

二

陸少府自南海還京在顧留飲

同姜黃門希轍陪太翁虞部看梅四溪即事

三

呂八師濂劉大孔學游瀛府有懷

諧贈中憲夫人執紼詞

雪夕病起翻少陵臘日詩同諸公宿巴陵署

予宿桐音宅出所賦慰詩四章妙麗愜愜因感懷因勉酬三詩導情

二

擊劍鉢和天衣雜題十首

雜澗

半月泉池

帝王頌賜經像衣錫等

獅象對峙

鐘樓

卷五

北征二首

題陳節婦卷子

祭廟

答魯生

二

二

懷來十四度別駕公南

將投瀛陽寄呂八

二

周括蒼茂源貽書以未歸失展裁因賦代答

三

十峯

北海碑

普賢臺

下寺彎

古松塹爲三塔舊址

二

濟明日彰義門送客

傳臚侍班

送單贊府之任休寧

同諸公集家明府會侯邸舍分韻得花字

集韻牌即事

再用前韻贈梅庚

二

外

二

依韻奉呈二首時己未臘月三十日

贈邗上巴君

晚宿傳是齋贈賸佳采作

盆桂和韻

送陶丞之官

殿試和李中允作

二

二

答寄梅東渚二首

北行入兗州界同王明府作

紫袖四施

金穿宮

二

集家明府同諸公賦鹿脯分韻

喜梅庚至同施侍講韻

送汪令之任淄川

長安春雪初霽飲閣學李夫子宅分詩牌集字同顧二舉人魏大良

奉和高陽相公除夕入閣草制即事原韻

謬和高陽夫子除夕草制原韻辱蒙賜詩仍用前韻詢過獎誘因復

二

金黃門五十

贈禾中盧使君

同枚典簿集梧陰草堂

蒙陰道中

元日同諸公集曹舍人宅限韻

奉和聖製閱河隄作

看菊夜飲

二

詠菊四首

鶯語黃

蜜輪

送劉勃安還淮陰

寄何毅庵有感

二

貽縣令

北行即事

二

四

過沂州作兼寄州守邵君

二

福州訪陳紫巘舉人西園亭子卽和其初還故廬原韻二首

二

前輩蔡思齋進士暨陳越山許不棄藍公裔諸子

飲陳越山齋有贈同鄭官坊高徵士諸公限韻

和韻錢徐生克堅之益州幕

送曼殊

秋杪陪羣公集同年馮太史宅觀菊分賦得潛字

葉公子守備清源

二

二

任黃門爲宅齋前新產芝草同友賦贈

赴臥龍山堂觀燈宴作

二

客福州訪許不棄郡丞園居蒙留飲數日卽事書壁

三

客寓南園答曹明府見貽原韻

送林戶部使學河南

夜飲家茂倫宅

高固齋徵士陳紫巘招予西園亭子雅集仍用前韻同鄭幾庭官坊

二

二

二

二

二

曼殊病

奉和杜相公元日卽事原韻二首

題何毅庵宅

紺上人赴崑山葉太史蘭園請席聯句時宛陵施少參臨安丁禮部邗上吳刺史吳門錢明府尤司理蔡茂才俱有和詩

二 雪中集詩牌飲李閣學宅

益都夫子賜示閩中秋詩屬和依韻二首

徐通政贈公生日

集同年米贊善宅和韻

卷六

送陳參軍之任辟柯

實貞婦以未嫁死節

浚君生日

送孫太史克冊立使封安南國王二首

二

閩中秋月下作

賦得採菊東籬下

贈張判官之武定州

二

康熙十七年予以不學謬膺薦辟三辭不允兩浙開府陳中丞竟投

檄舍下勒攜赴部勉強應命感而有作

蕺山戒珠寺

送洪昇歸里觀省

二

王黃門招遊祝氏山庄同施侍講王祭酒徐大贊善曹編修汪二檢討汪五主事即席限山庄二字

二

左隄樵歸里

涇陽聞人明府之官索題卷子

二

奉陪馮夫子游萬柳堂和韻同在春坊陳檢討林主事諸子

二

詠四平舊蹟八首

柏亭

積雪莊

周泊漁家

龍淵

鄧公陂

同年袁編修予養歸里

奉和高陽相公元旦即事原韻

送蔡生之樵李

高侍講扈從東巡盛京有贈四首

三

與邑尉劉君飲次

二

冬雪後

三

山陰王生屢在缺候有詩并文稿見寄奉答

伯輿歸自新安

又贈藍山人荷

二

四

二

上巳萬柳堂修禊奉和益都夫子原韻二首即席

四 河 文 集 五言律詩目

分金岡

董孝子織女臺

郵君章遺塚

二

二

友人移居

二

四

送顧記室赴濟南幕

益都相公攜門下諸子游王大司馬園林即席奉和原韻四首時首

二

四

朱文學載中童二欽震各有贈詩并詩稿寄示答之以詩

客晉安同諸公飲次贈蔡進士作

徐水部權使歸朝

三

吳明府納姬聯句

遇徐二成清同赴徵車有贈

二

贈送郡司馬童使君赴任同沈光祿韻二首

陪游祝氏園即席和益都夫子原韻四首

三

題諸暨傳貞婦圖畫

二

四

吳江顧生初度

二

四

二

二

四

六

八

十

二

二

四

蛤大師之寧州

三

江上數峯青

送汪檢討林舍人奉使琉球冊封中山王四首

三

陪同館諸公飲喬編修宅即席和韻時同年尤檢討予告將歸

周大公子赴河東參軍贈別

和秋日閒居詩十首

三

五

七

九

西河文集

蕭山毛奇齡

字大可
稿又字子

蔣光弼廷翰較
墨文洲星河

五言律詩一

五律舊刻不入一首未刻藏稿無存者大抵所輯皆出游作然此亦西河本意也

舊評曰五律須筆深而致長西河從齊梁初唐間人取徑而入之氣調出以標格故往往筆在行間致深文外

江水

江水滔滔下浮雲蕩蕩開烟霏朝日起沙動早潮來舟落蕪關遠帆紆瓜步迴山前空幕府無復舊軍臺

過采石有懷李白

李白揚帆出曾披宮錦袍我來尋舊蹟空見水滔滔墜石分風急清江盪浪高綠蘿寒月下一詠醉醪陶

塞下曲

結束事長征前軍早抗旌關山雲裏度隴水笛中鳴曠衛三城戍良家六郡兵爭先須努力驍騎舊行營

杏壁新都山行作

杏壁迴青嶂。懸峯落翠微。曉雲隨馬去。春草待人歸。溪漲平流沫。林長間落暉。十年棲隱志。貧賤苦相違。

入山偶成

種藥神農地。牽牛巢父家。水禽時變響。山草遞開花。雲隙流天影。崑空墜日華。春深人不見。愈覺此中遐。

蔡大敬評曰。此等詩乃可無前。又曰。盛唐乏刻寫。初刻而壇。晚刻而闕。此事所以遜少陵也。然少陵殊欠標格。未能襄陽之曠妙。輞川之利上。便是千古恨情。昔人品鮑照善製形狀寫物之詞。此正在阿堵耳。

過梁園

春風吹薄雪。剛度梁園時。駐馬一爲賦。悠悠使我思。繁條抽野館。細草滿長陂。千載鄒枚興。無人與共知。

宿商丘作

弱柳環城細。叢菁被晦繁。春行宋苑暮。雪度梁園曲。閣飛花冷。寒袍點絮溫。清冷池上客。誰與共開尊。

行上江將次入湖出馬當山下語船子

只覺雲颿駛。寧愁江路長。乘風開魯港。計日上潯陽。曉嶼翻龍蟄。秋花豔馬當。黃頭天上轉。辛苦權船郎。

江行

日日上江行。秋風兩岸生。波翻當利浦。天盡豫章城。磯路烟樓迥。關門水木清。前灘爭賽過。杳杳聽鳴鉦。

渡黃河仝王侯服柏肯堂兩明府作

淮海南來盡。黃河北去高。百年吾渡此。萬里一波濤。落日迴檣櫓。春風滿布袍。相期慚破浪。不敢上君舸。

鈞州署中夜飲題史使君惜陰亭壁四首

春夜開官閣，華燈散酒杯。天高星漢合，地勝鳳凰來。小檻凌橋聳，繁花照水開。中宵幽思洽，疑上古鈞臺。
嘉模曰：鈞州以夏夔鈞臺故名。署有黃霸集鳳凰址。

二

暇集黃公署，宵分大禹城。人標清潁志，亭以惜陰名。短燭圍紗冷，方塘引溜輕。相逢能痛飲，藉有使君情。

三

暗水平當席，春鳩宿繞枝。河魚烹菜釜，露蕊滴鈞瓷。
時以自製鈞州瓷插花作酒。臺迥迷長葛，星寒掛具茨。子房初隱地，俯仰一追思。

四

襖被聯深麻，盤餐勝故鄉。官貧情較切，漏短話偏長。潁水通池細，襄陵瀉酒香。馮唐吾自老，汝已久爲郎。

飲汴園

我愛魏公子，西游入汴園。楊花天際落，蝴蝶草頭翻。估市停車騎，繁臺對酒尊。侯生悲老去，不復在夷門。

登太白酒樓

太白何如者，夷然醉此樓。千秋狂客去，吾亦此中游。碧柳當軒合，青天入濟流。金魚誰作佩，來往任悠悠。
入嵩陽將登嵩嶽有作

太室羣峯峻，轆轤拾磴長。春雲飛馬足，愁絕古嵩陽。玉女搖潭水，山花墮石梁。漢皇金匱杳，何處挹瑤漿。

登嵩嶽感懷

昔誦嵩高峻。今知喬嶽尊。紫微通帝座。黃蓋繞天門。中宅思伊洛。平原眺陸渾。春心千里度。極目總愁魂。

上子晉峯懷姜十七梧蔡五十一仲光錢六霍

不得毛姓友。同登子晉峯。青天空浩蕩。插滿碧芙蓉。伊闕黃河湧。函關紫氣重。攜君詩句在。驚下九潭龍。

游楊氏園林和韻

共攬名園勝。寒風曉渡河。長堤環墜柳。曲閣掛層柯。疊石劖巖礪。開樽對薜蘿。赤欄迴合處。愁望起高歌。

二

重坂尋幽境。崇臺設錦茵。相攜金谷酒。同是兔園人。白落寒郊木。丹流石洞銀。嚴飈隨倡和。真覺愧陽春。

飲吳晟

永夜開襟緩。茅堂對酒清。環林棲鳥靜。深燭照人明。冰雪鄉關思。盤餐地主情。雋才推附子。羨汝早知名。

齊州道中遇雨

千乘起黃埃。終風終且霾。雲從滄海上。雨自泰山來。村酒春前釀。障泥渡後開。東行分霽霖。愧乏濟時材。

疊嶂

疊嶂丘中度。晴川郭外分。草烟鷗尾散。花氣馬頭薰。樹響疑過雨。山遙不斷雲。棲棲瞻闕里。不欲忘茲文。

懷蔣斐濟上

曾遇張公子。傳君下濟川。今來濟口望。不見杜陵船。黍酒東亭晚。楊花春店前。江東賀監在。翹首正蒼然。

徵說曰：西河與太鴻先生最好，閉在故淄川相公宅，往尋之，不遇，涕泣而返。大鴻稱杜陵生。

收綠堂小集卽事

胡奏膚別業也。

別館分晴早，閒堂收綠深。樽中饒美醞，座上有鳴琴。屏散蒲葵彩，城垂薜荔陰。相逢毋恨晚，所藉在知音。

二

碧幃依修堞，青枝繞曲房。到來惟有靜，坐久自生涼。檐鳥隨風嘯，庭花散雨香。樽盤成晤對，幽思總難忘。

漫成

遲日思難盡，方春人未還。平樓看野集，短草度空山。少婦騎驢穩，村童牧豕閒。可憐逃楚客，猶滯武津關。

徵說曰：河以北呼市曰集，呼瞭臺曰平樓，此是方語。

早行

涼月尙在地，出門趁早行。燈前騎馬去，草裏聽雞鳴。漲水傾河岸，連山度土城。勞歌相繼起，全有旅人情。

從遲村湖到王鄴橋道中

宵發遲湖口，明經王鄴橋。星稀遙岸火，風起逆舟潮。霜店藜炊早，烟林棗路遙。百年豐沛地，環視總蕭條。

徵說曰：地屬鳳陽。

雨過

雨過麥苗清，楊花撲地輕。平田千蝶舞，深店一驢鳴。上估牽車度，村姑擔水行。雙帘鯖饌美，猶似汴梁城。

集鼻亭

小檻當湖勝。茅堂曲水西。綠楊賓騎滿。碧篠女牆低。落日傾樽晚。鄰園入牖迷。酒酣悲聚散。展轉愧雞栖。
廣陵城下作

白露流江浦。黃花隔永興。鄉心異潮水。夜夜返西陵。人靜垂銀鑰。天高墮玉繩。城南一回首。千里暮雲蒸。
夜泊與鄰舟袁少府

西望紆蠻服。南行去楚天。看隨估帆落。住近酒樓邊。白鷺翔荷岸。青鳧散蓼田。月明高詠去。知是下江船。
寄朱郡丞惠州

半刺行循郡。清戎到博羅。銅符分殿虎。銀綬拂嵩螺。翠羽翻江閣。明珠耀海波。東官吟和處。應憶舊羊何。
王生之嶺表

伏日番州路。秋風瘴海邊。王程隨桂楫。官閣近花田。高讌傾椰酒。涼衣絮木棉。紅亭分手去。愈覺右軍賢。
淮安道遇吳百朋推官補選赴都

夫君舊名讖。補闕上燕關。八月寒風急。相逢淮海間。官程環古道。客思滿秋山。幾樹王莊柳。流連未忍攀。
奉送吳推官分酌

淮海送郎星。蘇州舊理刑。竭來當白露。此去簡彤庭。清口裝銀勒。張橋倒玉餅。可憐羈旅客。還上短長亭。
山行過美施園

西子滿裙處。行人喚美施。山花鷓子髻。浦竹女兒祠。教舞宮城豔。吹簫里社思。亭蘿村祠西子爲土戲。至今山

下水流出似胭脂。

二

水碧如漂鏡，山青似洗粧。柴門啼鳥細，村徑覆蘿長。零雨浣紗石，繁花走馬岡。當年教舞去，祠下換衣裳。

山行

幾欲尋幽徑，重來倚杖藜。山空收霧早，溪淺泐流低。松飯炊難熟，桃花看易迷。林深無犬吠，一任乳鶯啼。

舟次

江縣孤帆次，飄飄震澤東。人家斜照裏，湖寺暝烟中。柳港炊新火，菱歌動晚風。攬船雙赤腳，祇自喚吳儂。

和顧織簾齋居同令子伊人倡和遺册原韻

我愛顧夫子，逃名在近關。只今遺嘯詠，猶是戀鄉山。蘼草生皆潔，藤花落自閒。鶴鳴留和處，相對一開顏。

次奔牛

裁過毘陵驛，常州與潤州。橫帆如快馬，荒鎮是奔牛。白杏千村暮，黃茅兩岸秋。茫茫何所屆，潁彼一舟流。

自呂城至丹陽縣途中

仄阜高行緯，低沙曲上舟。罾魚交插篠，踏水自翻謳。赭岸通橋店，紅竿隱寺樓。涼風吹濁浪，京峴已清秋。

西子

西子吳中去，盈盈住館娃。自憐桃葉好，插滿髮邊釵。捕鯉開荷屋，棲鳥下柳街。莫嫌嬌貴甚，夫婿是夫差。

輕薄篇

馳逐來三市。遊遨遍五都。輕裝隨宿衛。好酒瀉當壚。東第呼公子。西京隸監奴。秦家多桂樹。只射樹頭烏。

二
少小學從軍。閒游迥出羣。鈿箏彈雁字。花袂刺龍文。夜月留初舞。春風解宿醺。東方千萬騎。上坐是夫君。
經太湖

七月吳關路。涼風起具區。朝光開四塞。秋氣滿重湖。葭樹看迴合。烟波蕩有無。揚州稱巨浸。一半在姑蘇。
潤州早發

東楚驚秋暝。南徐趁早程。星飛京峴口。水落潤州城。海日連雲起。江烟拂浪生。經行高唱遠。徒有謝公情。

王亦退評曰。四河五律。有口前語。如紅竿隱寺樓。平田千蝶舞類。有畫語。如雲隙流天影。人家斜照裏類。有理會語。如山空收霧早。月沉燈影動類。有驚人語。如伊闕黃河湧。虎過草頭風類。有可思語。如繁條抽野館。燭墜舞衣前類。若此詩。海日連雲起。亦是驚人語。畫

渡揚子

我來渡揚子。天氣正高秋。挂席乘風去。平潮浩浩流。江關開巨壑。海樹隱孤舟。不辨金山寺。鐘聲水上浮。
渡左蠡作

掛席渡左蠡。秋光映太虛。大江猶作匯。陽鳥正來居。彭澤環山盡。潞城落日疎。星潭何處是。一問此中漁。
將登廬岳口吟

始得瞻廬阜，嵬然人杳冥。巖垂秋水白，風落暮雲青。瑤草紛丹壑，金書曜紫庭。登臨慚羽翼，長嘯倚林坰。

章江道中

南日章流外，西風浦櫂邊。年華看又過，秋色到依然。丹嶂芙蓉老，青林橘柚圓。征衫愁漸薄，何日定歸年。

徵說曰：章江上名橫浦，下名南浦。

二

浦浪吹仍削，江烟冷易收。片帆章口暮，斜日武功秋。荻短銜沙艦，楓高倚石樓。饒南重回首，司馬在江州。

逢長沙王孝廉索書卷子因贈二首

每愛湘潭客，能披七澤雲。今朝贛水上，猶喜一逢君。桂樹橫江館，荷花映練裙。漢庭曾對策，珍重賈生文。

二

邂逅江城晚，盤桓野觀秋。座中驚輔嗣，名下識王脩。氣與青天合，文成碧漢流。昭潭新橘柚，看汝賦離憂。

彈琴妓

嶺嶠花初落，江樓夜未央。美人抽碧軫，神女弄空桑。清角風前怨，冰絲指下涼。郵亭雙鬢影，長念楚明光。

二

小閣開江月，平軒倚柳條。樽前操急縵，手底瀉歸潮。低露生磐石，清風出藕苗。楚妃連宋女，相見果非遙。

三

綠綺回長線，紅衫映斷紋。啼鳥愁浦樹，流水憶湘君。撥去將垂劍，彈時數斂裙。曲終多苦調，不欲座中聞。

姜琦曰。梁詩。玉釧逐絃搖。又箏賦。斂垂彩于膝。前此與前。低露清風二語。俱是用古寫當境法。

吳使君南還

同作梁園客。新從庾嶺來。三春章貢水。萬里鬱孤臺。酒盡朱絃繞。花銜錦纜開。使星終夜動。看向斗邊迴。
長至夜讌集湖西署同賦

二

深宴酬時令。清池起夜游。天風號過雁。日影下牽牛。酒煖葭灰發。歌迴燭樹流。樽前有王粲。不道滯荊州。

蕪溪道中

孀孀車盤路。蕪溪又葛溪。雨來山洞關。雲偃石屏低。村店梅花落。江城柳色迷。王孫歸去晚。前度草萋萋。

聞笛

寒浦秋將盡。青天月欲流。誰人夜吹笛。獨上最高樓。河內歸常侍。平陽臥督郵。清宵江上望。愁煞一孤舟。
過西江幕問張七又去粵揀行篋見所寄長句是幕中見懷感而爲詩

不得張郎信。聞君度嶺遙。日從蠻嶠轉。歲與瘴烟銷。笳竹天邊郡。藤花海上橋。武溪書未滅。目斷日南標。

二

甫幸炎天返。仍看絕徼遠。徒藏金縷語。不見漢槎歸。海縣丹砂酒。雲山翡翠衣。征西空幕府。回望轉依依。

聞朱山陽遷吏部稽勳喜賦

聞道朱明府。今爲吏部郎。玉函將啓事。金殿早含香。庾亮尋清士。稽康有報章。果然彊直令。千古遜南陽。

二

相鳥求榮木。斑駁列選曹。稍遷同謝眺。偉識重山濤。六計勳初弊。三年治自勞。故人王貢誼。頻整舊綈袍。

送陶軍府移鎮雷州

陶侃行南服。移軍鎮海康。樓船通象郡。彊弩下龍岡。幕映珠光白。碑分銅柱黃。漢庭懸尺組。只爲使蠻方。

游青原十三首

十月寒光滿。深林一徑斜。晴嵐開午霧。霜樹落秋花。石沫穿雲渺。鐘聲隔嶺賒。藍輿迤邐人。四顧總烟霞。

二

越礪路方曲。到門山轉深。石亭秋未暮。溪閣晝生陰。象鼻環花岫。龍堂蔽梵林。欲留雙樹下。前望起沉吟。

徵說曰象鼻嶺名。

三

青櫪高成幃。丹宮迥在霄。開天迴地脈。架水過山橋。仙犬迎人近。村雞唱午遙。虎溪原不遠。此地好招邀。

四

七祖傳衣地。居然古道場。珠光飛寶堦。金軸麗空王。卓錫抽嵩瀑。譚經繞石梁。香臺雲滿處。一過贊公房。

五

絕磴攀雲莽。高龕接露藤。道傍三昧水。山半六朝僧。歸鳥迷荒洞。寒花摘斷塍。峯前真陡立。何處覓傳燈。

六
溪曲多橫嶂。山寒少落桐。魚吹沙底沫。虎過草頭風。積水連衣碧。斜陽隔樹紅。欲行難問渡。恐入武陵中。

七
孤亭當礪曲。空翠襲衣襦。水裏調笙瑟。山前語鷓鴣。日斜迴地薄。雲影渡溪無。爲愛少叅句。長吟墮玉壺。
亭有趨糧退。施愚山兩少參詩。

八
更上龍潭側。還尋舊釣臺。毒龍何處是。我欲負竿來。水鬣爭流斷。林衣拂地開。石頭聊憩息。佳興正悠哉。

九
曾尋貝多樹。扶杖過嵩山。碧草自開落。白雲空往還。西江優聖域。東渡敞禪關。渺渺幽棲境。高風未可攀。

十
藥地留殘莢。松壇望落暉。百年曾未遂。千里竟來歸。江竹扶行屐。天花繡衲衣。何時開白社。得與遠公依。
此首贈藥地師。

十一
不惜回短景。還同眺遠峯。渡溪騎鸞鷲。近岸坐芙蓉。幽興循盤蟻。清譚起蟄龍。暝烟生萬壑。空外數聲鐘。

十二

香閣翻經遂。僧寮款客閒。月沉燈影動。山靜唄聲寒。警板棲烏醒。虛牕墜葉乾。中宵峯頂露。片片落旃檀。

十三

日照上方西。清猿浹曙啼。同行張鏡在。謂張荀仲先生。徐下碧雲梯。疊嶂封龍洞。三人笑虎溪。秋山回首處。烟靄望中迷。

施少叅席送張纘孫之粵卽席和韻

日暮羣賢會。蕭蕭江畔洲。暗雲圍北郭。新月上南樓。酒逐歌聲送。花隨燭影浮。明朝庾嶺客。肯爲鎮西留。

飲湖西官署兼贈施彥淳彥懋二公子之蕭江二首

遂有南樓興。悠然官閣東。天高霜氣白。夜靜燭花紅。縱飲追元亮。清談起謝公。庭前雙玉樹。皎皎又臨風。

二

遠道追騏驥。清霄覩羽翰。庾王先後著。元季弟兄難。漏盡香城夜。星搖碧嶂寒。酒闌愁極目。雙雁起金灘。

登愚樓

薄暮倚丹樓。雲山一望收。尊前浮古堞。樹裏見行舟。寒浦歸烏鵲。春星逼斗牛。愚公清嘯地。長爲故人留。

飲就亭觀愚山集

西郡清櫺晚。臨江官閣深。亭從青磴入。臺敞碧山陰。高樹芙蓉屋。寒烟橘柚林。使君辭絕妙。夜坐費幽尋。

亭左名芙蓉屋。

袁江示繁條

碧峽來春雨，清川泊晚潮。客心如細草，愁對是繁條。玉女臨崑翠，金蠶出地銷。袁江初漲日，羞過滿郎橋。

謝胡大公子以寧

短衿迎寒日，清江傍客居。劉生誰似爾，鮑子故知予。滅燭他鄉酒，高歌幸舍魚。中宵頻感激，不忍上柴車。

秋山

寂寂秋山裏，行來徑盡迷。橋欹因礙石，崑斷又逢溪。枯樹懸朱葉，飛泉掛紫蜺。寒林延佇久，冉冉暮雲低。

觀瀑

幽壑分流急，滢滢幾道傾。濺衣嘗似雨，坐語不聞聲。激溜因崖折，漚花帶草生。匡山雲霧裏，一望不勝情。

遇曾副使弘有贈

白首歸田候，清江曳杖年。千秋高北府，兩使盡南天。桂酒虔陽幕，椒花嶺外船。至今留石屋，猶誦丈人賢。

曾自號石屋老人。

二

玉節臨荒服，黃冠返曲沙。賦曾飛綵鳳，筆下綰秋蛇。彭澤新凋柳，東陵早刈瓜。相逢剛晚節，莫惜髮邊華。

過施男廉使寓亭

繫艇隨行客，聽鐘到寺樓。十年遺豸節，一榻臥羊裘。蒼傳成江表，蠻碑著嶺頭。廬陂千頃雪，宛在碧天流。

許使君歌席

華瑄吹蓮幕，清觴度錦茵。使君真愛客，妙伎總能神。燭繞緋紗短，歌翻白紵新。瑣兒方九歲，冠絕魏宮人。

贈許使君小歌婢

金雀顰鬢小。銀箏鴛背分。種花先種葉。爲雨早爲雲。春草編歌扇。秋江濯舞裙。瑤臺一十二。安置任從君。

于廬陵就讌詩

有序

乙巳冬末羣公西游者。共集于雙江之濱。惟時玄飈斂凍。烏裘嚮春。儼車騎之將徂。展蒨緜以自惜。幸逢廬陵令于公。慧男以河陽之長。作平原之邀。下榻南州。爲歡東道。恍入戴逵之官舍。便羈司馬于都亭。于是令君者。本屬人倫之表。今成國士之知。千里幸合。一時難已。屢做習池之勝游。不假鄴園之公讌。烹魚來幸舍。似乎迭相爲賓。釀酒過柴車。不知何者是客。借芳洲之行樂。同金澗以賦詩。刻燭授言。不拘句韻。

日飲廬陵酒。還看醉孟嘉。官游同是客。賓至久如家。山管寒吹雨。江螺碧抱沙。當杯看燭影。舞袖幾行斜。

二

出郭攜行屐。芳洲載旅觴。陶公過栗里。山簡在高陽。花雨迎春發。歡情入夜長。前灘歸路渺。燈火看蒼茫。

春四日飲張經別駕署中

新曆回南郡。清樽對晚衙。入吳逢子布。傍斗見張華。夜火烟如霧。春街雪作花。椒盤同歲序。何處是天涯。

二

江上逢春早。盤中瀉酒濃。虛亭圍薜荔。深幕坐芙蓉。雪映筵花細。雲垂郡樹重。新鶯啼欲下。醉裏聽從容。

游象巖

天幕垂堤曉。仙亭入路寬。春雲漁父宅。山雨藐姑壇。亂水停帆遠。諸峯擁髻寒。此山真可隱。莫復問車盤。

周南郡墓下作

古縣連青嶂。春山帶夕陽。誰人遺舊壠。千載一周郎。雄鎮巴丘險。荆門天塹長。英雄何處見。下馬泪浪浪。

重游青原七首

爲念青原勝。重來過祖堂。林疎驚岫豁。源遠識溪長。曲磴連雲壑。空壇到夕陽。上方鐘磬杳。相視轉蒼茫。

二

入寺愁雲暮。尋山恐路迷。幸隨元亮舄。再宿遠公溪。佛壁開新畫。禪房記舊栖。譚經聽未暝。延佇石梁西。

三

策杖逾前圃。攜餐上晚亭。園葵披露碧。山木擁潭青。怖鴿飛珠璣。歸龍繞鏡屏。釣臺相望起。渾欲渡滄溟。

四

共發清鐘曉。還尋衆壑深。欵流緣岸仄。初日隔山陰。銜木天邊鳥。飛雲石上心。前岡不可度。歇馬在長林。

五

嶂合前車隱。峯迴縱屐遙。循崖嘗避石。渡水不須橋。午過蓮闌飯。冬晴藥地苗。青原幽絕處。一憩舊僧寮。

六

內史推靈運。賢師過惠休。浮廬開碧澗。愚谷本丹丘。接塵超林樾。層茵坐石流。清霄笙鶴下。恍在萬峯頭。

時施愚山與藥公坐石久談。浮廬藥公號。

不信曩游淺。居然新徑通。山樸臨水白。霜草接春紅。飲犢迷樵路。飢鳥散梵宮。盤溪三十度。總在碧雲中。

分得咸韻同。諸公餞劉涑之。贛州。

送曾三還峽江。同用鮫字。

曾子真豪士。英年在草茅。窮冬歸玉峽。樽酒送寒郊。車路停邊馬。刀容飾海鮫。楊雄今愧汝。不敢解人嘲。

又同用江字。

送汝東歸去。章江共峽江。天涯人好合。國士爾無雙。野鳥啼清觀。梅花點玉缸。名材知待用。何必問三邦。

西河文集

蕭山毛奇齡字初晴
又名姓稿

雍聖臨較
綸東園較

五言律詩二

趙司馬任長沙

久擅鸞龍譽。新逢展驥秋。驅車遵嶽麓。司馬重潭州。青橘湖邊酒。黃陵廟下舟。湘南十萬戶。乍見一星留。

題黎城令去思畫像同韻

像坐石手持一杯

驅虎曾留治。棲鸞舊有名。彈琴懷趙亮。畫像對方平。坐隱壺關石。杯啣潞水清。披圖遺老在。誰不認黎城。

贈移居

一牖長開甕。雙輪且載書。陶潛方卜宅。晏子又移居。野隧通流細。鄰牆鑿照虛。東西花外路。何處少來車。

二

在昔傳遷教。于今識處仁。到門無雜客。是巷有居人。藥竈分精饌。花塔當繡茵。清談饒往復。張鏡在東鄰。

樓雨作石榴賦答友見訊依韻

顏淵嘗負郭。王粲已登樓。君自歌山木。吾方賦石榴。烟霏林外動。雨氣檻邊浮。不道游梁返。從君又唱酬。

送孟遠之京

梅雨大江平。朱花驛路明。三年溟海客。五月永興城。白紵留歡曲。黃金市駿名。舊京屠狗在。到處有逢迎。

何紫翔女弟子彈琴請賦

纖手落珠盤。躊躇軫未安。停絃分黛巧。拂指墮釵寒。月露低紅幕。春波瀉紫瀾。龍唇和鳳足。都作錦心看。

月

不道他鄉月。今宵偏倍明。大江通夜落。高閣近天清。暝樹千重遠。人烟一望平。鄉關看漸渺。愁聽暮鴻鳴。

游俠曲三首

結客平陵去。從軍灞滄游。黃金懸代馬。紫艾飾吳鉤。睥睨傾三輔。縱橫過五侯。揮鞭何處宿。西北有高樓。

二

白羽關弓勁。青芻飲馬肥。名成排難久。恩在報仇稀。花氣風吹缺。珠光日照衣。長懸三尺組。願取右賢歸。

三

劇孟原多義。劉生未是狂。徵歌輕百萬。縱博便千場。醉狎平原客。書平大夏王。從游新子弟。半在鬪雞坊。

少年行

久宿金張第。新隨趙李車。銀鞍珠腰裏。寶帶玉蟾蜍。翠羽遮蘇彈。鮮花插妓裾。平明馳委巷。只爲問專諸。

二

六郡齊推轂。三河舊擅場。傳家中衛尉。拜爵羽林郎。紫燕穿雲疾。青骹掣露長。東鄰碧玉好。休嫁汝南王。

才子

車騎梁園貴。風流鄴下推。鴻名驚海立。藻語挾天來。漢賦黃金重。江花綵夢迴。傾城爭慕悅。幽思滿琴臺。

麗人

絕代曾聞唱。專房舊有名。春雲花底豔。朝日鏡中生。金屋憐藏慣。銖衣愧織成。生來懊惱性。不解茂陵情。

二

十五盧家婦。千金秦氏娃。尙衣歸玉輦。修幔繞銅街。獨繭分眉縷。雙龍入髮釵。高唐新霽後。雲散滿天涯。

徵說曰。街或作塔。沈約賦。銅街麗人。

和張纘孫慕曾吳百朋馬駿程淞於倪之煌草堂宴酌得秋字

曲院薪槃合。清樽花榭幽。淮南叢桂晚。天上白榆秋。對酒逢三益。分鯖過五侯。射陽新月影。看入玉杯流。

賦得秋字贈倪之煌

知爾能千古。思君歷九秋。相逢公路浦。猶着子陵裘。涼月浮洪澤。寒風動楚州。千金亭下過。尙擬飯韓侯。

碧玉

碧玉南園裏。春光事事新。緋花嬌映面。黃蝶小隨人。露重滋裙繡。風生約領巾。三朝并五日。何處少良辰。

蔡子搆評曰。黃蝶小隨人。是杜語。然合露重二句。則非爽信不能矣。昔人云。作詩十年。當境道不得一字。坐未見六季初唐妙地耳。又曰。吳錦雯在淮。每與張孺懷誦黃蝶小隨人五字。

同客飲歸

金鑰下嚴城。官街一望平。客難騎馬去。月似逐人行。花犬驕還吠。桐烏棲欲驚。樓頭有紅燭。爲汝一相迎。

飲程涑進士

久念瀛臺客。忻逢淮水頭。花間開露席。醉裏解霜鉤。譽重三都賦。風高百尺樓。寒城刁斗靜。長憶漢通侯。

贈程涑

淮水下甘城。東游遇少程。文章遺世俗。意氣重平生。結綺傾江海。閒門繚杜蘅。承明獻賦客。尙自愧難兄。

二

十載思君久。三秋遇汝來。論文枚叔里。把酒伯倫臺。紫鶴橫沙起。黃花繞砌開。蘆中有窮士。相見莫相猜。

張新標吏部初度

曉日啓曠曠。金樽琥珀融。嵩生懷甫相。人望屬山公。顯氣當關紫。秋瓜渡海紅。內庭饒部伎。幽興滿絲桐。

二

繁紱開華屋。縣弧就綺筵。鳳毛飛綵袖。雁足踏冰絃。淮水長流地。張星本在天。漢庭尊弊吏。一倍惜君年。

飲黃園過宿馬西樵聽山草堂

雨夕名園飲。隨君宿草堂。暗星流地濕。夜水到門涼。焰影牀頭短。交情夢後長。曉來湖口望。烟霧正蒼茫。

二

地僻鳥啼早。林深日上遲。竹垂猶帶雨。花煖漸飛絲。曙色當虛牖。朝烟散遠陂。東湖頻放棹。不敢忘前期。

贈王孫晉四首

二

汝本佳公子。英年擅妙才。賦成天漢繞。筆落海濤迴。肅寺停花驪。蓮堂共酒杯。涼秋叢桂裏。藉汝一徘徊。

三

斯世難爲偶。伊人可樂羣。文章傳有日。意氣看如雲。孤榻憐秋晚。登臺感夕曛。年來扞史傳。只記信陵君。

四

大雅將誰屬。名材有是家。揮斤逢郢士。鼓瑟戀瓠巴。良宴千秋賦。寒城九月花。登高雲閣後。吾欲上君槎。

西河有雲起閣登高詩并序。見七律卷。

家人隨行者歸待海陵續寄

家世錢王裔。移來隋苑人。三秋登北固。二十度南閩。譽起推黃絹。文傳對白麟。天涯漂泊裏。念汝早風塵。

送汝還江滸。浮家泊海涯。榴開憐晝永。草短恨春遲。淥浦停雙槳。青衫綴五絲。渡頭休錯聽。喚買豆娘兒。

鮑一漚亭

嘉模曰。前詩云。渡頭喚買豆娘兒。正是我來江上時。故有落句。見七古卷。蔡子搆有代答詩。

懷鳧亭答寄

漲水浮千頃。寒亭對一漚。近城朝雨暗。孤榻暝烟流。碧樹橫前檻。朱花蔽遠洲。湖南饒古寺。鐘磬日悠悠。

久客思家切。懷人惜會孤。幾番迴北轍。只是戀東湖。逼牖生雲莽。閒亭狎野鳧。從來乘興事。多半在菰蘆。

曲渚環幽榭。臨流近野航。樽前雲鶴舞。城上草花香。水漲分隄帶。歌清繞竹房。今朝良讌會。能慰客愁長。

集閣修齡若璩父子卽席

東第邀羣彥。西園集酒徒。清缸開玉露。畫漿待珠湖。角綺梁王賦。烹鮮陸氏廚。謳吟相間發。不忍聽驪駒。

嘉模曰。珠湖卽東湖。時查伊璩同赴飲。嘗曰。卽事可念者。莫如畫漿待珠湖五字。

二

白蛤聯深幃。黃花插近筵。賓明王謝貴。父子庾徐賢。水調翻銀管。冰漿瀉玉船。淮南秋色遠。對酒正蒼然。

施劣所著名印竹杖賜教卻賦

都嶠蒼梧使。印山博望枝。荒經徼外得。新語囊中遺。碧楮繙銅鼓。紅藤絨石脂。東觀饒祕笈。惟有長卿知。

施長卿石渠講易。

寄呈伯兄六十初度時余滯淮

困甚猶知歲。游來倍念兄。違時驚甲子。徹夜望長庚。故國雙樽啓。清天一雁鳴。淮南叢桂樹。長是傍霜榮。

二

好學曾觀國。流年竟杖鄉。俟兒生繞膝。有弟去他方。天日經秋烈。淮流到海長。只憐三載客。不寄一清觴。

書楊方孝廉卷子因贈

長沂臨淮水。非關羨釣魚。願從伯起學。最愛子雲居。擲塵譚名理。揮毫寫道書。交游湖海士。爲汝久停車。

過桃源作

柳色驚春至。桃源傍晚過。茫茫垂白日。滾滾見黃河。野戍迴鴻雁。飛塵暗馬駝。當壚多美醞。不醉奈愁何。

將渡湖寄戴金蔡爾趾劉漢中黃世貴倪之煌舒章王弘昌劉琯
藉爾爲兄弟。渾忘在客塗。對花長共飲。得草自相呼。晚歲慚鉤黨。春山別釣徒。荒雞重問渡。涕泗滿前湖。

宿州道中

遠樹低天碧。春烟着地生。乞漿林下意。折柳路傍情。聯轡追徒語。迴鞭惜馬行。輕風吹短袂。看過鄆陽城。

春店

春店荒雞早。寒關曉度遲。一竿看日上。百里任風吹。野火燒禾耗。村烟掛柳絲。巾車徒邂逅。南北總無期。

旭日

旭日鋪平楚。春冰瀉曲河。東來趨早集。南去近朝歌。鄉窖同炊黍。烽臺久荷戈。登高逢令節。竟向客中過。

日日

日日見日出。朝朝行暮春。烏啼懷故國。馬首戀鄉人。旅唱吹山莞。亭餐供野芹。魚臺空渺漫。無地可垂綸。

劉勃安評曰。烏啼懷故國。馬首戀鄉人。善寫人情。槿花看午落。菱蒂及秋生。工抒物理。

和黃二翰過訪寓亭原韻

羈客空亭靜。憐君捨棹過。大都清興合。只覺野雲多。菰草浮紅寺。萱花映綠波。開軒相送晚。暝色上林柯。

自梁歸道淮和黃二之翰辱慰原韻

梁苑清樽在。曾從司馬游。淮南歸棹近。復爲故人留。招隱青山暮。懷君桂樹秋。流離多誕節。誰與賦旄丘。

王生索姓贈字

攬勝時求友。逢君喜得朋。鴻文垂皎日。白蛤耀層冰。慷慨追文度。風流薄茂弘。芳名千載事。誰不錫嘉稱。

毛姓懷歸適陳二給諫賦梅柳度江春詩屬筆寫情兼寄江南舊游諸公

臘盡流澌動。春還淑氣妍。風花籠草樹。愁思滿平川。梁苑收殘雪。隋堤拂曙烟。江南與江北。相望各淒然。

二

羈旅蕭條候。芳華次第開。春光何處度。梅柳日佳哉。風景他鄉暮。烟花故國催。茫茫江口望。應有賦歸來。

調執隨并序

三原杜蒼舒。攜僮執隨游山陰。略明府叔夜館之宴溪山別業。酒酣各起口占調執隨詩。約先成得飲。執隨乃下拜捧酒爲壽焉。

高館醉春風。相逢明下童。燈前驚越豔。花底見秦宮。濕葛裁衣白。含桃漬齒紅。越人歌未了。愁殺杜陵東。

嘉模曰。李賀黃頭郎詩。石雲濕黃葛。濕葛本此。歌不作吟。越人歌。見說苑。

種葛篇

種葛逾前坂。生蒲滿上津。日高懸馬的。波細蹙魚鱗。啼鴉生名趙。栖鳥家姓秦。青溪逢小妹。不是秣陵人。

逢吳廷楨白下

最念延陵裔。相逢白下橋。懷人貽綠綺。久客在烏聊。吳女墟邊酒。秦淮雨後潮。獨憐長乞食。吹笛不須邀。

曠野

曠野猶行役。荒城減送迎。向風人語咽。映日馬蹄橫。同父皆蒙難。依人敢敗名。短亭青草發。相顧若爲情。

發潞州度關山嶺

秋杪方回轍。冬寒又在塗。日斜融凍草。夜起剉霜芻。紫鬪新車幔。烏衣舊酒壚。關山千里道。一望總荒蕪。

二

下蔡趨程緩。南淝就道閒。宵燈停館舍。曉月度關山。林裏回車旆。沙頭聽馬鑼。依人方未達。歲暮敢言還。

清流關謁關將軍祠

夫子汾川秀。風流世所師。關山縈峻嶺。燈火炤神祠。集木鷄飛後。垂堂虎臥時。同爲亡命客。下馬一相思。

陸雲十曰。啞啞飛鳴。翔而後集。見答操書。又當時稱將

軍爲虎臣。五六是借境作點注法。關山卽清流關。非姓。

江上答許君

未築吳中室。還爲江介遊。紅檣浮永夕。白苧發清秋。貰酒三洲渡。題詩萬歲樓。它年許元度。相憶在同舟。

雲間雜詩

避地過三泖。探奇到五茸。乘潮環白馬。繫纜是青龍。越客追范蠡。吳人識顧雍。涉江秋正好。不爲採芙蓉。

二

婁水雲間縣。華亭谷口磯。文章如積玉。人士愛單衣。海鶴聽來晚。江魚看漸肥。只憐流蕩子。無地可言歸。

三

自昔雲間俊。嘗推二陸才。只今兄弟妙。又見董生來。董含進士。僉孝廉兄弟。各以詩文名世。對策開金殿。成文號玉杯。如何龍躍久。猶自困蒿萊。

四

清士看誰在。佳兒本自超。謂徐致遠及子憲也。書篇留北海。父子著南朝。有客吟芳樹。延賓過遠條。玉臺餘藻鑑。好句待君標。

五

整魚橫雲麓。還浮上海濱。三江開夏后。別浦念春申。吹笛難歸楚。無衣尙在秦。西州當日路。慟哭是何人。

華商源曰。西河兄弟俱少爲

陳大樽先生所知。故有落句。

六

處州賢太守。歸臥西郊廬。周使君茂源郊居。隔歲方貽劄。經年自著書。趨庭饒孔鯉。去郡解銅魚。誰念監輿內。東方千騎居。

看雪卽事和韻

飛雪滿層阿。樓頭鳥雀過。暗雲長接地。凍水不翻波。落絮拋朱網。凝華積素柯。江山千萬里。凭眺試如何。
宿吳氏江園感舊之作

碧樹叢叢暗。紅欄處處通。柳遮雲外月。荷度晚來風。幔捲驚栖燕。江深見下鴻。迢迢銀漢影。偏向畫樓東。
簡婁縣黃明府時新折華亭爲婁縣。

鼓枻通兒興。開衙仙吏情。人逢吳地勝。縣本漢時名。夜雨青龍艦。秋霄白苧城。到來剛九日。不敢問淵明。
贈周綸

公子何年少。才名世共諳。門間推玉樹。天上識瞿曇。倒屣驚河內。分居在道南。著書纔滿篋。已自過桓譚。
時滯示文集甚富。

答張五彥之

吾思曲江叟。垂老隱滄州。狂士歌衰鳳。鄰人諱盜牛。貽詩如越石。賣藥卽韓休。慚愧吹簫客。千金何處酬。
奉答東嘉陳玠客游見寄

仲舉眞名士。驅車賦遠遊。文章傳洛下。家世在東甌。楚頌湘蘭暮。鄉書海鴈秋。它時秦望月。應對謝公樓。
東嘉陳玠未經披觀曾夢予面以示于友宛然有似知己不隔途有此事辱貽詩記述會其將歸

奉答代諗

苦憶青山外。貽詩紫水傍。前期要范岫。掌夢藉巫陽。海國蛟龍滿。甌江道路長。願君還故里。勿復向西堂。
平野

平野白漫漫。中原朔吹寒。高雲鴉背落。積雪馬頭看。堠館冰蠶薄。村田燎火乾。千秋淮蔡路。相顧在征鞍。
早度荒莊舖

亭鉦侵曉發。旅酒隔宵沾。路白兼霜闊。莎紅帶日鋪。冰連狐跡淺。水落鵲巢孤。冉冉荒莊度。傷心又歲徂。

津橋遇雨

圩岸初成道。村橋數問津。雨絲颺里旆。泥水過車輪。碧玉壚頭女。紅氈馬背人。衣緇全改素。不用滌輕塵。

秋早

秋早嫌霜薄。村寒惜酒濃。沙程長換勒。土塚自懸鐘。翠鶻行高塚。僵桃接斷墉。天涯無匿作。來往欲何從。

通聲評曰。途次實境。歷歷如畫。

既鮮織情。復無鑿語。真是雅詩。

馬上

馬上踟躕起。傷哉構此生。潔身逢緯繡。早歲困戎兵。偃仰時逾邁。縱橫計未成。可憐骯髒久。仍負佩弦情。

磨盤嶺

早隊驅長礮。前行俯峻鞍。纓槍移樹小。鈴鐸隔坡寒。雨隙分鴉路。天低上蟻盤。王陽時在險。泪落不能乾。

憩潁州城東廟

計程來潁上。此地去河中。路僻州城白。村孤廟壁紅。土蘇擔婦爨。路樹表神叢。多少栖遲意。行行荒郭東。

贈金齋孝廉遠游

春草生江渚。王孫正遠游。高文驚五嶽。折簡走諸侯。柳下青絲轡。花間紫綺裘。相逢韓別駕。莫便醉楊州。

和張廣文游白雲山作

客至山容勝。春回澗道晴。斷崖留雪跡。虛壑受風聲。天遠看鴻度。林長信馬行。前岡題字處。冉冉白雲生。

寄張七梧江寧幕府

四載留河內。三春傍海隅。未逢曹子建。長憶阮元瑜。名重雲間鶴。飢隨幕下烏。不知殷羨札。曾得寄來無。

金黃門五十

張湛馳曉闕。王褒使故鄉。蒼龍環北斗。鳴鳳在朝陽。葵水呈丹籙。秋花映皂囊。黑頭看入相。五十省中郎。

客歸蒙王余高招集新宅同徐芳聲蔡仲光何之杰文燠朱玉貞并令弟宗高分韻

洛下懷歸日。譙東築室年。漙衣從久客。把酒後諸賢。接檻藏幽壑。當塔引細泉。斯遊如可紀。應續永和篇。

二

仲寶微言著。方平相見踈。烏衣逢舊侶。碧碗冒新蔬。啼鳥開簾靜。觀魚出洞虛。酒闌探石室。多有未藏書。

雲間董進士含招集以解維不赴蒙寄見憶有謝

高館方開宴。前湖已問津。多情羅薦席。無分接車輪。鄴下行王粲。蘭亭待許詢。至今聞嘯詠。愁煞蕩舟人。

懷董含

自別雲間去。三年度汝溪。蔣亭方二月。吾憶董膠西。蕙草春前寄。蘋風醉後題。見寄詩有捲簾黃雀雨。吹帽白蘋風句。

雙絨思不盡。長使角巾低。

二

結識空區宇。誰能迺出羣。長辭季布約。爲看董生文。暮雨婁江樹。春風上海雲。思君獨不見。歸鴈自紛紛。

萬竹園沈九主考席同周玉忠虞相羅坤馮肇梅令弟華范

客邸迎秋爽。名園入晝陰。樓從天半出。池傍竹邊深。接軫皆聯壁。傾杯宛瀉金。大都乘興地。翻見子猷心。

同諸公登雨花臺

及茲秋日爽。一上雨花臺。城郭千重起。江山萬里來。青天迴浩蕩。黃葉下崔嵬。六代繁華在。看君作賦才。

游修園同沈胤范主考令弟華范周玉忠羅坤姜燦

修園佳麗地。臨眺及秋晴。山脚虛閣迥。水映畫廊明。草樹長林茂。樓臺隔谷成。祇因仙客到。鷄犬笑相迎。

洪昉思評曰。山脚水映。寫得明。

晰其氣格則已高出岑孟間。

遇張梧江南幕

久別還行役。重逢倍慘悽。聞拋涇上宅。仍挈鹿門妻。謝墅千秋築。郗家一幕栖。離隱家室俱在幕。白魚潭自好。勿徑住青谿。

別鵝隱江南有謝

東冶亭邊酒。西州路下吟。人從秣陵別。情比大江深。秋氣迴長蕩。天涯惜寸陰。瀨中重在望。何日好投金。

沈祕書夜邸聽伎二首

暮雨過黃葉。秋星出紫微。臺城方漏下。官舍有烏飛。酒色侵人面。燈枝匝伎衣。天河都瀉盡。未覺按歌稀。

二

樺葉燒堂燭。桐陰鑱院齋。賓車藏左轄。商市散前街。舞罷調辛餼。歌長換子牌。最憐聽伎處。門外是秦淮。
吳棧符曰。估散街前。伎圍燈裏。全非。汎寫至門外是秦淮。則神思俱動矣。

登牛首禪寺

牛首恢龍藏。空山展妙臺。金花三界落。銀杏六朝栽。磴入雲間渺。江從天際迴。登臨雙闕上。懷抱亦悠哉。

二

紺國三乘竺。丹梯百丈蓮。獻花來衆鳥。嵌壁掛諸天。山靜經聲遍。峯高塔影懸。懶融如說法。願叩白雲邊。

贈江寧守

吾欽龔渤海。還遇杜荊州。清如建業水。操比秣陵秋。署有遷鶯木。家傳買犢謳。誰言策士賤。不用過諸侯。

王丹六評曰。高岸殊似襄陽。

此西河變調中。續唐一種。

二

領郡需廉吏。分符儼上卿。堂高雲滿坐。車過雨隨行。拔韭從任氏。披裘似晏嬰。內庭頒手詔。惟恐厭承明。

晴雪

朔雪看晴霽。忻然北郭行。路寒冰未折。竹動穆猶傾。曲渚凝潮黑。陰崖昔日明。幽懷如洗濯。襟帶有餘清。

冬行

薄日融霜野。嚴飈凍水陂。喜看山頂雪。誤踏路傍枝。沙鳥連陰聚。檐茅帶澤欹。蕭條松柏意。惟有歲寒知。

黃荆知評曰。沙鳥聯是刻寫入妙語。吳錦
斐不稱其似杜而稱其似摩詰。才是知者。

日涉

日涉荒園趣。時來問舍情。槿花看午落。菱蒂及秋生。野雀空倉聚。鄰雞高樹鳴。採桑春候早。五馬待經行。

旅病同游翻杜詩。有露下天高。秋氣清一律。敬撮輳疊。勿仍連偶。因觸病字。亦成三首。雖乖大雅。殊遺抑懷。

獨步疎檐菊。應驚宿雁鳴。新秋逢再病。遙夜倚孤城。月下燈猶接。天空露自清。雙帆看不至。南北旅人情。

旅臥人猶病。山空魂獨驚。孤燈懸宿炤。雙雁下秋清。鳴杵高天露。新書遙夜情。倚檐看北斗。應接漢南城。

孤月接高城。秋空天漢清。鳳書懸不至。牛宿看應驚。旅杖逢人病。山燈炤夜情。疎檐新露下。猶自杵雙鳴。

附陳康侯詩。病應高杖倚。氣接夜櫓清。秋至人逢菊。山空月照城。南天看北雁。雙宿不孤鳴。獨步懸燈下。無書自旅情。

臘日發章門戲酒。李順送司勳盧員外詩呈姜侍御。

欲發章門晚。文題薦臘新。漢郎今侍史。仙女夜歸秦。下雪澌陽月。添鴻度早春。楊雄長草賦。似憶故宮人。

柱下今歸發。鴻文似五千。長門題夜月。女史侍秦仙。春草添宮臘。河流憶漢年。新章雄建立。早晚薦人傳。
附陳康侯詩。雪色宮門晚。楊雄薦賦新。鴻歸已度臘。草發似傳春。夜漢新流地。河澌早下秦。文題五千者。柱史故仙人。

贈日者顧生

詹尹端龜日。君平賣卜年。春風吹斗角。河水下星田。皂帽欹孤榻。青囊檢祕篇。數升清酒在。那計杖頭錢。

西河文集

蕭山毛奇齡

字大可稿
又字子稿

姜希軻亦與較
來胤佳僕有較

五言律詩三

越城觀獵

較獵越城東。旌旗出郭紅。翻鷹飛朔雪。走馬踏春虹。壯士爭金埒。將軍控角弓。離臺行樂地。驅騁夕陽中。

登山曉樓望橫浦作

放曉登山郡。乘秋望越臺。江流從北去。海日自東來。鈴閣迎風動。戈船下瀨迴。天邊橫浦樹。應傍嶺雲開。

旅舍

旅舍盤丘壠。它鄉戀物華。露流常濕樹。霜煖不彫花。江減看帆小。城荒覺路賒。雁歸渾未定。猶似滯天涯。

姜都諫覲歸候轉

負弩作先驅。銜恩假舊閭。晝歸重戲綵。春殿久牽裾。上秩需遷詔。空函貯諫書。鄉遊真可羨。數世有懸車。

其尊人虞部公爲宗伯公冢嗣。

揚子橋示友

京峴雲霞曙。蕪城草木凋。秋風渡寥廓。海上金焦。雁盡瓜洲樹。人逢揚子橋。鄉關吳楚隔。何處問歸潮。

蔣大鴻評曰。西河于揚徐之間。每多傑作。似詩以地勝然。前人經此衆矣。唐以來寥寥耳。逮今而後。登臨靡然。得非地又以人勝耶。又曰。春潮渡伍胥。境中即事。故事。雄人。蓬揚子橋。即事見境。故境關。

江南春

春到江鄉。豔花連海郭。長清明兼上巳。處處倚新粧。列闌環青嶂。平船映綠楊。美人歸渡口。宛轉墮明璫。

二

冶色三臺麗。晴光一望遙。青田平繞路。綠水細迴橋。柳市迷車騎。蘋風颺綺綃。春陽一百日。日日可憐宵。

南征詞

大將下三瀧。東風引旆幢。戈船開曉驛。花浪滿春江。越徵方馳檄。甌蠻已受降。畫梁新燕子。早晚看成雙。

蔡五十一同伯兄過尋姓西湖

故國歸難得。春山望欲窮。呼人谷鳥下。尋弟黍苗中。零雨淹湖寺。浮雲蔽海東。三年襟上血。相視暮燈紅。

希軻曰。新序以黍離爲壽尋。彼詩。韓詩稱尹伯封求兄伯奇不得。作黍離。黍而爲稷者。憂遷不識于物也。鳥鳴幽谷。猶求友生。皆詩句。

泊荻港

滌槩葭鄉遠。維舟荻港稀。蛟龍蟠水宿。烏鵲近橋飛。雨歇繁昌驛。烟橫板子磯。當塗無舊主。歌詠欲誰歸。

冬夜湖西席限韻二首時計百司理將曉行

千載征西宴。同時鄴下賢。觴流歌管外。燭墜舞衣前。霜柝嚴城靜。星河曉幕懸。驪駒誰待駕。只有使君船。

二
東望

華館饒清興。新歌夜未央。裁詩劉庶子。別席庾西陽。月上移蕙燭。霜霏薄羽觴。明朝有離客。歡讌轉難忘。

宿墉下早發

東望三江近。西看七澤長。到舟憐並纜。私語習他鄉。日落山城冷。烟生草店涼。波光千萬里。江路好難量。

春坂橫江館。晨裝去市墟。霞翻城上錦。露散草頭珠。宿蝶銜衣帶。棲鴉起轆轤。出門逢小吏。剛向府中趨。

史晉生評曰。行役中俱如此豔情。故是竟體芳妍。動得閑雅。

題館壁

洛下花爭發。河中水正流。春陽生大道。西北有高樓。浦口逢神女。盧家字莫愁。清宵深館燭。猶許重淹留。

從龍津達葛溪舟次

道路邇迴日。江湖樗散年。彤山開古縣。碧雨漲春田。旆轉沿洲市。橋鳴上瀨船。九龍前望杳。彷彿度青天。

登鎮海樓和友

絕檻橫秋聳。危樓俯地雄。烽烟遙海外。樽酒大江東。帆影隨潮白。楓林帶雨紅。烏鳶千載泪。長在和歌中。

舊評曰。此等詩豪蕩渾熟。氣蓋一世。直與江河爭雄勝矣。老杜登臨詩。亦罕此全作。

過陶桓公故居

奇績著天壤。當年有老親。求名憂士賤。留客值家貧。建節長沙郡。遺居鄱水濱。我生悲負母。感此涕盈巾。

長門怨

莫作長門怨。長門怨自長。鑿輿迴上苑。歌舞在平陽。玉殿鴟飛白。金鋪日下黃。願爲華燭影。夜夜侍君王。

上舞昭君

翠羽辭春殿。氍毹車向朔。風河流通塞。口野火焰衣。紅粉黛銷吳地。琵琶憶漢宮。可憐上下舞。盡入怨歌中。

送客屯安州

洱海浮天遠。昆陽擴地遙。新田還漢驛。壯士佩吳刀。漕輓占城種。軍移鄖國苗。轉輸無用諭。勿上長卿輶。

塞上曲舊註曰古西征也

太白動高秋。征人上戍樓。風號沙曲裏。天盡海西頭。半壁跨關隴。前軍度塞溝。專征年尙少。莫道未封侯。

二

上將調邊略。中兵出渭橋。黃花秦地戍。赤幟漢年標。雪後留遮騎。雲間逐射鵰。古來稱善戰。莫過霍嫖姚。

三

出塞無中策。開疆有上功。沙流秋濯劍。關月曉懸弓。漢陣三河震。邊陰萬里空。捷書連插羽。看入未央宮。

登富春山

放溜下江關。春風輟棹還。晴雲開絕壁。一眺富春山。江鳥寒波靜。山花錦石斑。高棲吾所向。聊此遂幽攀。

赴新安至七里灘作

東歸苦行邁。南涉上新安。水木千雲亂。沙禽拂浪寒。孤吟隨盪槳。多難負垂竿。何日風波靜。還來住此灘。

泊嚴灘有感

晚泊傍斜暉。臨江泪滴衣。年華新歲改。京國故人稀。雲散崗巒彩。天垂薜荔圍。嚴陵臺下水。但見暮潮歸。

攜田甥登嚴陵釣臺

縹緲臨高臺。凌虛亦壯哉。浮雲分磴出。落日大江迴。客臥千秋在。灘鳴七里來。羊裘如可待。吾亦負竿才。

鄒計士評曰。嚴灘無佳詩。自劉長卿後。寥寥數

語。今則更斷而已。如此雄渾闊大。真是傑作。

邵公南評曰。落日大江迴。高句。灘鳴七里來。傲句。又曰。大可新安凡四詩。疑二時作。放溜縹緲二首。最雄博。東歸首蕭疎。晚泊一首。則悽絕矣。然京國故人稀。暗反子陵事。只悽語下得不泛。抑何密也。

早渡揚子

孤嶼浮紅旭。高雲蕩碧虛。揚帆迴北固。破浪出南徐。曉樹迷三楚。春潮渡伍胥。蘆埼何處是。湛湛欲愁予。

觀海

東去觀滄海。南行泛百川。晨光開白地。秋水屬蒼天。鼇徙三山外。鵬飛六月前。空期羨門子。採藥是何年。

二

初日浮孤島。洪波蕩九垓。南傾從混沌。東望見蓬萊。蜃起雲連湧。鯨高水大來。何當掛席去。天畔一邈迴。

三

秋色翻溟渤。晨征企混茫。乘槎隨漢使。鞭石笑秦皇。水氣黏星黑。潮流滾日黃。大瀛環盡處。久已識扶桑。

戴公南歸餽予故宮人所用鏤管玉管二枝有賦

彤管分金縷。丹毛被綠璵。長門曾寫賦。東觀舊修書。湘竹隨巡去。簪花供奉餘。錦囊才啓視。雙泪落衣裾。

二

誰把昭陽珥。攜來海上翁。瑤函傳漢代。金管類湘東。露浥仙盤碧。花披女袖紅。如何淪落此。相抱冶城中。

看月

何處閨中月。盈盈起故關。全濡羈客袂。空到美人顏。遙海生將滿。高樓炤未還。秋來三度看。兩度見弓彎。

希輞曰古詩有海上生明月。明月炤高樓句。五六用此。

宿江寺

春宵宿上方。春雨思茫茫。花氣衝簾細。江聲入郡長。歌樽通梵宇。歸夢滿禪牀。何事偏留滯。吳鄉共楚鄉。

送李琦還家襄州

送汝還襄鄧。春風起大隄。家浮青雀舫。人唱白銅鞮。諸葛隆中客。龐公江外妻。可憐新種柳。都似武昌西。

遇邵二懷棠自潮州歸赴公車

故國三年別。天涯一望長。公車驅冀北。客路返潮陽。湖海逢張儉。才名重季方。令兄公南齊名。將攜新語奏。莫戀橐中裝。

江閣新晴卽事寄伯兄

客裏回初日。樓前趁早晴。近欄江氣落。映壁水紋生。曉榻裁書遍。春帆摺布輕。愁霖罷唱久。長負寄兄情。

二

零雨銷江閣。晴光滿郡湖。奔流方捲練。滴葉尙懸珠。塞雁乾將度。原鴿煖自呼。如何春候遠。日日在修塗。

徐武今評曰。刻寫初晴境。而懷歸之意。蟻蟻欲動。

唐詩多卽境。少攙情。境至而情自深者。此是也。

雜詩

屢被春前酒。重尋郭外村。沿溪浮水碓。深巷閉柴門。啼鳥一聲靜。梅花萬樹繁。南天苦流滯。誰與賦丘樊。

江園

江路入深深。江園倚碧潯。流雲當檻落。接葉滿庭陰。馬埒沉春水。魚牀啄暮禽。何年商婦在。時起隔江吟。

過普安寺并看劉孝廉伎童學伎

古寺三車合。荒城一徑斜。秋雲籠寶塔。曉露滴金沙。紅豆籬邊子。青蓮座上花。善才華鬢好。看綰佛頭髻。

寺有響塔金沙泉。

宛溪

宛溪八九月。秋水繞溪生。吾尋宛溪路。還愛謝宣城。樓日褰簾皎。溪花近岸明。行遊垂盡處。猶聽詠歌聲。

送馮之京歸里

蕙帶束輕裝。蕭然返故鄉。甘貧辭辭客。未老念馮唐。零雨川原迥。干雲意氣長。綠楊新幔影。咫尺是河梁。

雜詩

古驛通丹巘。山亭障碧茅。佳人酷竹葉。乾鵠噪花梢。地僻鄉書斷。江深市廛交。春還愁未遣。柳絮莫頻拋。

遇黃大有贈

織貝裝書軸。裁絲繞劍韜。春光開白墮。野馬罨青袍。東府賓朋遠。南行江漢高。翻飛餘背羽。愧爾鳳凰毛。
胤佳曰。野馬游絲見莊子。

秋後荷池泛舟

小艇下荷池。秋風拂水涯。蒲磯收枕簟。花浪蹙胭脂。洗袂牽菱刺。停橈結柳絲。野塘歌詠罷。剛值晚涼時。

寄懷姜侍御圖南分司南昌

節鉞洪都府。屏藩牛斗間。高名震吳楚。偉伐控荆蠻。江樹思來渺。湖雲望去閒。南昌陳仲舉。應向稭亭還。

丁司理偕內君王夫人玉映四十初度一在九月一在七月

四十懸弧日。同逢設帨辰。建安推敬禮。林下重夫人。漉酒黃花近。支機綵馭新。從來歌頌秀。大抵在秋旬。

希輞曰。漢郊祀歌。秋氣肅殺。含秀垂穎。閩中稱夫人。繫其生氏。西河漢越詩。稱鄒忠敏夫人爲商夫人。或非之。西河有覆友書。甚辨。如王司徒婦稱鍾夫人。右軍婦稱鄒夫人。李矩妻稱衛夫人。鄭文學妻稱孫夫人。類世說王夫人與顧家婦對。偶然耳。他便稱謝

夫人矣。見

文集卷

宮詞

玉輦推青草。金房敞碧渠。龍盤仗下舞。鳳轉殿頭書。執戟分環衛。裁紈獻捷俘。長門無用賦。愁殺漢相如。

二

萬乘驚鸞馭。千門識冕旒。風高鵠鵲觀。春煖鳳凰樓。酒捧南山翠。花纏清渭流。少君方進幸。東望指瀛州。

三

清宴迴長樂。探春出未央。侍臣青瑣闥。仙母白雲鄉。祕戲迎瑯軫。雄詞起柏梁。昇平新有奏。千載誦君王。

四

御柳搖風細。宮花滴露濃。晨驅翻鐵騎。晝漏下銅龍。弟子催供奉。昭儀敕幸從。仙盤頒瑞下。擎出玉芙蓉。

五

曉觀移仙仗。春林轉羽旗。徵歌宣曲殿。教戰定昆池。花翦千垣綵。星明五時祠。飛來雙白鶴。方上萬年枝。

贈李昇就學

尙有詩書意。寧無禮樂情。我慙晉處士。君作魯諸生。晚日花間酒。春風江上城。汾亭能就學。從此送君行。

題孤山表忠祠

事君蒙患難。在昔死官僚。樓觀祠遺烈。冰霜識後凋。山銜天目雨。雲湧浙江潮。朝暮看歌舞。忠魂應未遙。

二

豈欲棲幽境。曾經從鼎湖。封章廷闕遠。祠廟海天孤。絕閣環丹巘。滄流漾碧蒲。丘山懷古地。下馬幾踟蹰。

孝女

孝女秉幽姿，靈幃展素絲。春蘭時會鼓，夜火滿叢祠。江畔青螺水，碑陰黃絹詞。商船留賽去，愁煞上潮時。

徐涵之評曰：萋迷婉孌，幽豔欲絕。九歌遺調。

又曰：孝女以潮殉，落句似遠似近，如許淒妙。

西施廟

浦口西施廟，蕭蕭竹映門。越王山下路，寂寂苧蘿村。紅粉溝頭水，青苔石上魂。夜來餘里婦，燈燭伴黃昏。

題聽山堂

馬駿別業

叢薄秋風裏，巋然一草堂。到來聽不盡，只在此山陽。管席環笙磬，桐臺翥鳳凰。淮南有賓客，洗耳向滄浪。

聽羅牧彈琴

未辨弦中趣，徒憐爨下材。秋風吹海水，落日炤琴臺。目送歸鴻遠，彈成野雀來。雍門原有泪，不爲薛公哀。

二

阮氏長留嘯，鍾期復鼓琴。高臺垂晚日，野寺間秋砧。離黍它鄉泪，飛鴻國士心。撫絃綮佇久，祇爲少知音。

爲河上白女冠彈琴作

旅泊依河岸，鳴琴起鬪津。華陽仙子操，盧女漢宮人。海鳥銜紅藥，天雞叫紫辰。青谿凡五弄，并入洞中春。

入虎丘

斜日山塘暮，清秋古寺分。樓臺銜樹雨，磐石坐溪雲。地勝開龍藏，天高見雁羣。眞娘墳上路，長記醉紅裙。

舟泊登望

朝雨五湖烟。江南正採蓮。丹樓凭浩蕩。碧草望芊眠。近市要離冢。浮家范蠡船。可憐漂泊久。愁過酒城邊。

吹笛

伍相曾亡楚。梁鴻乍入吳。賃春來有意。吹笛向何途。曉樹迷長蕩。秋風起太湖。壺漿裁欲掩。流涕下菰蒲。

重過淨居和藥地大師萍字

不信枝頭絮。還爲川上萍。山門今又到。礪水舊曾聽。落日穿林白。空雲出岫青。遠公高詠在。留和滿中庭。

岸圻

岸圻疑天盡。沙平與地浮。萬程惟水宿。千古此江流。篠曲藏漁罟。蘆花起棹謳。烟波無限興。相顧各悠悠。

高郵

一片高郵水。蒼茫曉纜開。葦深知岸闊。水濁自河來。估市懸帘繞。驢車振鐸催。沙城迴泊處。檣櫓倚層臺。

早發

曙鼓開朱鷁。晨鉦出白陂。波橫聯榜動。風仄掛帆欹。關遠征呼靜。舟涼睡起遲。檣烏啼最苦。不使近船知。

飲馬駿宅

我醉扶風酒。南湖落照時。叢蘭披草路。鮮鯉壓花瓷。解珮聯刀錯。傾觴倒接巖。原來絳帳外。也有坐彈絲。

沽酒

沽酒驛樓邊。楊花入暮天。車聲驚異地。門影記當年。江下兼程度。壩頭一醉眠。春鶯如有恨。啼殺碧簾前。

沈留侯評曰。讀前四句。使人銷魂。讀後四句。使人斷腸。

過四洲寺與朱三馮大

共作臨川客。頻從化國遊。慈雲開象駕。寒日戀烏裘。人事分雙樹。天輪轉四洲。上方凭眺迥。應有仲宣樓。

逢朱三卻憶難兄朱大士稚

紺舍逢車笠。黃花對酒卮。天邊鴻雁侶。衣上鶴鴒詩。南海聞琴夜。山陽偶鍛時。祇餘難弟在。相顧泪如絲。

鄧子

鄧子本龍驤。相逢大道傍。談兵迴駿馬。吹笛上胡牀。意氣樽盤合。關城雨雪涼。東都推將相。誰不重南陽。

故人黃開平死十年矣旅夢泫然醒而有述

委抱忽不樂。幡然泪滿巾。十年泉下友。一夕夢中人。別路螢如雨。荒城雞未晨。可憐相憶語。倉卒未曾申。

入石溪寺

碧嶂縈溪遠。青林入寺幽。塔前聽雨過。城上見江流。寶樹迷天界。春花對客樓。到來題字者。誰識舊裴休。

寺舊有裴休題額。盧肇讀書臺。

石溪寺遇雨

古寺倚青林。禪關一榻深。江雷奔夜壑。山雨破春陰。樓迥連官閣。燈明見客心。故鄉千里月。夢去幾追尋。

東湖

東湖看落暉。湖上啓雙扉。近水堤常濕。無風花自飛。林深重載酒。春晚欲添衣。舊日漁洲侶。相過在益稀。

沛城道懷大敬憲臣南士因作

二月淮徐道。春風馬上行。故人千里隔。新柳萬條生。鳳舉慙河內。鶯啼過沛城。枌榆仍作社。無限舊游情。

希輒曰。向秀從稽康鍛河內五君詠曰。攀稽亦鳳舉。

碧樹

碧樹藏紅旆。朱門映綠潭。春風歸海甸。寒食在江南。官市初調馬。人家舊養蠶。丹陽新柳下。何處覓劉惔。

望閣皂山

靈境何年到。蓮花望裏生。烟林浮海日。雲氣滿江城。地迥丹臺遠。春深洞壑清。蒼蒼一以眺。頓起故山情。

除夕前一日崇仁官署分歲作

故友居官地。他鄉分歲筵。臘從明夜盡。客向此宵圓。柏葉金盤酒。千枝蠟炬烟。誰憐江畔旅。來日又經年。

二

古署桃符改。當筵爆竹新。一堂分歲酒。千里去家人。燈火留殘臘。笙歌度早春。年華將盡處。倍覺感沉淪。

雜詩

夜雨增歸思。朝曦動客愁。長林湖路迥。細草寺堂幽。春色還南頓。鄉書斷北郵。兩經暄煖候。猶未換烏裘。

登石鐘山

幾度經湖口。今來眺石鐘。天風吹草木。江浪起蛟龍。巔巖懸千仞。烟波思萬重。手中無寸莛。何以扣鐘鏞。

四月八日游華藏寺并懷徐徵君繼恩逃禪湖上

四月尋幽興。三摩觀會禪。支公籤室外。太子浴堂前。黃鳥銜春菓。丹臺長夏蓮。流連當此日。倍憶聖湖賢。

宿建平僧舍

寒雲宿嶺頭。隔嶺梵宮幽。門間山菓落。窗外石泉流。燈影雙林白。鐘聲萬壑秋。愁心與勞思。到此共悠悠。

菱湖晚眺

流浪經年遠。前湖一望賒。晚風吹苧葉。秋水散菱花。雪浦停帆路。烏程賣酒家。相逢似相識。延佇日將斜。

八日

綵燕經年見。仙裳七葉新。久爲江外客。愁翦勝中人。日上平沙午。風來故國春。巴東千萬里。極目轉傷神。

賦得小寶珠山茶叢開同用分字

細蕊穠苞拆。叢花小榦分。瑠槃扶絳蠟。青女坐紅裙。冬日兼春日。丹雲共綠雲。階前頻翫賞。莫負掌中芬。

懷沈憲使大梁道署樓

避楚原非計。迴梁已倦游。君方還溷浦。我又上鈞州。鳥語開廳事。花飛飲署樓。憑欄歌八詠。面面起春愁。

飲大梁道署海棠樹下懷沈憲使荃

古署清缸發。還思沈翰林。十年賢使蹟。一別故人心。晚鱸菁初淪。春棠花自陰。庾公乘興地。皎月坐來深。

雨後飲黃兵部園林留詠并與黃二之翰

露席花間啓。江舟雨後來。橫廊堤柳接。捲幔水亭開。日暈穿林薄。烟絲掛酒杯。名園饒遠興。還上幾層臺。

二 每渡珠湖曲。長思紅板橋。雨餘還盪槩。風起自生潮。碧嶂依晴閣。青田長夏苗。平欄低水面。四望總逍遙。

三 雉堞連烟暝。魚餐旁水多。晚雲濃過樹。積雨暗流柯。濕蝶沾紅網。翻鷗起碧波。空亭留僕破。鐘磬動岳阿。

四 碧幕銷紅藥。青衫映綠苔。座中誰最爽。吾愛馬西樵。簾靜山逾霽。天空鶴在霄。繩牀歌嘯永。不敢問歸橈。

五 愛煞名園勝。況茲園裏人。論交誠有道。作賦妙能神。玉樹開朱榭。清觴度錦茵。晚雲留客處。野水自相親。

宿少林寺夢跋陀飲子水

絕壑嵩陽晚。西行宿少林。月寒龍洞遠。露下講堂深。蓮碗分丹液。楊枝滴素心。何年婚嫁畢。重向夢中尋。

送虎丘僧游天台

飛錫朝乘嶠。浮杯夜渡湖。檜溪臨絕磡。花頂拔當塗。清嘯成公賦。希軻曰。成公綏登天台赤欄橋作賦。高披孫令圖。石梁如可過。萬里一相呼。

二 勝域追遊近。名賢餞送多。杖來吳地月。掛去海門蘿。瓊樹明丹闕。桃花泛碧河。支公習靜後。丘壑竟如何。

三

天畔開丹壑。霞標建赤城。荷瓢橫海去。曳杖入雲行。曉日千嶺立。春風衆鳥鳴。金庭垂碧澗。知汝早留名。

西河文集

蕭山毛奇齡

字僧開
又名姓稿

平士杰漢三較
郭光第湛思

五言律詩^四

送何生赴沂州邵使君幕

曾子浴沂後，嘉賓入幕年。
黃梅江上雨，行李泗州船。
祖帳傾吳酒，官程接魯田。
使君今管仲，應著牧民篇。

尤司理園林飲次和韻四首

是地真幽絕，臨流亦快哉。
長林迷草樹，遠水見樓臺。
柳色遮成幔，荷花卷似杯。
泉明有三徑，早已賦歸來。

二

吳苑饒名勝，斯游倍爽然。
平橋低着水，高樹暗參天。
露席驚鷗起，繩牀對客眠。
舊時池館在，只許辟疆傳。

三

東城環壠畔，北柴傍湖濱。
金谷園中酒，藍田莊上人。
雲深常帶雨，日隙不流塵。
處處蓮塘滿，何從下釣綸。

四

紅泉疑物外，碧草遠人間。
圖史長年靜，琴罇入夏閒。
開扉通下塢，隔郭見遙山。
倘許留旬日，無容覓棹還。

登箕山

爲訪箕山隱。淹留潁水間。千秋高士地。一片白雲閒。暝鳥枝頭嘯。春花石上斑。清泉堪洗耳。不欲竟來還。

箕山有懷

處治能忘賤。居然遂爾超。知時來避禹。生世幾逢堯。石蔓披香褐。山菘掩翠瓢。嵩高棲息地。一望在青霄。

玉溪村家

碧篠參天密。清流抱屋斜。衣冠忘歲月。門巷遍桑麻。晚日東亭酒。春風西曲花。終年愁避地。思煞此村家。

憩叢祠

叢祠臨大壑。高閣俯層波。破壁銷圖畫。殘碑冒薜蘿。山深通鳥道。地僻有漁蓑。卻羨投竿者。悠悠意若何。

荷澤

荷澤將迎暑。陶丘轉上征。野花薰日墜。深樹引涼生。負郭荒村淺。連郊古瀆平。賣漿師尙父。空向路傍行。

土寨

土寨分徒輦。山橋度馬蹄。花邊迴望遠。棗下引頭低。客舍蠶春繞。人家酒旆迷。紅塵遙合處。日落太丘西。

宿儀封懷王少保

變姓游梁楚。棲遲執問津。高門懷少保。下館對封人。萋萋餐當午。榆花墜晚春。驅車千里客。望起浚川塵。

蔣大鴻評曰。野花薰日墜。深樹引涼生。逾次首夏境。固爾。至萋萋餐當午。榆花墜晚春。又宛然濟上暮春時矣。標寫之細如此。

定陶道中并謝魏文學兄弟

奔走未寧息。憊然濟上行。陶朱游子姓。毛遂野人名。風落楊橋暮。烟籠麥坂晴。望門堪止宿。孔氏弟兄情。

征行曲

車騎出龍沙。屠耆轉戰賒。長雲迷白漫。大雪下黃花。夜火連邊障。天兵識漢家。延州有軍吏。勿使右賢遮。

二

旌旆繞邊風。將軍遠鑿空。五原徵少俊。十乘啓元戎。月落關山白。烽高塞谷紅。磧西皆內地。不必備回中。

三

北斗覆黃河。征行日荷戈。全軍通敕勒。救餉過滹沱。玉鏃遮鴻雁。金裝繞駱駝。寒風吹角罷。猶聽短簫歌。

四

王者慎佳兵。志士喜從征。赤羽馳河外。黃榆落薊城。飛狐方轉戰。飲馬自橫行。五郡良家子。何時返玉京。

長至夜答徐生體仁見懷

朔雪下層冰。嚴飈轉玉繩。躬耕懷孺子。麗句想徐陵。律動牽緹縵。衣寒覆毳毳。陽春初起和。愈使野愁增。

題吳九彥聖所藏黃檢校寒林畫幃

過臘回清境。何年製粉圖。晴鳩翻領繡。雪糝墜花桴。散彩分毫末。輕寒辨有無。深林求勝事。令我念成都。

夜雨集桐音

百里鑑湖潮。輕風度畫橈。衡門春寂寂。山雨暮瀟瀟。帳煖融桑落。燈流動草苗。明朝攜屐去。應醉綠楊橋。

平津簾膠河飲次作

十載論文契。千秋尙友情。長貧思鮑叔。多難感虞卿。夏雨槐廳靜。朝花莞簾清。簾膠相對飲。偃蹇媿平生。

寄贈朱大禹錫出宰山陽

漢室臨淮郡。銅章分治遙。軒車洪澤雨。錦纜射陽潮。叢桂依官閣。魚鹽散市橋。南陽朱季在。應聽府中謠。

董良欝明府候選歸里

振策游蓬苑。看山返鏡湖。秦官需縣令。漢相重江都。日下開金簡。花間啓玉壺。鳳毛才五色。羨汝早棲梧。

胤佳曰。克千爲伯魯先生長君。

若耶溪

春水綠紋斜。行行度若耶。樓頭吹柳絮。溪口種荷花。翠袖方扶槳。明粧出浣紗。是誰騎馬去。招我過東家。

閨晚

少婦新妝罷。東牆日薄時。暮光流雀噪。晚樹織蛛絲。油壁歸來早。紅繩拋去遲。城南桑壠下。猶駐五金羈。

施又王評曰。暮光雀噪二語。口至目接。詠落思生。何物神筆。遂至于此。西河竟體妍豔。讀此章。覺神龍以後。徒作麗句。殊非俊材也。又曰。羈罷日薄。閉澹至矣。金羈油壁。俱與借炤耳。又曰。晚日着東牆字。俱妙。

川上望月

旅宿清川月。流光冷欲侵。臨軒時倚徙。竟夜起沉吟。水靜浮寒壁。風來蕩碎金。前洲驚汎景。定有未棲禽。

懷沈司理嶺外

粵徼驅驄馬。循城佐鹿車。蕉花扶使節。笏子削刑書。海日霜旌麗。瀧臺水鏡虛。紫雲東嶺望。時見起金魚。
送向陽游天台歸還舊京

華頂看朝旭。天門聽海雞。浮槎環碧草。挂席返青谿。流水樽前逝。桃花去後迷。中秋明月滿。疑在石梁西。
全友送康臣肩吾二國子赴都和韻

十載聯鄉譽。同時詣帝居。暫爲三舍客。不讀四門書。漢苑推司馬。膠西聘仲舒。楊園春煖候。看上總明車。
二

淥浦開行餞。朱花拂去鞍。著成郎省賦。名在太常官。觀起東西偉。人分甲乙難。長安游顧陸。仍作洛中看。
送龍川令之官

再捧郎官檄。重尋茂宰船。看花還雁塞。飛鳥下龍川。盧橘垂江館。丹雘拆露田。揮絃吟舊曲。莫忘葛公篇。
獨駕小艇行。大船橫關不得前。賦用自慰

小艇蓬根婦。垂鬟亂似麻。誰家艫畔女。雙臉豔如花。倚棹歌殘月。新妝炤淺沙。片帆相顧遇。各自惜年華。
顧侍御巡鹽將還京。姓以羈游不得奉餞。申此二詩。胤佳曰。顧西巘先生以文章名世。舊知西河。

直指達霜威。聞將返禁闈。雕鷹當午擊。驄馬逮春歸。斥地留葭鼓。朝天整繡衣。鄉關期飲餞。竟與寸心違。
二

柱史巡吳海。星軺起宋宮。波連霜簡白。花映繡衣紅。三坐需鳴鳳。諸侯合避聰。自憐流滯客。腸斷浙潮中。
東許記室

欲賦共王殿。還登杜甫臺。岱雲搖北斗。海日近東萊。齊魯文章勝。鄒枚賓客才。湖陵城下過。俟我一徘徊。

蓮河祝贈

爲朱敬身尊人也。

丹鳳起南阿。靈椿長舊柯。清觴銜栗里。高閣近蓮河。植杖生風雨。裁衣捲薜蘿。海鼈垂釣去。有子勝曾何。

夏首送李三還興化時京口有警

兵甲未寧息。憐君思故鄉。到來江路永。歸去海天長。葛葉裁新服。荷花蔽野航。舊時雙劍匣。仍入一空囊。

二

古驛平潮外。長帆細雨中。愁心浦草綠。遮眼石榴紅。烽火吳王塹。烟花煬帝宮。前途如未達。歸去莫匆匆。

聞天章還家清源

倪生久失意。託跡江淮間。一旦使辭去。飄然歸故山。清泉流古縣。晴日滿郊闌。我本無家客。愁看飛鳥還。

勃安書至云天章一草亭分與居且曰薜荔花開綠陰滿庭室邇人遙不覺泪下

今日復前日。故人還故鄉。草亭無恙在。聞道與劉郎。夜月江淮渡。春風薜荔牆。夢中尋路遠。那得到東昌。

題眷西堂并序

閻氏自山右來淮。名其堂眷西。不能忘舊。乃從堂主人再彭之請云耳。

甲第移家遠。茅堂倚郭新。久爲淮海客。仍是太原人。荷蓋看留楚。瓜生想去幽。天涯多蕩子。誰得買君隣。

一

鹽筴開鴻緒。魚鷺念舊鄉。人倫重東國。彼美在西方。啼鳥聽幽谷。流泉繞夕陽。千秋垂乃眷。聊以志斯堂。

旅次送劉孝廉赴試

把酒江城暮。逢君赴帝京。春華思庶子。歲晚見劉生。好友多聞達。中原罷甲兵。驂驢相顧去。記取贈鞭情。

信宿

信宿幽人境。流連野老家。蜂撩磻底絮。魚沫水中花。踏竹翻田單。看雲拂釣車。平疇通曲塢。猶見好桑麻。

南村叟

最喜南村叟。長耕西社田。蒲衣遮雨後。稻種浸春前。安分能完課。憑勤減貸錢。終朝力作苦。一話太平年。

將過鵝湖經釣窟作

望望鵝湖勝。青崖去不窮。人行鴉樹底。山在水光中。窟寺浮天碧。溪莎隔歲紅。幾時幽覽遂。重訪葛仙翁。

送外生

多難隨郗氏。他鄉別魏舒。外家憐爾勝。相宅竟誰居。夜雪廬陵酒。秋風甓社魚。一爲殷浩詠。雙泪落衣裾。

秋夜姜侍御席上贈胡璉二首

東道開丹幕。南臺敞素秋。白榆天上落。青桂月中浮。旅燕棲華屋。蒼鷹下錦鞬。孝廉誰第一。伯始在中州。

二

烏府陳瑤席。黃星映少微。萱花和晚繪。蓮葉翦秋衣。夜靜江聲遠。霜清燭影稀。金鈎一十五。親見巨魚飛。

原韻酬德俊

命世甘時詘。循牆守德隅。人誰憐抱璞。俗尙好吹竽。北海君家論。南州漢季儒。青春方努力。莫忘鯉庭趨。

徐九芳烈採得雙頭紫芝

三秀何年種。雙花獨自攀。塔庭分謝樹。兄弟共商山。
胤佳曰。徵之爲誦之次兄。華蓋春雲紫。金莖曉露殷。芝房
歌再起。苦憶漢京還。

壽蔡貞女詩有序

蔡貞女者。予里蔡青蓮君女也。許配山陰余孟宣。未及婚。而孟宣病歿。標梅未將。叢蘭已敗。貞女告其
父。素車請往。往則賦兩髦而守志焉。歌傳蔡婦。嘗看芣苢之花。絃斷中郎。不辨鴛鴦之線。予故撫貞女
之木而流涕。彈思歸之操。以傷心。況孟宣家有忠節。翰林赴水。謁帝蒼梧。明府歸田。攜朋白社。遂因貞
女之五旬。謬踵高賢之四韻。雖知無當于雅嘆。聊以紀予之里吟。

矢作余齊室。眞成蔡宋賢。三春垂嫁子。五十未亡年。衛女流泉操。貞娘茂木篇。彈琴稱壽酒。泪落一觴邊。
壽錢節母

東海稱閨範。南山啓壽書。瑤臺龍管合。漆室蟹筐虛。上客敲銅狄。諸兒御板輿。青陵他日路。堪作廣成居。
東黃二之翰

絕愛湖東墅。頻思江夏黃。閒情春樹賦。高閣午橋莊。碧乳傾蒲瓊。紅船載豆娘。榴花新雨後。相隔在端陽。
二

謝爾傳瑤束。邀予汎桂舟。萱亭迷浦澈。艾雨暗汀洲。採藥留丹井。分衣入畫樓。東湖逢令節。愁絕此中游。
發茱萸灣并寄徽之大敬南士桐音

曉樹前村白。孤舟獨夜醒。一身叢怨悔。廿載竟飄零。江闊流宵露。衣寒覆曙星。茱萸何處採。愁思滿前汀。

雨中望廬山

秋雨入鄱陽。浮浮接混茫。丹崖迷北匯。青影散南康。波面雙帆渺。天間九嶂長。望中真汗漫。何處問柴桑。

泊匡廬下

屢涉三潯水。還依五老峯。流飈衝洞壑。寒雨漱芙蓉。城僻迴陽雁。江空度暮鐘。捨舟毋恨晚。自有白雲從。

游敬亭

秋色滿晴磯。我來遊敬亭。長林消雨綠。空磴出雲青。靈蹟開金利。高吟倚翠屏。陵陽手可接。何必眺明星。

得家人所寄衣

頓有秋衣至。誰憐王彥寒。寄遙無使到。縫密避人看。約帶鉤全緩。連絲泪未乾。可憐裘敝久。不用到長安。

二

蒙袂誰相問。招魂未有名。故衣鄉井思。新練藁砧情。歲暮羊哀去。天寒范叔行。無須勞旅婦。長誓水清清。

廢第

廢第誰家舊。綠城是徑通。臺欵公府側。簾斷妓樓東。倚井芭蕉綠。燒池菡萏紅。田文捐館後。誰聽雍門桐。

阻水小澆津館懷微之

積雨迷津館。驚風阻客船。柳塘傾晚漲。草屋閉朝烟。近縣投無地。懸江泛到天。南州徐孺榻。相對是何年。

單昌其評曰。晴霞升似錦。草屋

閉朝烟。俱種雨驗語。寫出近情。

來鳳亭夜集分韻得青字

春草暗汀汀。春風江上亭。烟寒千樹白。月出萬峯青。換席穿林火。凭欄落浦星。山公留醉曲。長使葛疆聽。

春游卽事

江郭看新柳。山亭數落梅。鳴蛙當晚日。驚蟄動春雷。野氣蒸車幔。鄉心入酒杯。津橋臨眺遠。燈火莫相催。

夢李達

萬里三韓客。連宵頻見君。關長人竟度。悲極語無聞。江上雞竿月。天邊馬塞雲。相看知是夢。把袂愈難分。

晦日

又爾當初晦。滿衣恨若何。春光三十盡。歲序一分過。柳色搖金穗。梅花墜玉坡。明朝逢令節。不道是中和。

唐以二月朔爲中和節。

過萬竹禪院

孤游復遠尋。蕭蕭萬竹林。晝鷲當門合。春雲出殿深。龍潭諸佛影。禪誦上人心。幾疊青苔裏。誰憐有布金。

客中至日翻轅杜甫小至詩遣興

至日將添線。中冬且放杯。山雲時覆岸。葭瑄又吹灰。柳弱春相刺。天寒臘欲催。六陽生意動。不待異鄉來。

附何道安詩

天意吹陽動。山中臘欲梅。疎鄉異生事。至日且添杯。柳岸容人放。葭瑄教瑄催。寒冬飛不待。相刺又春來。

徐克家詩

天將陽事至。臘且待春催。弱柳添寒動。山雲放日來。刺紋生繡線。吹瑄待舒梅。異國疎鄉意。欲人欲覆杯。

西山雪行遶先大人忌辰

寒雪西山裏蒼茫祇一身。百年皆恨日。七尺是亡人。葛屨時行地。芻車未返窀。王修真不孝。掩面度茲辰。
自分違桑梓。無須廢蓼莪。寒風吹袂裂。凍雪沁心多。禁日天邊度。趨庭夢裏過。可憐生罔極。行役遍山河。
寄懷姜都諫

每憶姜都諫。相看意氣真。分星同碧酒。開閣讓烏巾。晏子真知己。朱雲本直臣。十年違道路。生死託何人。
詢來十三時。美消息不得。

曾有婚姻約。長悲兒女殤。遠離同隔世。夢寐在他鄉。白首歸侯幕。青天斷客航。漂流何處問。掩泪過東昌。
騎病驛馬有感

白馬白龍兒。春星皎皎姿。官槽傷玉臆。驛路斷金絲。病沫垂來澁。卑蹄蹴去遲。田方今在側。泪落不能騎。
墮馬解嘲示同游諸公

峻坂一長鳴。風高馬自驚。非關多軼步。豈是合徒行。王濟盤猶姣。羊公臂尚輕。從來騏驥相。泛駕是星精。
噉栗

噉栗秋山裏。清甘勝脆桃。撲來團露棘。拆去用霜刀。銜實同溪鼠。穿林羨木獠。解飢方拾橡。切莫厭貪饕。
二

山菓經時覓。溪亭便坐餐。日斜雙澗暮。雨過一林寒。叢刺列金彈。重衣剝翠紈。女筐攜不盡。還向樹頭看。
奉贈丁進士克揚母太君初度

乍向金門返。忻看錦帳陳。觴傳東第客。花擁北堂人。錫壽丹書古。徵歌絳樹春。抑之家伎部名絳樹。最憐雙舞袖。燦燦賜袍新。

泛碧浪湖

曉日青絲笮。春風碧浪湖。野塘翻宿燕。淺水漾新蒲。隣舫歌來豔。前溪人姓盧。那堪臨汎去。懷舊起踟蹰。

寄遠公八姪

旅思恆千遍。家書無一函。河魚終疾病。越燕又呢喃。演易思王濟。投林想阿咸。明年春草發。爲我搆東崑。

題八寶王子葯房

幽思裁芳檻。佳名重葯房。欲持荷作柱。私喜杏爲梁。杲日連滄海。薰風動射陽。烏衣新巷改。猶幸見諸王。

題雲門道五松亭

偃亞杳柯濃。空亭倚衆松。山雲飛冉冉。溪雨過重重。紅羽巢孤鶻。青天拔五龍。闌干秦望起。無復大夫封。

寄酬劉中柱原韻

不作平原客。長思鄴下才。擬觀滄海去。還向白田來。酒旆搖紅露。衣車蔽綠苔。秋風歸棹近。就汝一登臺。

曉發呈伯兒

涼月幾時落。渡頭風正生。四時寒役苦。百慮曉眠驚。歲晏吳關路。江高季子程。青天看不極。一雁向東行。

淨慧園奉陪儲公赴恣公法食

白社留方俗。青蓮樹法垣。維摩香積寺。長者給孤園。乳鹿盤間起。飢鳥掌上喧。衡廬相望迥。無處可攀援。

二
精舍何年築。黃金布未成。隨時觀有道。就食得無生。迸水流香椀。飛花散上城。曇摩逢寶誌。同有渡江情。
經張梯舊居

尚有青堂贈。寧知白馬來。盤飧仍地主。涕泪滿泉臺。叢草留人暗。繁星炤戶開。隣家吹笛苦。中夜起悲哀。

二

十載窮泉路。千秋處士廬。驕兒彭澤訓。難弟晉陽書。時南士滯解州。棘楚悲黃鳥。鄉潭上白魚。誰憐徐氏劍。猶挂子雲居。

三

不作西州哭。依然東道親。文章真墜地。朋舊尙爲人。海鶴何年返。山花幾度春。空堂樽酒夜。獨坐聽雞晨。

任載董評曰。朋舊爲人。狂生言之。爲達情。此際詠之。爲凄節。又曰。叢草繁星。戶開人暗。一何悲也。

和徐水部南關署中八首

宋德壽宮梅

嶺外何年種。相攜入故宮。風開上林雪。日映壽陽紅。吹笛官亭杳。裁詩水部工。孤山宋處士。苦憶月明中。
二友軒一名梅石雙清處
古署開三益。前除有二難。經營輸匠事。冰雪受冬官。石轉江心動。花飛隴上寒。方春鳴鳥下。倚徙近闌干。

玉蘭臺

陌上春光滿。檐前曙色幽。但知都水監。不見望春樓。香霧迷銀版。晴風敞玉甌。高枝何所寄。爲我問鳴鳩。

桂墀

曲室依蘭橈。空塔映桂枝。涼風吹碧葉。秋色滿丹墀。天上披香殿。淮南叢樹詞。王孫能待我。千載一相思。

石芙蓉

不見中書石。長聞在錦林。鞭成跨海路。削取木蓮心。枯蘚粧秋色。寒花老夕陰。五工無限意。慘澹到如今。

蕉塢

碧甃深成塢。叢蕉折作阿。雨餘蛛自網。夢裏鹿曾過。翠影搖虛榻。冰心卷素羅。南方多草樹。愁望奈君何。

閣後梧桐

金井風初落。銀牀月欲回。臺舍琴瑟響。閣引鳳凰來。南岳千秋榦。龍門百尺材。冬官有司囿。槭棘莫相猜。

雲峰

怪石堆盤砌。荒臺傍日曛。湖星懸不落。湘燕舞能羣。辨岫疑春雨。從風轉夏雲。青州曾作貢。審飭莫紛紛。

送客之天台是時海上方用兵念其垂老入戎馬地繫之以詩

戎馬正紛紜。城南一送君。仙山天外路。竹蓋嶺頭雲。楚雨迷初歇。川程去不分。欲留知未得。倚徙傍斜曛。

二

渺渺章安道。君將何所之。榴花環岸曲。梅雨遍天涯。玉洞貽書遠。丹崖控宦遲。倘尋華頂去。莫賦惡溪詩。

三
固欲尋仙島。還思渡海潮。兵連白嶠驛。人上赤欄橋。雨拾溪中橡。霞分城上標。金堂堪避地。仙侶定招邀。

四

水白過新鷺。山黃熟早梅。百年逾甲子。五月上天台。采藥旌旗暗。看花溪路迴。赤城逢許邁。但勸早歸來。

周侍郎來湖上辱貽賴古堂集用龔掌憲贈侍郎南還詩韻二首奉寄

九彩朝陽鳳。單棲城上烏。尉羅同處少。羽翼望來孤。高藻傾三峽。閒情寄五湖。吳中饒賤士。留盼在菰蘆。

二

夫子真蘭質。違時名櫟園。夷魚推介節。賦鵬幸存。古道誰持攬。新詩藉討論。生平感知己。不獨識虞翻。

饒姜七國昌北行

暑帔越羅輕。薰風送遠行。紅船揚子渡。黃馬信安城。帝里秋花早。仙臺曉露清。故宮封碣石。猶識大鄒名。

二

別酒傾胥浦。離歌起射湖。馬周非朔客。王粲去西都。紫塞燕關遠。黃金易水孤。丈夫原有志。五十況縣弧。

遙同薛案徐崧九日倡和詩

九日題詩易。三秋會面難。登臺思宋武。招隱愧劉安。黃花開節冷。白雁度關寒。欲採茱萸寄。臨風仔細看。

贈楊二洵美

江左王郎寓城西。許掾亭解來黃絹字。草就太玄經。花院逢歌葉。松壇訪負苓。天池千萬頃。時洗鳳凰翎。

二
蹶跡憐幽境。名賢重過江。遊遨時有待。清白世無雙。紫水浮丹鼎。青油啓碧幢。南園花發候。日日醉春缸。

觀查孝廉蹴毬

七寶繡文毬。花前蹴踢遊。拋虹隨地轉。擢月似星流。戲古遺鈿杖。場空近畫樓。綵門三躍後。時毬師三透毬

蹴毬妓

書袴錦毬帘。團花溜復黏。縈雲縈髻影。撥地月韉尖。趨捷風隨帶。低回月滿簾。近人佯背拂。不用更迴瞻。

白馬

蘭葉出雕題。梨花剪白蹄。縱金無跼步。噴玉但長嘶。並日雙瞳曜。追風萬里迷。權奇看汗血。不獨大宛西。

二

海豹白花烟。龍毛拂錦韉。玉翎翻雪薤。鐵足散冰蓮。掣練銜絲細。環珠束帶圓。燕昭曾不遇。驥首是何年。

答魯生

我愛龍門勝。君從狗監來。風清玄度宅。霜滿越王臺。月旦忻能副。兵戈苦未迴。只今東海上。深憶仲連才。

陸少府自南海還京枉顧留飲

試吏南天遠。還京北望遙。將看酈亭月。遂渡浙江潮。馬首稱新語。烏蠻有舊標。明珠船不繫。爲我上河橋。

二

幸返橫槎浦。重逢鎮海樓。種花歸五嶺。振轡及三秋。丹闕需黃牒。紅亭泛白甌。殷勤無別語。但看水東流。

二

同姜黃門希轍陪太翁虞部看梅西溪卽事

車騎出城西。芳流傍碧蹊。雲深穿竹暗。日暖照花迷。午寺停山屐。春船纜水畦。徐家庄上路。咫尺是西溪。

三

小檻低還敞。平橋斷復通。村迴千澗外。人在萬花中。酒晃當筵日。香隨過幔風。看梅官閣興。留醉任山翁。

懷來十四度別駕雲南

暮宿龐公宅。朝尋許掾家。山前五里霧。溪上百層花。撤轡踰連塢。乘查度曲沙。如何林下友。尙自隔天涯。

呂八師濂劉大孔學游滇府有懷

萬里滇陽道。孤身洱海邊。從軍踰絕徼。別駕任南天。歲課車蠻井。春開路賸田。中郎方建節。歸國是何年。

將投滇陽寄呂八

司馬持驅檄。張鷟出夏城。高文標鐵柱。大府重銀生。蒞誓三都賦。蘭王七郡兵。彩雲何處見。終古望昆明。

誥贈中憲夫人執紼詞

希軻曰。漢武時。彩雲見南中。

避俗投窮徼。無家逐荷戈。死生留八甸。居處託諸羅。黑角蠻中路。青蛉荒外河。永昌呂凱在。文教近如何。

未啓滕公室，將歸緱氏城。花間金誥在，天上玉樓成。遙海悲濤壯，前關落日平。行看龍尾上，彷彿婺星橫。

二

鸞馭搖旌碧，龍章映篆紅。三遷標令節，雙表待秋風。賜帔流花露，遺文賦草蟲。古來翻大鳥，閨閣本相同。

雪夕病起翻少陵臘日詩同諸公宿巴陵署

日洩鬢脂煖，年還澤草消。翠萱侵臘色，凍雪散春條。藥管隨良月，銀光漏紫霄。今朝謀醉夜，陵下酒家遙。

希柯曰：十月爲良月，見左傳。言病自冬也。

徐克家曰：是詩最難翻時，相約翻入脂藥鬢管等字，故尤難。猶記何道安有謀家隨下，澤醉雪縱今朝語頗佳。予隨成復已，始知觀成不如下手欲如此高融明密，未易到也。

周括蒼茂源貽書以未歸失展裁因賦代答

一代風流守，曾經刺括蒼。十年夢寐客，相別在南昌。閱歲驚霜雪，懷人致鯉魴。那知游蕩子，猶自滯江鄉。

予宿桐音宅出所賦慰詩四章妙麗愀愴諷之傷懷因勉酬三詩導情

故國藏車日，他鄉賣餅人。秋衣憐季布，夜酒對孫賓。閣下紅蕉暗，燈前白髮新。十年悲往事，相顧泪盈巾。

二

依徙當時暮，還歸未晝遊。久辭荀里去，仍向孔門投。霜葉吟東郭，秋星墜北樓。誰憐頻把袂，猶攬舊烏裘。

三

困日知音少，衰年好會難。驚心聽漏促，久語落杯寒。妙句當筵發，嬌兒出幔看。夜闌生感激，對飯不能餐。

擊銅鉢和天衣雜題十首

丹壑啓蒙茸。招提表十峯。殿方環埤堦。人似坐芙蓉。疊嶂連疑復。添雲襯轉重。樞衣因避地。長愧舊周顛。
右十峯。

翠壁千尋拔。清溪雙帶幽。飛崖看散下。到寺喜同流。覆草披遙磧。浮花逐細瀉。崑前斟法乳。此下有龍湫。
右雙澗。

刺史前朝彥。臨文書亦豪。螭頭標去麗。鼈背負來高。金壁迷蒼蘚。銀鈎折白毫。千秋黃絹字。相對轉蕭騷。
右北海碑。

眉池何歲鑿。傳道在西陳。掛月如圓璧。浮波只半輪。丹顏隨鏡破。碧甃帶沙湮。八水酌功德。無容幻影親。
右半月泉池。

法寶翻華藏。經臺展妙香。慈賢真下座。好女自提筐。露宿隨烏子。雲開見象王。僧繇曾有畫。飛去在何鄉。
右普賢臺。

七寶梁王供。三皈晉季崇。天衣饒鉢錫。佛像本金銅。守瑞亡前代。神誕出漢宮。傷心賢惠國。看賜繡經紅。
右帝主頒賜經像衣錫等。

巖窠雲門嶼。蕭條下寺灣。鷲曾遷舊嶺。龍尙護雄關。翠甃園禾黍。荒臺盡草菅。劫灰何處認。金布滿空山。
右下寺灣。

方丘如對仗。列岫正標門。左右分環衛。中間奉至尊。馱經蠻象伏。說法弋獅蹲。何似恆河上。祥禽擁佛園。

右獅象對峙。

蜿蜒喬松埂。依稀古塙城。千花龍負湧。七級雁銜飛。翠粒浮沙遠。蒼鱗偃蓋微。夕陽殘照裏。應見寶幢歸。

右古松埂爲三塔舊址。

清磬三時靜。踈鍾五夜號。雲邊迥竹閣。天半吼蒲牢。度磻疑秋雨。連山響暮濤。陶潛歸較晚。巨艇同誰操。

右鐘樓。

西河文集

蕭山毛奇齡

字春庄
又大可稿

莫春園晴川較
張文蔚風林

五言律詩五

北征二首

南浦歌難斷。東山望轉親。素絲方薦壁。斑鬢已如銀。據地憑方朔。東方朔有據地歌。將車共買臣。誰憐千里驥。垂老入風塵。

二

乞病書誰上。登車路自分。驂駟難作隊。羔雁枉成羣。小草經霜出。枯蘭藉火焚。周顛歸計在。休作北山文。

題陳節婦卷子

東海波難逝。南山鳥自翔。嫁衣長在桁。嫠緯不盈筐。玉樹當塔綠。金釵墮井黃。羅敷年五十。無復採春桑。

清明日彰義門送客

丹禁分題罷。青門送客行。鄉程悲阻隔。佳節遇清明。帳飲風前緩。車塵雨外輕。鳳城新柳色。欲折不勝情。

祭廟

月吉游原廟。圓冬啓闕宮。句陳雜騎遠。甬道幃燈紅。籥舞調中律。祠官引上公。班聯何所似。唾矢與和弓。

傳臚侍班

景運開科舊。天門放榜新。九重忻得士。三唱換臚人。陛仗排雲曉。宮花照地春。東堂誰第一。不用問班隣。

送單贊府之任休寧

姑理松間詠。無卑柳下官。青袍還舊服。白舫上新安。霜後民田熟。雲來鳥道寬。黟山千萬戶。總作洞天看。

二

玉闕依連歲。金風送及秋。簽書憑贊府。宦跡羨徽州。亭敞堪棲鳳。刀懸俟解牛。鄉心和婺水。同向浙江流。

同諸公集家明府會侯邸舍分韻得花字

禁苑度歸鴉。開罇對燭花。羊羹烹芍藥。龍劍合鏤鐸。書辯三墳博。歌看兩髻華。陶家有宗誼。相顧感長沙。

集家明府同諸公賦鹿脯分韻

野脰分難得。仙廚劈最宜。盤空方決齒。裘暖不須皮。得草呼朋急。包茅誘女遲。平原遺帖在。誰與共臨池。

集韻牌卽事

高會開三雅。裁詩抗五都。分題標綠字。就坐擁丹臚。狎雀遷林牖。看蟲結井梧。他鄉相對晚。那惜歲將徂。

喜梅庚至同施侍講韻

客館綠草發。酒市青帘開。春色幾時到。故人千里來。公儀有儒術。梅福本仙才。祗恨黃金盡。無人更築臺。

再用前韻贈梅庚

上國逢春至。橫門喜且開。花看鄜亭發。人自北湖來。遠興同仙尉。高科卻茂才。帝鄉能攬勝。一眺華陽臺。
送汪令之任淄川

爲邑當齊地。之官到祝其。山環羊叔里。花發鄭生祠。玉匣開丹篆。金堂展素絲。陶潛行縣去。剛及早春時。

二

歷下初爲政。陽坡舊有名。綬花隨鷓轉。書苑近庭生。目送雲山遠。心同海嶽清。興來能種秫。不礙魯田耕。

長安春雪初霽。飲閣學李夫子宅分詩牌集字同顧二舉人魏大員外

禁曙初融凍。城春已放妍。堆山斜作練。着檻細流鉛。獸撤含灰凹。鷄翻落糝圓。南隣追勝屐。望盡白毫顛。

奉和高陽相公除夕入閣草制卽事原韻

制爲專籬草。車從過闕停。曉含樺燭彩。春入柳條青。冊府迎三朔。台階轉六星。東風方及物。論變本無形。

二

餞臘金門外。封函玉案前。椒盤兼饌美。桃板綴花妍。幕北來王日。荆南收盜年。彌綸終歲意。應向此宵傳。

謬和高陽夫子除夕草制原韻辱蒙賜詩仍用前韻詞過獎誘因復依韻奉呈二首時己未臘月

三十日

翠柏傳方始。寒蓬轉未停。送年憑酒綠。垂老脫衫青。北闕迴陽景。東方愧歲星。四時看再造。草木自含形。

二

日次行將盡。天階望不前。松盆驚歲晚。花燄待春妍。連際風雲會。恩深戊巳年。昌黎安窳劣。敢藉上書傳。

贈刊上巴君

曉樹能棲鳳。秋河看上魚。人垂高士傳。家有太常書。鄉酒隋宮遠。林花帝里疎。隔江如有贈。吾欲採芙蓉。

金黃門五十

張湛馳曉闕。王褒使故鄉。蒼龍環北斗。鳴鳳在朝陽。婺水呈丹籙。秋花映皂囊。黑頭看入相。五十省中郎。

晚宿傳是齋贈駱佳采作

即徐昭華外人也。

開卷烟雲集。當軒花樹明。贅爲齊地客。少擅義烏名。永夜看揮麈。掄年及請纓。閨中有徐淑。莫忘沈昏情。

贈禾中盧使君

南服諸侯在。東方千騎臨。楷模霈子幹。經術重盧欽。德比崑山玉。清辭昌邑金。伯牙臺畔過。誰與道知音。

盆桂和韻

顯氣三秋爽。丹葩四蒂含。幽香聞月下。佳賦詠淮南。屏隘襟逾擴。盆低手可探。不須分作釀。侍飲幾回酣。

同枚典簿集梧陰草堂

梁苑論文候。西園對酒時。朱櫻堆似火。碧鯉鱗成絲。雨過收雷遠。雲開度日遲。據梧看病減。枚叔有新辭。

送陶丞之官

試仕趨伊洛。之官入澗瀍。雲山開縣道。河水灌鄉田。朝雨催行轡。秋花點贈鞭。驛亭無酒榷。留醉便門前。

蒙陰道中

城隱斜陽裏。旌連古驛中。林霏開北道。山勢萃東蒙。草閣侵雲綠。氈車度野紅。因思作藝日。羽畎舊能同。

殿試和李中允作

制策恢鴻典。臨軒展睿裁。天人齊奏對。雲漢自昭回。綵筆爭花發。爐香引篆開。封題天語近。不藉鳳啣來。

元日同諸公集曹舍人宅限韻

上日尋良宴。高軒集勝亭。歲筵籠暮靄。天闕聚春星。餅汎椒花赤。詩題柿葉青。獨慙元旦會。未設戴憑經。

二

帝里人俱集。春杯客共銜。相逢稱壽履。雜坐間朝衫。麗賦推曹植。新聲度阮咸。五辛盤正美。勿復嗜酸醎。

奉和

聖製閱河隄作

天子念河決。親詣龍淵宮。隄與江流接。源從漢使窮。東漸咨伯禹。南徙笑咸通。聖藻方貽誦。誰能掩大功。

二

覆黼初成道。宣房早築宮。白魚圖自獻。鼯鼠飲俱窮。竹石分菑楫。芻漕輓會通。河平膺爵賞。看比徹侯功。

看菊夜飲

別館丹霄近。閒堂綺席開。星辰天上合。車馬日邊來。絳樹迴歌扇。黃花汎酒杯。東籬遺興在。宮漏莫相催。

答寄梅東渚二首

盡日懷東渚。因風想北樓。書來燕市暮。人坐敬亭秋。九市驚三絕。雙金起四愁。思心逐河水。直溯大江流。

二

春到宣州麗。花開宛水寒。游仙真漢尉。良友是都官。雁度忻留字。鴻飛感漸磐。草堂寄傲久。猶肯憶長安。

北行入兗州界同王明府作

城僻人烟少。山行客路幽。晚天低魯地。秋色遍徐州。峻嶺盤蹊度。清泉夾谷流。同行王別駕。不爲海沂留。

詠菊四首 陳中丞席上作

紫袖西施

繡頰凌丹閣。蛾眉掩絳紗。粧遲當晚日。袖薄翳朝霞。翦帔分仙侶。和衣入館娃。東牕頻倚笑。尙見一枝斜。

崧曰。時座客十三人。五人爲詩。初傳是作。至和衣句。座客皆失色。及畢。主人命優人捧觴代花謝。兼折花四枝。插車後歸。

鶯語黃

籬落金衣散。玲瓏寶樹齊。窺人同葢熟。密葉隔枝低。織素還穿影。攜柑當聽啼。秋霜砧杵後。恰有憶遼西。

金穿宮

本是瓊臺種。還疑上苑分。銅鋪啣殿月。金碗貯宮雲。共輦雙絲轡。穿針五組文。平陽歌舞在。閣道正斜曛。

蜜輪

油壁驅來近。羊車望轉迂。傍櫺遮蝶翅。隔轡落花鬚。漆扇迴轅下。黃支蔽道隅。夕飡同墜露。一樣釀蜂酥。

送劉勃安還淮陰

不見劉真長。于今二十春。酒披燕市月。衣落御街塵。家室真堪戀。音書莫厭頻。眼前相送者。豈是盛年人。

未遂東山志。還爲南浦歌。高情薄俗少。良友舊鄉多。懷璧驚投店。堅冰好渡河。淮陰城下柳。長記聽聲婆。
崧曰。搜神記以琵琶爲聲婆。

寄何毅庵有感時避人之長沙未歸。

驃騎聲名在。廬江譽望賒。南臺餘柏葉。東閣有梅花。庭下趨三俊。屏深萃五車。楚人謠詠巧。切勿滯長沙。
任黃門舊宅。齋前新產芝草。同友賦贈。

綠野臨流遠。丹芝繞砌開。風爲三秀發。雲護九莖來。攬珮商山聘。賡歌漢殿才。鶴啣新簡至。五色詎須裁。

二

舊里藏書處。忻看瑞草生。華文如霧合。煜質本星精。鐘苑應同產。仙禽可代耕。高門餘慶在。長見玉田榮。

赴臥龍山堂觀燈宴作和姜太翁韻。

星橋環曲幃。火樹敞高筵。一任連宵雨。長如不夜天。酒深看鳳舞。山靜似龍眠。幸捧仙翁杖。聞堂景倍偏。

貽縣令

江縣桑枝秀。山城柳色新。賈彪真似父。鄴令宛如神。俸簿稀隨吏。庭閒少訟人。置身琴鶴侶。早晚得相親。

二

十載忘兵革。今來烽火傳。戢奸嘗秉鑑。調戍自揮絃。操比橫江石。貧無綰綬錢。閭閻凋敝久。端藉宓生賢。

北行卽事

客病愁來劇。徵書老去多。扳鱗瞻紫闕。載馬渡黃河。魯殿雲中出。郊城雨後過。公孫方應詔。其奈兩生何。

客福州訪許不棄郡丞園居蒙留飲數日卽事書壁

閩嶠三千里，師恩四十秋。蘇子瞻憶歐陽守穎日約客賦詩嘆曰師亡後四十春秋無繼此矣予少受知郡丞大父平遠夫子故
通門傳北海，舊路感西州。好客罇還滿，文孫硯獨留。到來清興發，倚徙聽鳴鳩。

二

名高嘗集履，巷隘不容車。近榻花千朵，當階水一渠。鳴榔呼士附，池上擊板聲則魚集結衽採軒于。海上烽
連後，猶餘萬卷書。

三

敞閣山頻入，閒園春易過。樹深時鳥變，草暗晝蚊多。鮮脰調紅粉，香羹煮白螺。座多名下士，相顧一高歌。
時鄭宮坊高徵士陳孝廉蔡進士藍山人諸公在座

四

海畔探金鎖，塔前倒玉缸。卷蕉深當杓，次日摘蕉花片作卮侑酒臥樹老橫牕。壁幔晴猶濕，鄉音醉更唵。座上多
操閩音。

閩南饒勝事 思煞釣龍江

客寓南園答曹明府見貽原韻

春風吹滬上，春思復如何。雲牖通蓬海，花塔似馭娑。道書愁後解，佳氣晚來多。千里相依者，桐江舊釣蓑。
明府會宰桐廬故云

過沂州作兼寄州守邵君

繼入沂州境。清思滿客懷。周官通浸沐。禹貢並徐淮。秋雨行彌促。春風志未諧。封軺無意度。不欲近官齋。
送林戶部使學河南

使齋東封轉。星曹北斗懸。名高班鷺日。文變景龍年。雲路瞻司令。天書獎進賢。中原推轂重。應贈繞朝鞭。

二

授簡搜儒術。驅車出帝鄉。九徵剛失效。一顧鮮留良。客盡誇梁苑。文曾貴洛陽。三花開少室。倍覺揆天長。

夜飲家萇倫宅

畫檻臨秋爽。丹花滴露濃。泉明懷舊族。杜位感吾宗。庭樹年前種。家書醉後封。夜闌方秉燭。月色正溶溶。

福州訪陳紫巘舉人西園亭子卽和其初還故廬原韻二首

東越名賢繼。西亭別宅居。傍欄留綺石。隙地種嘉蔬。客屐穿林迴。園花着樹疎。長春宮未廢。游讌近何如。

二

華鬪名猶舊。朱門望總非。隔橋通水罩。入座負垣衣。津繞龍還合。倉空雀苦飢。雨餘天一碧。爲看藥苗肥。

高固齋徵士陳紫巘招予西園亭子雅集仍用前韻同鄭幾庭宮坊前輩蔡思齋進士暨陳越山

許不棄藍公漪諸子

邀賓季倫澗。載酒子雲居。煎餅堆銀線。淘羹攪露蔬。談深意氣浹。醉後禮文疎。應念東安客。松齋定不如。

唐蔡系予郡人。曾寓此地。東安種萬松自居。故云。

二

論世分今昔。繙書驗是非。花光明入牖。海氣濕侵衣。香爨思俱冥。膏饑腹易飢。南閩春又盡。何處逐輕肥。

飲陳越山齋有贈同鄭宮坊高徵士諸公限韻

勝友連辰集。高齋委巷通。魚梁雙鬢碧。鸞粟一枝紅。削脯加春膳。炊彫愛晚春。道山亭下路。總在醉鄉中。

二

螺水環晴郭。鸞臺接故居。

其尊人舊官省中。

進蒸和稻屑。帶釀瀘花鬚。

特覓佳酒。以蓮鬚爲釀。

歌動牕前鳥。談羸

海外書。穉兒能下食。誰謂鳳毛疎。

和韻餞徐生克堅之益州幕

尚有涪江興。毋嗟蜀道難。家因啣蕨苦。溪近浣花寒。途記緣愁作。鄉書帶醉看。慈闈春漸轉。何以慰晨餐。

二

名重游梁賦。裝搖入幕情。戍樓依晚泊。江水向春生。高會偕賓主。他鄉有弟兄。益州橋畔月。萬里一相迎。

送曼殊有序

曼殊病中。每夢阿母。促之歸。乃貌以木衣裝。送奶奶廟。

且送青娥去。言隨阿母歸。荷花開作面。菊葉翦爲衣。泪盡中途別。魂離何處依。他時香案下。相待莫相違。

二

豈有登車意。原無睡井情。因身長有病。阿母鎮相迎。寶髻山桃插。香骸土木成。傷心未開閣。生放小蠻行。

秋杪陪羣公集同年馮太史宅觀菊分賦得潛字

秋日照高檐。秋花帶露拈。官貧門自掩。客至酒頻添。軟菜經宵凍。疎衣減夏炎。故園三徑在。何處覓陶潛。

二

清興招同館。晴牕對曲幰。篋中三豕渡。花底一蜂潛。下食飢逾美。深談慣不嫌。滿頭思插去。搔首白三三。

題何毅庵宅

碧帙晴還展。青山老更親。春迴龍澗權。晚着鹿皮巾。結珮常遺客。分門在證人。劉鐵山作證人社。以毅庵爲都講。詩書饒萬卷。庭下有珣珉。

紺上人赴崑山葉太史蘭園請席聯句時宛陵施少叅臨安丁禮部邗上吳刺史吳門錢明府尤

司理蔡茂才俱有和詩

金谷龍鱗澗。張杉珠林燕子龕。中軍新見請。姓高坐舊能參。解筏當杯渡。杉投詩滿藏函。臨岐餘眷戀。姓

相顧把優曇。杉

二

送汝歸崑阜。姓看君繫草鞋。法傳迦葉妙。杉詩比惠休佳。初地從招手。姓三江宛入懷。朱門曾遍歷。杉可

似住茅齋。姓

雪中集詩牌飲李閣學宅

翠嶂雲俱合。平橋路未乾。鶴歸棲院靜。客至換衣寒。翦毳凌晨散。涵暉向夜殘。坐看東閣啓。同厭大官餐。

葉公子守備清源

公子飽文史。剖竹出東齊。天際掣鷹隼。腰間瑩鸚鵡。陶山雲欲滿。濮上柳初低。長嘯清泉上。風流似鎮西。

二

書生投筆早。驃騎奉恩初。鉅鹿方開壁。聊城有射書。春風餞行幕。遲日發輕車。自笑頭將白。無能佩玉魚。

曼殊病

汝本雙成質。秋來一病深。燈前衣戀影。身後語傷心。惜誓留金合。延醫賣鈿簪。北南歸未定。魂去那能尋。

二

但厭心長捧。誰知病不甦。無兒年頓盡。恨母日來呼。初娶時。夢大士取盃中花見與。故同館陳太史贈名曼殊。及病。則曼殊自夢一嫗攜兒至。曰。汝本吾家物。我擠眼。汝當隨我去。其兒曰。家去罷。不去。阿母么。喝。

銀牀想挈壺。曼陀花一朵。看向日邊枯。黛椀誰書刺。予乏書記。每晨必寫刺數

椒。

奉和杜相公元日卽事原韻二首

輯瑞朝正後。端圭祝聖餘。陽回鄒氏谷。春滿段干閭。荆楚調兵檄。貞觀奏治書。冀階方啓莢。誰謂禁花疎。

貞觀。唐年號。出易繫。有平去二音。

二

王春瞻首服。相業繼當陽。柏子懷貞切。椒花引興長。祈年如召爽。作曆授張蒼。第與朝元宴。何須引奉常。

益都夫子賜示閨中秋詩屬和依韻二首

三五今宵月。曾從秋半開。彩鸞驚又至。顧菟喜重來。桂樹長臨鏡。萸花待舉杯。齊紈將棄置。皦皦似新裁。

二
西風吹未斷。南呂琯猶開。疊詠袁宏在。聯槎海客來。雲留天柱月。酒宿幔亭杯。誰使瀛洲老。還將水調裁。
徐通政贈公生日

綠綺垂弧日。彤庭賜仗年。賓筵張座右。朋酒醉花前。石匱天邊字。荆溪雪後船。恩綸方累錫。應有鳳書傳。

二

東國誇遺者。南州隱少微。內臺銀作構。上柱玉爲扉。海鶴鳴瑤席。山龍畫舞衣。一陽吹律後。漸見綵雲飛。
集同年米贊善宅和韻

逼檻拔山雲。幽花入徑分。亭虛崑作幃。石罅水生紋。祕笈閒中發。清譚靜後聞。隣園延眺晚。高樹掛斜曛。

西河文集

蕭山毛奇齡又名牲字僧彌稿

繪錫宸鈞禹金較

五言律詩六

送陳參軍之任辟柯

京國三年別。昆明萬里通。官程踰洱甸。郡舍傍烏充。海瘴連山白。蠻花染貝紅。題詩相寄遠。應在石屏東。

賁貞婦以未嫁死節

黃絹詞難妙。青陵路易迷。但歌貞女操。不賦仲卿妻。襜結猶懸帨。鬢垂豈副笄。羅敷墳上鳥。到死未雙棲。

凌君生日君善醫其子善奕

慈竹編成屋。蟠桃斲作卮。天垂襟宇闊。霜入髻毛遲。鼓櫂歸西塞。提壺出上池。歲華三百六。庭下看枯棋。

送孫太史充冊立使封安南國王二首

金冊三交使。朱衣萬里身。聖恩優侍子。賓禮覲王臣。瀧海花如霧。炎洲水似銀。百蠻開詔後。併作日南春。

二

故典淹儒術。新王拜御書。去登朝漢闕。歸負指南車。象郡啣碑遠。蒲泥賜印餘。邊亭爭負弩。爲認馬相如。

閨中秋月下作

不信秋纔半。翻憐月倍圓。光流收潦後。寒入降霜前。星沒南鴻盡。天高朔吹連。閨人前度拜。只道又經年。

賦得採菊東籬下

秋菊滿東籬。黃花對酒卮。把來知坐久。採去恨開遲。玉露摧丹葉。金錢掛碧枝。故園三徑在。回首一相思。

贈張判官之武定州

趙軌分齊郡。王祥治海康。算篁遮古道。桑椹接隣牆。山霧翻城白。湖雲映綬黃。驅車因祿養。不爲斗筲量。

二

半刺名通守。長才補判官。院從施榻重。壁掛佩刀寒。蕝軾安騏驥。桐棲惜羽翰。堂堂公輔器。敢作庶僚看。康熙十七年。予以不學。謬膺薦辟。三辭不允。兩浙開府。陳中丞竟投檄。舍下勒攜。赴部勉強應命。感而有作。

恭誦王言大。深知儒術尊。九重思帝弼。三辟及公孫。府檄封投舍。徵車駕到門。微臣久荒學。乞放是君恩。

叢山戒珠寺

古殿倚嵯峨。春風似永和。龍歸華藏遠。僧把戒珠多。舊巷看巢燕。清池想浴鵝。前王曾採葢。霸業近如何。

送洪昇歸里覲省

十載留京國。三春返故扉。輿隨青草發。夢逐白雲飛。宿旅尋題壁。前途數換衣。城烏翻埤垠。相顧轉依依。

二

孝友鄉人信。才名國士聞。竭來依上舍。此去浣中裙。柳記當門長。星從過野分。天涯原有泪。不用灑離羣。
昇有曲名天涯泪。爲思親也。

王黃門招遊祝氏山庄同施侍讀王祭酒徐大贊善曹編修汪二檢討汪五主事卽席限山庄二字

尋花來杜曲。載酒到柴關。朝士此時集。春風竟日還。菰蒲依檻外。柳絮落衣間。相對塵襟豁。渾疑返故山。

頗覺春光盡。真成野興狂。城南天自近。杯底日初長。草閣迴林薄。花塍間水坊。追陪王給事。認作輞川庄。

左暝樵歸里

君是忠良後。爲忠毅公子。相逢早記名。題詩江令宅。供帳越王城。午雪當筵下。春潮接岸平。前途如有憶。試看柳條生。

涇陽聞人明府之官索題卷子

燕市傾行酒。秦關引去旗。蔭人通五柞。任士得三渠。林僻聞絃誦。花明照簿書。到時春信早。應見雨隨車。

二

古道攜琴意。荒亭負弩情。地高知野沃。水濁驗官清。山雉當車乳。村鷄近縣鳴。咸陽一百二。行處是王程。

奉陪馮夫子游萬柳堂和韻同汪春坊陳檢討林主事諸公

洛下三秋會。城南尺五天。草茵沾墜露。茶竈引孤烟。礙柳移橋板。澆花決壟泉。謝公餘興在。絲竹正泠然。

二

名園饒暇日。踈柳漏晴天。水泐方收潦。林深長帶烟。尋花度韋曲。記石笑平泉。千載登臨興。吾思孟浩然。

詠西平舊蹟八首 應西平令沈明府之請也。

柏亭

封國貽來久。鄉亭望去新。風清山郭曉。雲度野橋春。疆理遙連楚。桑麻宛在秦。行車長駐處。爭識種花人。

積雪莊

四望白皚皚。高風下石臺。官橋冰未合。汝水凍初迴。峭壁參天映。窮欄負日開。縣家能埽雪。應向洛陽來。

周泊漁家

碧水橫梁筍。青絲展釣車。空村聞櫂唱。前岸有漁家。夜雨流菰葉。秋禽叫蓼花。江洲吾有興。何必上仙槎。

分金岡

其八景名義岡牧笛。

入世懷良友。長貧感素心。非時猶韞玉。何地好分金。細草全披徑。斜陽半在林。悠悠牛背上。短笛是知音。

龍淵

又名龍淵夜月。

灑灑棠谿水。蒼龍起石磻。菁蔥蓮葉劍。紫氣繞河干。利器藏歐冶。前朝廢鐵官。清光千萬里。渺渺向誰看。

董孝子織女臺

贈珮天邊杳。支機石上分。荒臺啣晚照。滿眼散秋雲。矚蝶銷紅粉。山花掩翠裙。高堂如獻帨。可用七襄文。

鄧公陂

太尉多遺蹟。中原感廢基。當年曾伐蜀。此地早開陂。迤北平田闕。征西返道遲。汪汪千頃在。爲爾一追思。

邳君章遺塚

荒壠迷春草。高丘帶夕陽。我來時下馬。一拜邳君章。史誌鴻名舊。碑蟠螭首長。蒼茫烟樹裏。父老尙蒸嘗。

同年袁編修予養歸里

才子徵中制。詞臣去北扉。幾年同禁闕。鎮日念庭闈。史祕發銀管。裝輕疊綵衣。東明山下路。應見白雲飛。

二

朝天三館外。愛日八軛餘。曉禁辭行幄。春園御板輿。牕圍淇上竹。饌入衛河魚。獨恨南游返。居然戀直廡。

奉和高陽相公元旦卽事原韻

正始端樞景。朝元散珮聲。日華方啓仗。天氣欲銷兵。祝歲占黃雉。開疆奠紫荆。萬幾勞首祚。千載藉阿衡。

二

甲子開元朔。安危寄一身。敷天皆得歲。大地總生春。玉曆頒承久。銀旛拜賜新。不須房杜在。宰相始稱真。

送蔡生之樵李

生擅星學

放眼星辰外。乘槎天漢中。新書傳趙載。高論本王充。海水分衣綠。江城掛日紅。由拳如望氣。應過語兒東。

友人移居

喜卜安仁宅。應垂履道名。青雲當牖出。碧水繞堦生。種樹前人蹟。迴車過客情。翻嫌茅舍遠。斗酒間柴荆。

高侍講扈從東巡盛京有贈四首

朔衛嚴清蹕。東巡簡從官。持衣陪萬乘。蠹筆侍三壇。仗扈龍驤遠。江迴鴨綠寒。豐人鷄犬在。彌望卽長安。

二

御路通澄海。鑾輿狩盛京。揆天流漢藻。計地出秦城。班借千山影。詩題五國名。長楊勞聖眷。早有射熊情。
千山有九百九十峰。近高句驪。

三

豫動迎花壘。春深暗柳旗。敷文頒韎韐。前史著高驪。墓吊張僉事。歌傳來護兒。十三山下住。回首一相思。

四

才子膺供奉。皇恩逮近臣。百神黃道合。二月翠華春。鐵嶺追仙校。凌河少凍人。杏花山畔發。看點屬車塵。
關外有杏山城。大凌河。冰凌入夏不解。

與邑尉劉君飲次。君本山陰人。

莫厭雌猶伏。須知螻自伸。青袍映江草。黃綬見鄉人。學並劉希美。仙同梅子真。鱗前須記取。皓首是編民。

送顧記室赴濟南幕

二

送汝游齊郡。秋風起薊城。車前關樹遠。衣上海雲生。幕府藏珠匱。函山訪玉嬰。徂徠能遍歷。爲我斲黃精。

同作長安客。君爲歷下游。贈鞭盈帝里。操瑟向齊州。雁度平原嶺。秋高望嶽樓。白雲無定所。何處是滄洲。
益郡相公攜門下諸子游王大司馬園林卽席奉和原韻四首時首冬雪後

攬勝覓佳園。入門生隱心。巖從雲外接。人向洞中尋。絕閣摩天豁。空壇負日陰。恍疑臨塞峽。騎馬度彈琴。
居庸關有彈琴峽。水聲如琴。

二

復磴風前折。陰崖雪後寒。橋迴雙澗落。石隙一亭安。翠柱遮行幔。銀牀激急湍。林疎垂縷絡。尚有蔓胡蟠。

三

遨遊勝西苑。松菊想東澗。益都家近澗水。彭澤饒師弟。平泉舊友朋。相公與司馬爲同年友。山光涵蓋碧。樹色落

衣澄。愚谷新移處。初時攀未曾。

四

種花憐盂子。南方草花名。來鶴愛蘇耽。簾捲千峰雪。牕含衆壑嵐。書臺延遠眺。酒石醒餘酣。千古藍田業。

何須在渭南。

山陰王生屢枉缺候有詩并文稿見寄奉答

夜別西園久。春還南泝稀。呂安長命駕。皇甫未披衣。入世哀時命。高文杜德機。前期千載在。咫尺敢言違。

朱文學載中童二欽震各有贈詩并詩稿寄示答之以詩

妙論朱公叔。佳名童漢宗。車中方合璧。筆下儼追鋒。隔水投雙鯉。同時作一龍。新詩都在眼。開卷恨難從。

伯興歸自新安

寶婺峰頭雨。新安江上雲。臨圻懷謝客。歸路指桐君。石記前溪好。烟攜滿袖芬。不知招隱地。可誦小山文。

客晉安同諸公飲次贈蔡進士作

良讖追河朔。雄文重子尼。當軒閒結襪。入座靜啣卮。古道歡逾朴。鄉談褻不羈。座中鎮操閩音。酒酣方待駕。秉燭對彈碁。蔡好飲善奕。

又贈藍山人漪

異地聞豪客。同時擬謫仙。玉山行處倒。銀海抱來眠。挾策裘還弊。揮毫紙盡穿。山人善書。相逢林下士。看解杖頭錢。

徐水部權使歸朝

使出南關近。天垂北望遙。某年三奏績。四海一歸輶。鳳語廷花轉。鷄含署粉銷。軍儲催賦急。平準幸相調。

二

司水推何遜。爲郎返杜陵。雲亭需倚馬。星路逐擔簦。國計關前草。鄉書篋裏藤。內廷諮近事。只飲聖湖冰。

三

駟馬官人餞。雙旌使者回。頻辭龍阜去。會見鳳城開。載惜川林賦。搜餘竹箭材。難忘吟盼處。不獨宋宮梅。南關權署有宋德壽宮。梅水部嘗咏詩索和。

四

家乘饒中論。關門又著書。聖王勞補袞。下士妄牽裾。授策來前席。娛賓屬後車。淥波江上路。相望轉相紆。

吳明府納姬聯句和韻

古署青鸞繞姓春城紫燕來筵前雙燭映吳沐勝裏一花開單父琴方御姓藍田玉自栽公門有桃葉沐
看取隔江迴姓

二

兩槳西陵渡沐雙輪北府來燈垂百子豔姓扇逐五明開陶柳當牕種沐潘花繞砌栽擘星中夜望姓
共斗杓迴沐

遇徐二咸清同赴徵車有贈

幸附南州辟同爲捧檄行名高重孺子親死媿毛生黻珮常年意車徒此日情治安如有疏切勿效縱橫

上巳萬柳堂修禊奉和益都夫子原韻二首卽席

佳節三辰屆名園幾度過雨來新水漲風緩落花多塔樹侵衣綠盤酥映面醅禊堂相隔久驚聽羽觴歌

三

臨水從周俗因風想魯壇草深埋野屐林密礙朝冠時序杯中興雲山天際看明農丞相意只顧問園官
贈送郡司馬童使君赴任同沈光祿韻二首

二

展驥爲參守分符向會稽人如崔北地官比謝安西輦下謔編蒔車前賜屏泥褰帷將入郡江岸草初齊
暫借鈞衡器長懷荆楚材亭邊候騎列山半郡堂開披牘驚雲豁清軍渡海來琪花能四照光氣滿蒿萊

陪游祝氏園卽席和益都夫子原韻四首

招尋當雪霽。此地得幽棲。巖曲通流細。林深入路迷。魚從寒潦伏。鷄傍午烟啼。扶杖追隨處。悠然物我齊。

二

梁苑抽毫至。楊亭載酒過。層冰封斷澗。密雪抱繁柯。隔巷留賓騎。長樊買女蘿。從來難和者。唯有郢中歌。

三

看山疑玉岫。入室啓冰壺。白墮傾來淺。紅塵到此無。烟霞忻自得。牛馬任人呼。況有當臆菊。亭亭不用扶。

四

談深神自靜。地勝境逾幽。傑閣憑來迥。高岡坐去浮。文章增嶮峭。杯罍起綢繆。燈火將歸晚。行吟動暮愁。

題諸暨傅貞婦圖畫

誰畫松和竹。能分珉與珣。烏羊安用匹。黃鵠不曾雙。冰鏡窺蘿石。清流繞浣江。清霄思彼髮。長自對銀缸。

貽大師之寧州 用貽公贈韻

道人渡江去。拂衣隔人羣。將攜剡川雪。一臥匡廬雲。妙指天邊落。清談石上聞。內廷供奉久。長憶聖明君。

貽公會延住椒園故云。

二

永夏辭天姥。新秋去若耶。題詩存八正。飛錫近三巴。鉢隱龍宮樹。衣裁鷲嶺花。天涯相問處。不記有恆沙。

三

東土栖支遁。南朝重惠休。金臺邀翠輦。銅碗賜紅樓。出伏山前虎。行隨海畔鷗。宗雷舊同社。相送上寧州。

四

修溪石室好。此地得精廬。編戶知僧律。長廊貯佛書。覽聆幽讚會。常住淨明居。誰道秋江上。瞻雲過太虛。

江上數峰青

同南士作

極浦彈瑤瑟。羣山列翠屏。烟林棲浪碧。嵐氣近江青。九面開衡嶽。雙螺洗洞庭。不須悲帝子。相望總冥冥。

吳江顧生初度

每渡吳江水。長思笠澤賢。家傳三俊譽。門繫五湖船。釀黍逢冬節。栽花度晚年。香山能自咏。好著會昌篇。

送汪檢討林舍人奉使琉球册封中山王四首

水國稱藩遠。儒臣奉使遙。玉函天外啓。金節日南標。鯨路開雲驛。虹旗結海橋。殊方倘懷闕。萬里趁歸潮。

二

北顧敷文命。東行載德音。片帆沙際急。孤島霧中深。天賚三縑玉。波涵萬頃金。針槃隨所向。總見使臣心。

三

鳳詔從天下。鵬程擊水飛。封留傳世寶。到着賜時衣。蜃氣看成幄。蛟人喜下機。主賓迎饗後。頽首奉恩輝。

四

荒服行人罕。還朝覲禮成。高風占使節。落日驗歸程。晚向龍宮別。春從鰲背生。蠻方書帶礪。敢不藉芳名。

陪同館諸公飲喬編修宅卽席和韻時同年尤檢討予告將歸

秋早吟虫急。官閒度馬遲。柳風清入座。燭影暗流卮。筵斂茵嘗密。堂深幔自垂。明朝有歸客。永夜且相隨。

二

同舍愁分首。當杯想乞身。論文輸我輩。索食向誰人。庭竹含烟細。沙蒲入醞新。夜涼衣露滴。澆盡六街塵。

周大公子赴河東參軍贈別

雅有參軍興。新添從事銜。罌藏白墮酒。桁掛綠羅衫。吏治思吳彥。兵書卻渾瑊。籌邊樓下路。猶見石巉巖。

二

庾呆才難敵。嘉賓望自隆。一官歸幕府。三絕去河東。槐簡分衣碧。蓮花汎水紅。題詩相望起。多在晉陽宮。

和秋日閒居詩十首有序

同年喬編修示閒居詩屬和。嗟乎。我乃無居。

時借寓王光祿宅。

因于奔走之暇。陸續和此。悉依原韻。見者

毋哂爲不閒。乃可耳。

鮑照非無解。張融未有居。登朝真懶散。涉世太迂踈。僕老艱持刺。官貧厭較書。徒言殘暑退。煩悶幾曾除。

二

訪客還三市。尋真過五家。馬頭飛候雁。寺裏見秋花。近塞風逾上。衰年日易斜。所忻陪宴飲。日日醉流霞。

三

偃息竟何事。驅馳了不知。宦情供嘯咏。蠻語拙言詞。投筆增三嘆。還書又一嗤。東家有供奉。且與譜龜茲。

四

洛下吟初惜。廬江客已殘。驚心陪祖帳。違例入句欄。結組當年邁。遺鞭在夜闌。有田鉏未得。何處問倪寬。

五 名難垂後世。賦乃嘆同時。蒼髻歸金馬。黃庭鎖玉匙。醉梅空澗齒。變豹豈留皮。特愧終貧竇。長膺鮑叔知。

六 依人在廊廡。與客度朝晡。竹牖穿雲眼。苔衣繡土膚。傍身遮短褐。無力養長鬚。誰道佯狂者。能令禮法拘。

七 織文愁玉柙。食鱸想金螯。賄在應焚齒。香消那噬臍。涼深知夏遠。望久覺天低。借問郗公舍。今還在剡西。

八 綠髮含霜淺。黃塵着袂輕。當車翻柘影。隔巷賣鶩聲。肘繫還丹訣。胸無墜白鳴。徒吟王粲賦。安得俟河清。

九 但署崇文館。從無治事齋。花輒看局促。蠶白費安排。白壁誰留珮。青錢勿繫鞋。北山如可返。吾欲訪洪崖。

十 帶草枯難縛。籬花落未拈。歲時終有盡。出處那能兼。興至繙書篋。顏衰避鏡奩。秋來逢短景。尙恐舊愁添。

西河文集

七言律詩目

卷一

禹廟

江微懷人

無題

晤太倉許長水煥左遷吉州司馬賦贈兼慰

懷張七梧游粵

過東園

除夕逢立春效景龍體

春盡林亭書事和吳水部韻

白鷺洲施湖西席送吳百朋之任瀕州卽席同陸折韻

二

東蜀山人

千秋橋訪友

登臺望石門闢作

旅中送張二自晉陽還歸西江

登瓊花臺

張使君泛舟作

許記室新成進士有贈

送胡揭陽之官

張梧去淮

宿東村作

游倪司農園亭

送洪明府闢光之任程鄉

詒徐水部

登會城望江全金二鑿何四十二之杰沈太史孫吳二徵君

飲梁少府

桃花津前

暮春三月吳淞招游上巳修禊牲適過山陰不果從卻簡張慈徐致遠諸子

少年

王侍御席與歌兒

逢劉二江南行

入湘湖書事

衡陽

馬跡懷南士

奉贈屠又良解元母太君壽

過南徐軍贈袁八書記

二

入橫山宿傅大溪上草堂有感

衡門

中州元夕觀鄉飲有感

欲留當壚次凡不得舟發同姜八孝廉占凡字

東城

奉贈南關徐水部權使君

參上人還歸四陵

東茂倫

與祁六公子赴曲水社集

匏瓜

孟遠訪友吳下

二

贈姜二承烈赴從叔上元官署

海寧祝生過訪攜伊舅氏朱孝廉書至喜贈

寄獻嶺東使君

驟雨口號

三

二

客中送董匡北征

康臣宅感賦并憶蕃鮮

二

中夏寄贈宛陵施先生初度

贈園中張明府宰會稽

贈沈探花荃歸雲間觀省

姜太翁月夜邀泛靈湖

卷二

題陳廣文長興學會

陪天童鐸菴兩和尚立雪齋雨集食桃時天童有食桃之問予不能

二
答用長慶體和韻卽事

集劉謙吉進士函賦得高枕乃吾廬同高宗樞司理鄒燁進士劉始恢喬萊兩孝廉韻

同周司理令樹施憲使男胡大以寧方二中通陳四晉明堵三鳳烝夜巢蕭伯升江舟分韻

答和長洲陳太僕書懷二首原韻

和方二中通韻

送別高二彥彪

文生卜肆

詠芍藥和韻

奉祝丁太翁比部初度

蓮公還住淨土寺

過大敬

重過祁中丞寓山別業

贈徐徵君

送人之未陽

有訪

寄李侍御

赴山陽呈朱禹錫明府

朱明府放生池公議同張續孫查繼佐吳百朋會之暨卽席

寓吳江塔寺巢雲房贈竺闍梨宣二上人

二

龍泉李郡丞蔡宏詞偶集和韻

朔方

二

薄暮飲龔氏別墅

寄陸嘉淑

二

飲宿采鳳堂有贈

江上逢友人

同姜十七梧過倪司農園訪陳二待詔

杪夏集金孝廉齋同中州許三禮明府

中秋前一日集曲江樓分賦

送劉使君兵備辰州

二

九日雲起閣登高分得鹽韻

淮陰道遇滎川張叡之江西有贈

西河文集 七言律詩目

二九〇九

二九〇九

一草亭同韻

二

愚山督學山左遠辱書問并饋賈山之貲四韻代答

二

寄施諱

二

光福寺牡丹詩體應和時其內家詩滿左壁矣

游少林寺

題丁克擢樓居

人日書懷寄大敬

商公子席上作

二

四

長至寄懷吳江徐崧

晤雍陳二生東游

卷三

西園書感

同衛參軍登萬歲樓

寒食渡江

江上餞周司理赴虔州

寄贈施比部提學山東

姜掌垣舟集卽事三首

三

西里先生

下商氏牡丹臺經年後爲兩臣內家鬪花時仍得假一觀因做劉筆

那二兵憲舉子

客舍贈建康胡公子以寧

姜兆楨啓昆仲觀從兄侍御維揚官署

送駱叔夜北行

祁湘君催粧

三

五

同韻贈王玉映閨秀渡江

江上逢何永紹

泗水亭漫興

風雨渡鄱陽湖

同諸公陪蔣斐集蘭亭

寄酬海昌陸弘定

海東

施大公子彥淳生日作

寄廣州使君

寄傅宗孝廉尊公江園

寄送周司馬赴雲中

酬麻二處士乾齡

李庶常歸觀

客中元日

送王五文璜游成都

途中雜感一首與茂倫

卽事

同雲間吳山人沈翰林游紫陽洞

漫贈

龍江關眺望

梁溪黃君游越

恍然因屬記事

友人北征

飲宣城王博士宅喜遇丁禮部澎

送丁四六世弟北游

木弟桐晉伯調奕慶諸子集東書堂各有詩見懷慨然賦之

客中禊飲值朱三驂元生日

在蒙王公過問闕展侍且遣減菴二集捧讀因寄

寄何奉新

二

施使君臨陽講堂作

舟過金山

長至

漫感

吳陵望月呈姜侍御

塞上

海昌沈亮采陸嘉淑過黃大運秦文園登高峯

垂虹橋投顧有孝居

李濬孝廉游越歸過別不值賦寄有作

黃君到節使君下榻適在徐涓里中寺有涓題詩壁黃本慕徐睹舉

贈任孝廉雲蛟計偕

初春送人還吳江并呈沈進士自南顧隱居有孝

客邸別故人子傅以成遠游

中州吳文學寺寓

壽李少宗伯西湖

醉後送少年

送徐十五緘之揚州

西園謠集

六安黃曉隨權使自杭還京有寄

來太僕生日

贈別

送葉襄還歸吳門

贈關上權使君

送王之埏之閩中

華亭蔣隱居六十

二

卽事

登山陰朱相公東武山居同吳二卿植徐二咸濟商十八命說作

二

劉篤部宅卽事

葉燮同任舒崇宋思玉游越寓玉虛道院

舟過漁林關望沈功宗墓

登吳山蘭若同張孝廉

春江

軍城早秋

送賈明府入關中

送別

卷四

重陽日城山晚眺同姚監郡張廣文徐徵君作

海鹽徐媛未歸時其夫以父被仇殺得痲疾家人請離異媛執不許

相隨數十年邑紳士爭贈以詩

寄潮州使君

贈甘山人

謁贈天衣乾大師

漫贈

漫詞

祁公子將游金陵過別因贈

汝陰蕭行人在過贈詩並有所餉依韻抒答

依韻贈蕭公子荃

渡江舟中作

夜坐江上僧舍有作

二

喜遇陸圻因贈

懷徐大滯南城

飲劉氏贈送客以婦病歸別

投吳寺宿懷吳江徐軌願有孝

江令宅

二

虔州曾孝廉自寧夏獲薦歸遇姜弱翁宅

吳城贈別陸五之真州

憩紫陽洞同大敬桐晉南士

紫陽洞歸

王使君歐席

送姜八廷樾公車

客中送王孝廉歸汝南

張梯墓下作

飲鎮江軍府曹佐戎幕

參上人枉示詩集并較定古本大學戲作長慶體酬意

贈督河使君

西陵渡即事

二

上江寄藩下楊守軍末舟估艚適新燕飛來楊命女書記書杜甫燕

子來舟中詩索和因宴前舟仍合書兩詩白巾爲壽

詒舟燕用杜甫韻

過張贊府別署

襄陽嚴中丞游越枉示鴻踏草詩筆抒韻奉酬

送桐晉南游

二

夜飲惜別

同諸公豪飲劉駕部宅醉中示諸妓

二

南鎮即事

秋日吳門姚宗典俞南史歸莊葉世倅殿祇敬費誓葛雲芝文果毘陵王廷璧皖城方將游越過訪全人畢集各賦

游靈隱寺賦得山鐘夜度空江水

七夕天衣寺

送出塞

二

奉饒故范給事夫人來太君

奉饒河南呂忠節公殉難詩

贈諸暨賂君初度時三月四日

海昌沈太翁隱居九十

寄王子

東江讜集卽席贈甬上秦大行洪明府暨陳范諸孝廉

西陵道憶李侍御

錢唐逢故人

晚泊口號

賦得孤鶴橫江和曹胤昌

立春日大敬生男賦賀

二

奉贈郡憲使萊陽宋公夫人生日是日初春微雪

得父彤葆書并末方逢諸子出塞詩有感

寄贈吳門程四毓初度

答丹陽賀宿原韻

看梨花和韻

淮西使君九日席上贈郭襄圖作

長至飲羅生

汝南郡署飲次

飲息縣同王孝廉

陪諸公南湖舟集和韻

二

答夏聲贊府和韻

原韻答何朝宗

從雨花臺至牛首道中

宿王言憲使庄

奉答倪榮原韻

偕沈華范同住秦淮有贈

過舊院和陳憲副作

答贈黃虞稷江南踵韻

二

錢封君壽

陪諸公飲歸酬贈錢大德震

飲趙解元舅之鼎宅時令嗣新領鄉薦

爲屈生悼亡
曉發懷大聲

間日者
卽事

卷五

長安雜感奉和高陽益都兩夫子春游原韻

二

得婺京兆奉天貽書感賦卻寄

二

枯梅生花和韻

七月廿一日上御瀛臺賜宴汎舟兼賚文綺表裏蓮藕恭紀四首

二

三

四

雲間曹玉少五十

送陸使君出守思州

壽雨

爲朱使君節母費太君旌表建坊贈詩

劉民部尊人入鄉賢祠

金生西行

贈直隸分巡吳使君

別陳生赴濟南幕

趙中丞開府兩浙

二

贈瓊山令

丁驃騎赴登州靖海衛有贈

沈萃址入蜀

靖海侯德配王夫人生日

二

送春日偕同館諸公集張毅文太史宅分得毫字

灑南大捷志喜四首

二

三

四

顧侍御生日

二

題陳生博古冊子和王司農韻

夜飲

金古良將歸

胡廣文之任溫州

秋日早朝

宗藩輔國將軍博公同滿州徐翰林並以詩見寄依韻奉答

七夕用前韻

贈椒園和尚

送姚聚中還湖州

上巳易園修禊奉和益都夫子原韻二首

二

張梧南還

二

奉和扈從登封應制四首

二

三

四

潘生南歸限韻

二

長安中秋

二

湖南丁中丞生日

送沈五栗士本進士歸里

寄河南驛鹽道

贈送洪使君巡撫江南

二

金鑾南還

二

寄閩中提督張君

秋祀社壇候駕

書高舍人冊子

奉陪李學士禮玉皇閣醮壇同胡編修袁舍人顧孝廉卽事

題方編修健松齋詩限爰韻

二

送平將軍守建昌衛

宋尙書新進太宰

二

送漳州胡別駕還郡

施二公子歸里

依韻奉答益都夫子見寄之作時夫子以禪語開示故及之

卷六

康熙十七年十一月一日大學士索額圖明珠奉上諭各大臣題薦才學官人除現任員外着戶部帖給俸廩并薪炭銀兩按

月稽領感賦二首

二

午門謝恩恭紀

答景文上人過贈原韻

王明府之任零陵

陳君六十

奉餞汪春坊同年請假覲省還里

二

贈邵吳縣

岳州大捷奉和高陽寶坻益都三相公喜賦原韻六首

二

三

四

五

六

張方岳巡撫閩中

夜集俞明府園亭次其小阮石眉原韻

丁民曹分巡贛州

與汪廣文

答贈萬州學正何君見贈原韻

九日登善果寺後毘盧閣示同館諸公

送何岱瞻還江陰觀省

二

平原道中示仲山諸同行作

征南大兵乘勝收復長沙奉賀高陽相公原韻二首

二

重陽後一日偕同館諸公集黃編修新宅分韻得秋字

贈王君

謬蒙益都夫子作六子詩見贈予居其一且落句韻各叶本姓謹依韻奉答并謝二首

奉和宗藩博爾都雨中見懷原韻

二

飲高太史宣城會館話舊有感和施侍講韻

贈河間守

王給事分守浙東

上以久旱躬禱郊壇立霈奉賀高陽相公恭紀原韻

寄周巖

寄贈由東開府施君生日

送徐二十二胤定廷試南還

題家司百聽月樓詩和益都夫子原韻

二

施鴻臚以禁方見示賦謝

出沐即事有感

王時大授連江令

二

王光祿子舉茂才喜贈

春夜讌集益都相公邸第卽席和韻同王舍人陳吳二檢討徐林鴻咸濟吳慶祥三徵君暨公子慈徵協一

二

四

贈丁刑書

寄山右方伯

寄贛南道丁使君

二

送錢刑部提學貴州

吳江陳啓源貽詩賦酬

二

二

陳掌院先生歸里

送表侍御巡鹽淮揚

彰德別駕之任有贈兼詢吳文學

送平象九之任宜賓

上幸瀛臺登魚漏賜近臣恭紀和李相公韻

周太史尊人明府公年伯六十來京師同館諸公各賦詩奉贈和韻

二

三

送周在都任濟南郡丞

李沮東世兄由韶州太守移任零陵

馮二宿榮遷補國子監博士

秦太史歸里

依韻答和彌齋和尚長椿寺說法見贈原韻

送沈客子還禾中

贈胡生

沈殊亭處士自倡村居詩遍和成集其所和多兩浙耆舊繙閱生感因其索贈亦用原韻續成一首

卷七

早朝和韻

下朝

吳二東游

寄昌平道沈僉事二首

二

醉和任明府官署歌席原韻

春日借諸公集梅花樓并食卽空上人魚餐卽席和韻

陶君雙壽

送杭州顧使君之任

壽張學士

唐公子授西安郡丞

餞長沙趙使君

考功郎劉君主試閩中

翁使君之桂林郡

益都相公歸田後以治湖汎舟作見簡且自敘晨夕鄉游之樂謹依原韻和答成詩

寄贈黔南蔡開府使君

贈別邵明府左遷之蘭州幕

過江晤王甫白後旋有詩寄懷因依原韻答寄

蔣將軍輓歌

過姚使君寓樓答贈依韻

寄李方伯

上海廳事前枯槐再花和任明府韻

送張學士給假還里四首

二

三

四

奉寄錢詹梁明府

田公子示詩卻寄

贈生爲武城宰

西河文集

七言律詩目

寄南豐令

送錢編修歸養雲間

屠少府左補始興驛丞

奉和高陽相公初春入直喜雪原韻

二

奉和高陽雪中下直原韻

二

饒宋員外使權贛關

二

同吳江俞鹿床赴江觀臣蔡右宜園門舟集卽席分韻是日送施分

司還宣州

雪中游張家園作

送東莞令之任

送益陽江明府

爾後小飲任氏草堂卽席拈韻

劉明府赴任南漳

送周長陽之任

秋初從吳中歸值雨東葉天樂以詩下詢依韻答之

二

任四辰且招賞芍藥和韻

益都夫子生日與同門諸公共祝長椿寺飲次奉和夫子首倡原韻

錢鈕明府赴項城

餘姚諸徵君六十并其內人偕壽

錢薛中丞巡撫上江

恭祝李少司農夫子初度三首

二

三

徐起部以小箱作枕函外裹以綺名曰詩枕自題索和

送趙侍衛弟出鎮永寧

二

三

敕賜瀛臺秋藕叩謝恭紀

欽簡日講官宣入乾清門引見志喜

送何使君出守牂柯

二

金魚池聞笛餞陸大歸里并示其令子曾禹

天安門頌詔

送平標騎出守東平

魯太史歸觀

翰林院中舊有柯亭劉井井爲劉文安定之所繫柯學士潛手植二柏建瀛洲亭以覆之李西涯詩有云我行樹陰日千匝是也今遺蹟尙存而其人已往同年尤太史過此慨然有感遂成二詩予與施侍講彭編修陳檢討同和其韻

二

陸明府之郊

送張太守之濟南

寄蔡君七十

卷八

益都相公招集易園卽席奉和原韻二首

二

送友之萊蕪

何起曹權使燕關

送劉使君任江南提學

題張舍人攜琴圖

依韻和姚明府行縣作

重陽後一日奉陪益都夫子游長椿寺兼送家行九南歸同方象瑛

徐嘉炎陳維崧潘耒汪楫諸同館和夫子首倡原韻卽席

二

送姜之琦進士還里

和寶坻相公甘露應禱原韻

魏使君之任建昌

車騎將軍世襲三等阿達哈哈番一品夫人楊母嚴太君壽

喜金通至都復送之赴幕府次其留別諸子原韻 沈宮詹六十

過上海訪繹庵遠公不值喜遇曼英和上用張弘軒壁間韻

答友

贈楊僉事歷任馳贈冊子

二

李黃門席看白菊

何生游贛州和見贈韻送彭生之大鑿

平生廷試還里

和倪生見寄原韻

寧國莊太守

和燕關權使君作

送徐二十二還蘭亭

二

題同年王編修悼亡詩後

七夕送陸大學博南歸時大有悼亡之信

秋日集曾止山寓亭分韻同无休南士

二

奉送覺羅博問亭歸滿州和其留別原韻

二

四月初八古雲和尚六十生日

待庵明府生日和其自壽原韻

答杼山于石二上人原韻

二

喜吳兆騫入塞和徐健庵春坊韻

辛酉臘月奉陪益都夫子長椿寺飯僧說法卽和夫子首倡原韻兼示彌鑿和尚

奉和高陽相公春集易閣原韻二首

二

雪鑑和尚四十

南還候益都夫子未得過淄川謁唐豹寓前發書此志懷

二

寄郡守

朱法曹在籍張州守錫懔徐文學允哲招赴曼潤師西林社集和允哲韻

奉答兗州司馬李廣寧原韻

劉培南歸

送陳太士長興廣文

北征同徐二咸清途中作

贈恩從作二首

二

贈田僉事

趙比部母太君題旌建坊有贈

二

酬別李漁村同年

王分司重使越州

二

漫興

西林社集分韻得青字

上巳雨中陪益都夫子修禊萬柳堂奉和夫子原韻

送朱徵君歸雲間

二

贈吳禹定瑞安教諭

奉答吳寶崖見贈原韻

贈沈廣文

贈天童曉公和韻做長慶體

二

依韻答周副使體觀吳門舟次見贈

酬別錢中諧進士和韻有感

池陽官署初成索詠

宋比部分巡通永

同姜京兆戲賦空梁落燕泥句七字限韻

卷九

集劉選郎始恢新宅同李中允鐵丘檢討象隨李侍講澄中黃徵士虞稷卽席

題石城蔣生西郊汎雪卷子和原倡寒字

二

田將軍遷撫軍中軍

二

德州渡河和徐仲山韻

送使之大梁

宿穆氏園同姜京兆作

二

白下遇吳山濤明府見贈有答

二

答喬侍讀同年贈別原韻有感

寄江南觀察金君

贈余生

二

馮相公師歸後蒙寄詩問訊奉和來韻

集宗藩博公壽壽堂同徐翰林王博士卽席

姚監郡沈考功同過草堂有贈賦答

西河文集 七言律詩目

二九二五

二

奉別梁司馬夫子敬和所贈原韻

盧中丞太夫人壽

答張公子永岳見贈原韻時新膺監簿之選

重過上海縣署寄徐西崖卽用其所詒來韻

馮紫燦新遷禮部

寄答吳江朱鶴齡原韻時方箋詩謬附予詩說并謝

送高生佑鉅南還并游會稽和曹侍郎韻

集河樓向吳陳瑛鑿門下傅生卽席

二

賦得陶然共醉菊花杯

二

方編修典試四川

祝友人初度

飲李觀察署亭賦謝和韻

擬館課四首

召見

宴饗

詩集相憶有年頃過明湖會于顧侍御庄復蒙見贈和答江字

御試畢答揚吏部見詢時予方病臂未愈

二

依韻和龐雪崖年兄送別

二

簡青浦錢徵士

贈吳二明府

桐城方孝廉過集草堂值大雷雨卽席和韻

二

原韻答方敦四孝廉見贈二首

讀方敦四詩集再用前韻題贈

賜魚恭紀和高陽寶坻益都三相公三首

三

侍班口號

嚴都諫假還有贈

雪後闕門舟集同周掌科吳太守陳學士姜京兆呂四洪烈卽席

朝賀

扈從

予請假南還時舟遇胡循齋少參赴都對江而泊以病不晤蒙惠示

卷十

二
奉和乾庵和尚天衣古蹟十詠原韻

月桂西崑

衣孟嶺

伏龍坳

玉女峰

望秦

贈新娶

送王舍人遷廣平司馬

二
姜京兆七十

二

耿使君赴任蔚州

沈舉人飲次兼示其令嗣新赴公車

二

四

六

八

雲間徐武靜五十

法華峰

松間積翠臺

朝陽

猿嘯巖

小雲門嶼

喬處士壽

李副使之任

高江村詹事暫假還里

同朝士餞益都夫子于萬柳堂即席和夫子留別原韻

寄還一和尚大能仁寺

蘇州魯司馬赴京口造下海軍船遇于秦淮有贈

奉祝李少司農夫子生日

三

五

七

胡御史巡鹽河東

爲婦和黃皆令除夕詠雪見詒用東坡原韻

王封君初度

二

寄贈西安鹿明府

沈母壽

宮允鄒幾庭前輩將赴都值其初度有贈

王兵部南使有贈

祝詩

贈王令

文都司生日冊子

權使君飲次

徐司寇壽

壽福州王使君

高江村宮詹初度寄書幃子以贈

棟亭詩和荔軒曹使君作

二

贈陳太士

二

三

四

行過道山吊范制府作

早入虎跑寺用蘇子瞻舊題原韻

二

西河文集

蕭山毛奇齡

字大可稿

周嘉模風遠較
商徵說兩區較

七言律詩一

西河七律以神景開大爲歸。故用氣攤詞。用詞馭意。俱有獨至。其中偶涉融雋處。要是故爲元和後法。非流及也。蓋氣削于意。練減而纖。疏勝皆是中晚。彼認穠麗爲西崑者。實質耳。律用實勝。濟南能實。惜全少曠地。若信陽。則又微涉歇末矣。唐人三四虛攤。五六實攤者。十之九。假令黃鶴樓。鳳凰臺。無五六抵排。可稱律乎。西河于半律後經營未盡。此勝人處也。

西河自言曰。酬應者十九。宴游者十一。登臨感寄無閒焉。工拙可知矣。然唐人原無虛題。自子美作。備裁多空。指顧浮響。易製實拈。難工也。西河雖奔走衣食。本無閒情。故非作意爲唐。而虛題自少。

律以律意。意完律止。故唐律皆單篇也。近不能律。意浮于律。遂一題數累。意境撲出。或至起不押題。收無留情。倘摘去首篇。漫不知爲何題矣。西河一準于律。則單篇自多。累章自少。何則。祇就押題論。若首篇一二然。次篇一二又然。不床上床乎。以上見鴻路

堂輯本

卷首

今詩選評曰。七律至大可。宕豔極矣。然宕而不佻。豔而不浮。大可真是才子。舊選評曰。大可律排處能動。則初有出脫。輕處能沉。則中晚有出脫。

附四河長至夜論詩筆記 毛姓客西江。長至夜與桐城何懷仲、宛溪汪登若、錫山堵子威、飲施湖西幕。湖西曰：少陵與人同爲詩，輒不競，何也？往次早朝詩，某最抑少陵，作人多所怪。姓曰：唯然。會記某時亦次此。客曰：少陵偷姓訶之。客曰：不然。且如論其粗者，律也。既題早朝，則難鳴絳幘。萬國千官，律然已。王未能岑者，王未能補舍人原唱春色，則花迎柳拂，王所怯耳。王岑統未能買，賈以銀燭朝天四言原盡，則領之優豫。王岑所怯耳。杜即不然。王母仙桃，非朝事也。堂成燕雀賀，非朝時境也。五夜便日暖耶，舛也。且燧非早時也。若夫旌旗之動，宮殿之高，未原朝者也。曰朝罷亂也。和與早朝半四句，乏主客也。如是，非律矣。且賈岑王多符語，豈相勦耶。律固如是矣。往誦景龍宴公主山莊詩，彼沈宋燕許諸鉅公也。所傳應制凡三十餘首，祇如一首，此何故。假如主第有泉池，則詩中各宜賦一句。特此中見超，則超耳。如趙彥昭靈泉巧鑿天孫渚，岑羲泉聲迥入吹簫曲。沈佺期池成不讓飲龍川，自不如蘇許公當軒半落天河水之妙。曾記王子一論詩曰：錢吳興湘靈鼓瑟詩一結固超，特起頗窘，是必先有鼓瑟大意，恍惚徐入，陡曰善鼓雲和瑟，非窘耶。某不答，只誦當時同試詩：神女泛瑤瑟，帝子鳴金瑟。瑤瑟多哀怨，諸起句。王便不復理。若吳興落句，曲終人不見，江上數峯青，亦非創語也。魏瓘有曲裏暮山青，陳季有數曲暮山青。既授青約，則自有此句。特錢超耳。王岑賈不岐而杜岐，則杜僉矣。又曰：岑落句陽春一曲，急著陽春，非無意也。觀其又和雪中早朝，急著白雪，可見。又曰：歷下不選少陵，有意且複選三詩，亦有意。客之論此者雖粗，然亦有意。湖西曰：然當記此一節，因記。

禹廟

夏王四載告成功，別禪苗山起闕宮。玉帛千秋新裸薦，衣冠萬國舊來同。金書瘞井封泥紫，窆石懸花映篆紅。一自百川歸海後，長留風雨在江東。

江徼懷人

江徼懷人江外臺，江流千里重徘徊。秦人烏嶼乘潮上，漢將樓船繞地迴。殘壘低連沙樹暝，孤城遙傍海

門開西陵一望滔滔水。不見長帆天際來。

無題

織素誰來問故妻。春機當戶曲欄低。箏投秦氏桑林下。家近王陽棗樹西。錦字迴看江北雁。玉梭鳴傍汝南雞。絲長日短難成匹。愁煞鴛鴦半路溪。

晤太倉許長水煥左遷吉州司馬賦贈兼慰

江州司馬舊高陽。吳下風流屬太倉。長水自留循吏傳。嚴關曾使戶曹郎。清秋好月逢玄度。外府卑官念子將。指顧漢庭思賈傅。不教楚水厭明光。

懷張七梧游粵

邗關客舍送馮驩。一別三年會面難。草短愁人還北固。花開憶汝在東官。明螺舟放珠江白。瑣布衣裁荔子丹。陸賈未歸書使斷。誰從嶺表問平安。

過東園

偶過東園倒接籬。春風幾度憶前期。低花趁蝶銷黃粉。積草生魚散綠陂。架滿書編看愈懶。門無客到啓嘗遲。借問西川王錄事。可能還贈草堂貲。

沈康臣評曰。意調寬然有餘處。絕似右丞。往與業審鮮最愛此詩。以其不近歷下故也。

除夕逢立春效景龍體

椒盤柏酒傍江開。彩仗青旂出郭來。玉曆乍看今夕換。蒼龍先遣隔年回。林彫朔雪驚抽蕙。地近南天早見梅。添歲迸爲除歲日。他鄉何似故鄉杯。

春盡林亭書事和吳水部韻

春光欲盡曉陰寒。閒向林亭一倚闌。當牕麥氣隨風度。隔幔山容帶霧看。宿鳥盈巢遮葉暗。晴蜂繞地戀花殘。共對琴樽忘物候。朱盤新摘小梅酸。

蔡大敬評曰。刻寫不落晚唐。則又非盛唐所及矣。明詩畏涉晚。故單見開寶。坐得郭郭。此詩妙近初。則以得手在六代也。又曰。盛唐惟少陵有六代妙境。微不逮初者。乏簡耳。

白鷺洲施湖西席送吳百朋之任滇州卽席同陸圻韻

天涯高會惜離羣。錦席芳洲夜送君。樹裏星河三楚盡。樓前章貢一江分。翻來白鷺波間羽。望起蒼梧嶺外雲。怪底新歌皆妙曲。征西官屬總能文。

二

雙江高閣上崔嵬。入夜憑欄一舉杯。千里重停吳隱棹。羣賢追嘯庾公臺。清歌別部風初轉。換席西軒月欲來。此去滇州應不遠。南行端賴濟時才。

東蜀山人

東蜀山人着素冠。青蒲繞屋近河干。自稱晚歲須扶杖。人贈清歌是考槃。啼鳥春從花裏密。烹魚朝出竹中寒。閒來時向藜牀臥。種樹新書看盡難。

千秋橋訪友

千秋橋畔草芊芊。司隸閒堂一徑偏。隔巷燕飛尋舊壘。開門水滿纜春船。家人偶着秦時服。故事猶談宣廟年。落拓相過休恨晚。夕陽江上有烽烟。

登臺望石門關作

春草羣飛雉子斑。登臺一望石門關。緣江烽火來三楚。橫海樓船斷百蠻。絕徼軍輸愁遠度。長征都護未生還。我來不見周南郡。金斗城高何處攀。

旅中送張二自晉陽還歸西江

高林朝日照叢壇。游子還鄉勸早餐。樂氏諸兒曾許趙。張良垂老未歸韓。路分南汜黃杭熟。家在西江白露寒。帶缺揮戈年歲晚。重來莫忘釣魚竿。

登瓊花臺

何年創此瓊花觀。不見瓊花此觀開。千載名花應有盡。尋花還上舊花臺。飛鴻曉斷邗關度。疊浪秋翻瓜步來。四顧憑欄一惆悵。蕭蕭黃葉下蒼苔。

舊評曰。氣調涵渾。風格豪上。飛鴻二語。乃高廓無前。

張使君泛舟作

太守樓船駕露梯。平明載酒鹿城西。綠水漲時抽綠草。青山斷處界青溪。擬翻太液歌黃鵠。曾使陳倉祀

碧雞。森森背臺高未極。相看知與峴峯齊。

許記室新成進士有贈

三年管記在江東。獻賦還來宿射熊。並道枚臯堪倚馬。誰憐鮑照久從戎。天門日映寒袍紫。上苑花傳錦字紅。舊府蒼頭擐甲去。也聽鶯語到南宮。

送胡揭陽之官

揭陽勝地古潮州。束綬懸金起壯游。候吏遠迎三水驛。居人多在百花洲。鮫珠散處蠻雲繞。馬甲裝來海氣浮。君到若推吳隱後。玉溪應發舊清流。

張梧去淮

獨上淮陰古釣臺。登臨作賦甚雄哉。頻年帶劍驅吳楚。忽爾行歌歸去來。細草暄隨胥浦漲。平濤凍逐射洪開。南昌亭下春風發。不見王孫哀復哀。

宿東村作

東村別館傍東田。猶許東家倚醉眠。隔屋鳴箏聽漸遠。疎櫺漏日影初圓。枯荷殘暑浮新鯉。高樹先秋咽早蟬。欲上南岡無羽翼。褰幃愁較白雲篇。

徐徵之舊評曰。取調渾。寫境不渾。寫境刻。用意不刻。才是能手。疎櫺句真神景調調。

游倪司農園亭

尙書休沐草堂成。別有屏軒倚水楹。高閣恍連千堞起。修廊時繞萬山行。曉霧隔陂牽紫蔓。春風前路折朱櫻。潁川才子題門巷。只羨兒寬雨後耕。陳推官子龍題塔門爲經鋤鄉。

送洪明府圖光之任程鄉

程鄉南去載青驪。明府才名天下知。珠海烟深行處遠。藤花風煖候來遲。農錢絕徼輸螺子。官酒長亭薦荔枝。送汝鵬飛剛六月。前圖應記鳳西池。

詒徐水部

南州才子水曹郎。兩度乘輅出帝鄉。豹尾舊懸吳市曲。麟書重下楚江陽。遙天芻粟通關遠。獻歲椒花拂綬香。慚愧梁園倦游客。秋風一別竟難忘。

登會城望江全金二塗何四十二之杰沈太史孫吳二徵君

江水滔滔接遠空。登城遙望海門東。秦皇弩仗驅三島。句踐船軍散五戎。斥地鹽潮賓雁白。蠻天蕉雨客帆紅。津亭飲宴當年事。努力神州藉數公。

飲梁少府

仙官趨府控金羈。邀我同銜鴻鵠卮。春到滿城開躑躅。晚來雙甕發胭脂。江關暇日參卿重。山坂晴雲送客遲。小吏不知廳事散。隔牆猶自聽黃鸝。

桃花津前

桃花津前津路迴。角巾布櫛林扉開。客知古事倘能說。我亦野情當再來。斜日白桐寒隔塢。迎風紅蔓嬾

當杯山村處處春桑發。那見彈箏秦氏臺。

暮春三月吳淞招上已。修禊牲適過山陰不果從。卻簡張慙徐致遠諸子。

麗日晴風溇浦波。青油畫鷁禊堂過。江南舊俗推元巳。吳下新亭似永和。蘭葉叢舒紅錦幔。桃花高漲白龍河。千巖萬壑山陰路。不見流觴奈若何。

少年

少年抱劍出關中。羽衛新招六郡雄。久許報恩逾攝政。平時飲酒笑秦宮。雞鳴曉日黃河動。雁陣秋陰紫塞空。當日枌榆遷欲盡。愁君馳馬過新豐。與舊類小異數字。

黃刻知評曰。黃河二語驚人。又曰。雞號以興。百息俱動。三春過雁。秋賓而稀。動與空本是實字。卻下得奇警。真未易到。

與祁六公子赴曲水社集

不分肩吾曲水游。幸陪青翰鄂君舟。殊方結客三千履。連袂看花十二樓。列伎長筵歌自緩。畫屏深燭醉難留。晚來多少江南雨。瀉盡王家金埒溝。

王侍御席與歌兒

御史筵前舞柘枝。當筵重唱鷓鴣辭。紅牙長繞青螺帶。粉頰低垂綠玉卮。人是故譙車子後。歌傳秋浦謝楊兒。蘭臺曾擬貞元宴。葉底花間幾度思。嘉模曰。劉禹錫詩。花前葉底奉君王。間與前同。

匏瓜戲做西崑體。

匏瓜空載兩車箱。不疊萋荷舊紫裳。爭取百千邀碧玉。何如十五嫁王昌。樽前鳳舞黃華子。水面魚吹白石郎。辛苦盛年猶待聘。當時只記善和坊。

逢劉二江南行

王孫十載罷追游。又上龍江古渡頭。獨酌馬生仍作客。同行李廣未封侯。梨花滿院留青漆。柳樹長干躍紫驄。無限建康城下水。年年空向海東流。

夔大敬評曰。梨花二語。栩栩欲仙。所謂天所

謂自然。所謂妙。俱以此。唐人惟王維有此。

孟遠訪友吳下

孟子論交真丈夫。清江四月下三吳。花明錦帶懸刀錯。風送斑鳩轉轆轤。長夏鶯啼過茂苑。荒臺草色戀姑蘇。淮徐北望雄千里。莫道韓陵片石無。

入湘湖書事

落星湖畔草茫茫。別有澄波萬頃涼。溪口一橋連大路。城西幾里到橫塘。青山入浪烟林動。翠藻緣崑水帶長。隔浦駁鷖驚棹起。藕荷深處又成行。

二

環山淨捲碧琉璃。紫幕紅茵度水涯。稻葉暗抽朝旣後。荷風不斷午涼時。龍堂瀨淺楊王宅。湖有楊囊王宅。今爲寺。鳥道雲盤句踐祠。蕩槳女兒歸獨晚。前湖新約采蓴絲。

衡陽

衡陽一望數峰高。雁去烟深絕羽毛。嶺海但能供荔子。滇關誰與種蒲桃。戈連歲擾魚龍舫。花落春溫組練袍。新息舊標江界柱。天回南畔水滔滔。

贈姜二承烈赴從叔上元官署

橫江草色柘袍輕。游子鳴榔入舊京。村市春烟迷浦溆。布帆朝雨近清明。河陽花縣迎潘叔。建業官廚訪步兵。天府嵯峨渾不改。相逢愁上石頭城。

馬跡懷南士

越王山下賦離羣。英布城前看落雲。歲暮他鄉還作客。春來何處不思君。天開婺女搖晴翠。水滿康郎漾夕曛。陽雁欲歸愁未得。幾回哀響夢中聞。

倪天章評曰：神思綿邈，意調超越。每讀三四，使人反覆不能已。

海寧祝生過訪攜伊舅氏朱孝廉書至喜贈

嘉模曰：時朱近修新刻集成。

微雨清秋簡簟涼。誰來采芡到橫塘。天邊落雁江湖晚。篋裏懷人歲月長。越布衣含山氣白。沙門帆落海雲黃。憐君年少能乘興。攜得新詩是渭陽。

奉贈屠又良解元母太君壽

錦帆張筵泛玉波。高堂玄髮尙如螺。長攜公子攀叢桂。曾對靈均剪芰荷。麗日朱函開寶篆。秋風瑤瑟動

雲和陽山大節終能配。庭下何難見孟軻。解元尊人殉陽山令有記。

寄獻嶺東使君

金牙玉節啓龍江。嶺右分藩早殿邦。一代才猷專百越。九天風雨下三瀧。官亭葭吹開銅鼓。蠻女花枝映繡幢。陶侃功名君獨擅。絲來國士本無雙。

過南徐軍贈袁八書記

南徐幕下談兵日。北府軍前對酒時。愧我文章輸陸賈。憐君慷慨過袁絲。星門合壁調金鼓。天塹橫江鎖鐵錐。露布草成真倚馬。可曾持示帳中兒。

驟雨口號三首

驟雨空亭暑氣收。紅雲堆作黑雲頭。檐前飛練垂垂溜。水面圓花點點漚。遠岸林明迴晚炤。平田澗滿快通流。絲衣頓覺浮涼襲。多少輕紈卻畫樓。

二

隱隱南山動晚雷。山前雨腳自飛廻。浮雲擁隊爭吹去。遠樹聞聲漸過來。當戶懸珠蟲網濕。衝池破鏡水萍開。不是蒼龍歸大海。翻疑神女下陽臺。

三

蒲葵觸熱雨初溥。頃刻斜飛過羽翰。花髻濺來衣自濕。荷珠傾盡葉仍乾。風飄錦帶垂虹細。晝映金釭繞電寒。滿地驚湍愁不定。相看疑下幾重灘。

嘉模曰。是詩作于兩水亭。時同賦四人。惟姜汝且詩先成。西河亟賞之。後見西河詩。尙自恨未盡抒發。他俱匿不復出矣。猶記西河云。使唐神堯時共爲此題。必如許新妙。又云。三詩惟林明句。古人未道過。餘俱道過者。又云。唐人有火雲斜襯黑雲生句。堆字那得如穢字之清。其諷諭如此。人之云亡。今汝且且從哲人遊矣。并識此以附累息。

入橫山宿傅大溪上草堂有贈

十年九度入衡陽。最愛君家舊草堂。曲路環溪栽野竹。前池拂水臥高楊。春雲壘首驅黃犢。秋雨山岷射白狼。少小逢君豪氣銳。今來看作丈人行。

二

橫山西上路。欹斜郭母峰。前水一窪。曾著竹書開墅曲。到來松酒醉村家。南溪人遠留紅樹。隔塢天寒噪白鴉。我欲乘船歸渡口。期君三載種桃花。

衡門

衡門寂寂傍江涯。曲徑新成到轉疑。風吹粉蝶翻花桁。雨後青蟲滿荳籬。漁網入陂牽綆細。農歌出谷應聲遲。短葍相過長載酒。不須陶令在東菑。

客中送董匡北征

朔風貂帔向皇州。愧少琅玕贈遠游。鵬翅乍分雲外路。梅花先發驛邊樓。賓開燕邸通侯第。詠並臨淮估客舟。上苑春光鳳城月。幾年廻炤越江流。

中州元夕觀鄉飲有感

石經門下早啼鶯。遺老猶存饗序情。鳩杖扶來方醉酒。鹿鳴歌罷自吹笙。官街火樹縈星晝。曲巷香車待月明。伊昔洛陽圖畫裏。春風幾度會耆英。

康臣宅感賦并憶蕃鮮

多年不見沈休文。府市南頭一訊君。兄弟婚姻驚老大。池臺今昔感離分。羊羹對酒臨秋節。鼠麥銜花散夕曛。卻憶美人南浦外。湫風淒雨渡江雲。

欲留當壚次凡不得舟發全姜八孝廉占凡字

浙浙江風吹布帆。長征空賦石巉巖。寒來沽酒停行客。醉別當壚是次凡。雁柱橫胸愁轉結。螭環脫臂口難銜。射陽湖畔江潮落。不辨流波苦共鹹。

二

斜日將沉少婦崑。廻船浦口繫青杉。同心未許乘油壁。載妓何曾掛繡帆。舊院雙扉樊素宅。新歌一曲杏黃衫。醉拚枕藉洲邊露。猶自燈前認次凡。

東城

東城初躍紫驂騮。萬里親隨博望侯。赤羽自傳光祿塞。紅粧新下綠珠樓。春還海雁天南盡。日照黃河水北流。寂莫朝鮮津吏婦。長聯裙帶學箜篌。

舊選評曰。高能不削。大能不靡。精深溫

厚。并能于近詩中見六義者。惟此等詩。

中夏寄贈宛陵施先生初度

江左衣冠尙未零。琴溪曾見老人星。聯吟時並潘尼詠。賭墅忻留小謝庭。蒲棗流霞傾綵鳳。桃笙捲雪臥飛螢。自憐長買餘杭酒。不及稱觴到敬亭。先生爲愚山從父。故頌云。

奉贈南關徐水部權使君

冬官分權並河渠。載得龍門平準書。自聽猿啼懷木客。還懸豹尾算商車。庭開鼓蓋翔朱鷺。榻下江湖滾白魚。椅梓榲楠誇美麗。可能裁構玉臺餘。

贈閩中張明府宰會稽

郎官萬里出巴西。獨綰銅章到會稽。江上早寒頻去虎。山前春暖自驅雞。思玄舊擅南陽譽。博物重開禹井迷。何處傳君游覽興。馬臻橋畔賀公堤。

參上人還歸西陵

道人九月渡西陵。閒看湘雲杖古藤。六十年來三藏法。萬千山裏一歸僧。桑花翠薄珠林雪。蓮葉香開梵井冰。到處錫飛忘甲子。那知此地有懸燈。

贈沈探花荃歸雲間覲省

雲輶初出少陽宮。覲省還歸泖浦東。丹詔捧來瑤殿側。綵衣裁在杏園中。波翻瀛海冰魚白。日滿包山橘樹紅。此去慈親方五十。羨君年少邁諸公。

城雪初消想茂倫。吳江草色綠粼粼。關門練合春調馬。天畔虹低晚渡人。金匱簡探雲樹渺。銀牀甕抱土花新。阮生亡後嵇康死。一望輜車最愴神。茂倫號抱甕丈人。見七古卷。

姜太翁月夜邀泛鑑湖

城南一棹泛清漪。永夜來游賀監池。風起平翻花底練。月流遙漾鏡中絲。開樽靜久鳴箏細。撤燭涼深下幔遲。萬頃波光明似雪。誰來不作剡川思。

西河文集

蕭山毛奇齡字大可
又春庄稿

昂天翻扶上較
孫眉光嘯夫較

七言律詩二

題陳廣文長興學舍

天半蒼雲散書檐。官齋習靜晝垂簾。無錢不問蘇司業。有酒長攜烏子瞻。下箸花從春後發。前溪水向夜來添。攤書獨擁臯比坐。門外爭投問字纒。

陪天童鐸菴兩和尚立雪齋。雨集食桃時。天童有食桃之問。予不能答。用長慶體和韻。卽事設食香林。養大慈。何期得遇道安師。同來白雪巖邊坐。正是黃梅雨過時。山葛覆肌涼未解。冰桃到口味方知。當前不會無生法。欲下殷籤遲又遲。

二

空亭高坐爲宣慈。況對人天兩國師。豈是可中纔過午。曾經大內住多時。天童曾住大內萬善殿。故云。雨來拂面空相覲。雪後探心了不知。祇爲伊蒲香供好。綏桃在手食嘗遲。

集劉謙吉進士園賦得高枕乃吾廬同高宗楫司理鄒嶧進士劉始恢喬萊兩孝廉韻

名園綠樹映芳塘。冰甕初開水閣涼。興到客能尋遠嶼。醉來我欲睡匡牀。墻陰日下葵根煖。檻外風生藕葉香。賓主悠然成靜對。渾忘此地是他鄉。

同周司理令樹施憲使男胡大以寧方二中通陳四晉明堵三鳳烝夜集蕭伯升江舟分韻

清江高楫郡臺前。永夜金樽雜管絃。座客多才憐異地。主人有酒似平川。天星散映廬陵樹。燈火遙來章貢船。醉裏未能騎馬去。風流思煞習池賢。

答和長洲陳太僕書懷二首原韻

並向吳臺憶舊遊。洞庭黃橘醉高秋。人歸東道除三徑。贈到南金動四愁。日上海雲回遠岫。霜清江葉下孤舟。伯通橋畔長洲路。杵臼相將願未酬。

二

衣冠東第舊歡娛。兩市三臺望去孤。天下事將憑管葛。吳中人半在菰蘆。寒雲鷗障流逋戍。細雨羊裘坐釣徒。滿地江湖愁間闕。欲于何處問鸚鵡。

和方二中通韻并調

曾來拾橡到山阿。喜爾攜予嵩下過。浦口再逢秋色遠。天涯相見暮雲多。寒駒只解霜中路。飛鳥驚聞河上歌。欲採芙蓉隨汝去。大江風雨奈愁何。

龍泉李郡丞蔡宏詞偶集和韻

西來紫氣滿龍泉。高蓋忻逢鄴下賢。八俊久傳元禮譽。千秋重較少君編。寒花摘向初冬候。歸雁歌成太

始年羨汝天涯能有會。雙車齊宿草亭。

送別高二彥彪

送客江關花正飛。關前弱柳折來稀。兩年官舍同寒食。一曲離歌共落暉。碧草馬蹄憐去路。紅亭酒色上征衣。他時訪我錢王渡。勿傍桐君舊釣磯。

朔方

天授神兵罷朔方。雙韃不復掛漁陽。三秋白草緣關斷。萬里黃河入塞長。鏡柱分標滇外戍。金書異姓漢中王。從軍久負匡時略。愁見開邊到夜郎。

舊選評曰。自憐不得用。可謂流離世故。自傷情多。或云。大可略少愁苦語。緣其性達。是未會寄旨耳。

文生卜肆

繩囊紗帽守龜龜。閒臥青谿第一橋。京易早年開碧檢。市簾春晝下丹綃。三街雨洗天寥闊。四壁星飛海動搖。正杖旋棊憑布伏。縱譚玄箸自超超。

薄暮飲龔氏別墅

櫻桃廳院晚棲鴉。促席留歡日欲斜。醉裏關心三部伎。牆頭炤眼數枝花。金樽細度低紅袖。畫燭高燒出絳紗。車轂繞門流水去。滿堂愁煞奏琵琶。

詠芍藥和韵花純白中紫

層臺不復擬臨春。尚有穠花倚檻新。低列玉釭浮紫焰。近前嬌女弄朱唇。輕風吹合塔頭影。曉霧濃沾砌上塵。斜折一枝爭語笑。幾回妬煞尹夫人。

寄陸嘉淑

平原分手贈青堂。蕭賚孤居對綠楊。百里信隨寒雁杳。三秋思入暮雲長。草花露冷生磐石。蟋蟀燈深下屋梁。京洛倦游能再過。城南尚有午橋莊。

奉祝丁太翁比部初度

飛濟尊人也

錦瑟高堂娛丈人。聯翩彩袖雁行新。桃花水淺江門曉。琪樹雲搖海洞春。鳳詔重開金簡露。鸞牙分舞玉塔塵。長庚同是西方宿。瞻在秋官第一辰。

二

東風二月柳條舒。西第新乘廣德車。玄澗玉華齊暮雪。餘杭酒煖及春魚。八龍並下盤中食。三婦爭裁機上書。暇日兩湖尋勝事。仙人多少在樓居。

蓮公還住淨土寺

飛錫還歸湘水東。丹崖翠壁舊龍宮。早開鐘磬浮雲外。不盡山河寶鏡中。珠樹臨壇垂雨綠。金泉洗鉢落花紅。高峰萬仞前朝塔。誰道重來有誌公。

飲宿采鳳堂有贈

芙蓉曲路晚生寒。白恰重逢話未闌。桂酒昏星留國士。菘羹秋露餉園官。長安購起千金賦。南郡攜來雙

玉盤羨爾才名成鳳羽。高飛時作錦雲看。

過大敬

春城高柳未垂絲。迤邐城南問故知。城頭啼鳥千般怨。城頭一抄作風前。病起尋人幾倍思。青山隔郭來新霽。流水當門似舊時。相看欲採幽蘭去。卻恨花開遲復遲。

江上逢友人

煬帝宮前老樹村。宮花草與誰論。君因伐輻來江滸。我亦觀濤到海門。竹路寒烟迷遠嶠。茅堂斜日將雙樽。漂流同是驚翔鳥。瀨上聞歌欲斷魂。

重過祁中丞寓山別業

中丞別業寓山莊。垂柳依然覆野塘。北塞舊屏崑下遠。一作榮。南湖高閣雨中涼。幽欄石竹翻鴉子。敝殿金花供象王。止水可憐沉劍履。重來疑檢碧霞方。

同姜十七梧過倪司農園訪陳二待詔

名園綠水接朱扉。坐對黃冠解息機。安道幾曾矜善畫。陳登終自惜初衣。蘿橋雨過紅櫻熟。麥壠晴薰白鷺飛。轉餉司農愁不返。逢君空拂舊林霏。

贈徐徵君徵之講學。又雅善兵法。

久向南州臥碧雲。百年忝作老同羣。關西學術推夫子。天下英雄只使君。負俗偶然隨漢臘。荒城誰得避秦軍。春來喜遇東亭會。倚杖行歌日未曛。

杪夏集金孝廉燾同中州許三禮明府

河朔清觴映晝暉。炎堂靜對轉霏微。盤間雪水傾瓜菓。醉裏薰風動葛衣。羌管倚吟翻碧浪。林花散日上朱扉。洛陽才子蘭亭宴。不倒春缸不忍歸。

送人之耒陽

湖北湖南水盡浮。杜鵑啼歇過衡州。幾重高峽穿天下。萬里平江入漢流。念母徐生終去魏。思鄉王粲故依劉。恢台孟夏烟花隔。鄂渚辰陽愁不愁。

中秋前一日集曲江樓分賦

高會羣登江上樓。魚龍百戲繞三洲。歌鐘響徹天垂幕。火樹烟生月滿舟。賦就明河堪永夕。人傳來日是中秋。滿門車騎傾吳楚。無奈燈前送莫愁。

有訪戲作西臯體

兩度城南問狹斜。清江細路到來賒。門前雨歇憐樛樹。牆角春寒有杏花。翠幙幾重喧鳥鵲。銅鑲半面釘蝦蟆。青驄舊日行過處。還記西鄰第二家。

送劉使君兵備辰州

朱衣雙導沉江頭。外幕分曹護督郵。持節遂行真刺史。懷錢不受舊劉侯。龍橋直下黃牛浦。葭鼓橫開白鷺洲。明到百蠻應弭服。黔南自古重辰州。

寄李侍御

南臺分察一車輶。巡視軍鹽下浙潮。漢代餉曾歸使榷。越中兵又敗夫椒。黃冠難返銅魚渡。烏幕還留朱雀橋。驄馬幾時閒外廐。可憐腓肉竟全消。

二

江東雖小尙兵連。獨撫鹽車近一年。繡斧未巡新屬國。霜毫猶記舊蕭然。侍御有蕭然山行辱寄辭極悲。離鴻夜戍遷龍塞。布穀春耕叫鳥田。直指荷戈曾下瀨。相思長訊上潮船。

赴山陽呈朱禹錫明府

小山仙令種花居。臥理三年有治書。太史已占臨穎鳳。故人方乞射陽魚。琴臺高詠淮南操。官舍長停泗上車。佳客臨邛千載事。願君還念漢相如。

九日雲起閣登高分得鹽韻有序

八月幾望集淮陰。張吏部園各賦詩三章。九日復集雲起閣。黃花映酒清歌遏雲。雖非復嚮時繁會。而風景悠然。東山釣史分韻牌賦詩。時請摘去險韻。勿許。姓最後到。日將墮。應手抽牌。得鹽韻。舉座譁然。曰果然。蓋預擬相難也。復有五古題一。賦得秋菊有佳色。

高雲千疊繞朱檐。九日銜杯啓畫簾。雜珮萸囊盛曉露。滿堂菊影待秋蟾。金盤初下冰魚鱠。豔曲新翻阿鵲鹽。彷彿臺前重戲馬。瑠鞍扶出醉厭厭。

朱明府放生池公讌同張纘孫查繼佐吳百朋俞之璧卽席

淮合張筵啓暮衙。珠璣深處集高車。緋紗爛映池中月。寶樹香生座上花。醉合清樽交履舄。風吹散拍繞

琵琶主賓共擅東南美。只恐嚴城噪曙鴉。

寓吳江塔寺巢雲房贈竺蘭聖宣二上人

江觀雲開第幾重。巢雲精舍幸相從。庭前寶樹浮千級。座上蓮華有數峰。擲塵暗飛金鸞鷲。談經清滴翠芙蓉。我來正值秋風發。真見前湖起洞龍。

淮陰道遇淄川張馘之江西有贈

淮陰道上遇王孫。家在般陽笠樹村。朝雨旗亭分玉勒。秋花幔渚共金樽。使君雄劍探江縣。公子倉琅下木門。相送圯橋渾一醉。高文細與客中論。

一草亭同韻有序

游子歲寒良朋宵晤。霜月流地嚴飈襲衣。共銜匏子之卮。爭插梅花之句。一亭合唱。四韻依成。落落天涯一草亭。寒風濁酒夜譚經。樽前燭樹光浮檻。靜裏梅花香滿庭。高唱互爲林下詠。疎櫺時度斗間星。更闌誰弄桓伊笛。吹徹關山不忍聽。

江上餞周司理赴虔州

星軺計日上虔陽。共集仙舟泛渺茫。山翠幾重銜晚照。江流萬里瀉清觴。安成郡裏紅旌發。章貢臺前錦纜長。合座聯吟愁思起。朔風歌吹滿滄浪。

二

王程漸近反難稽。南上高旌促解攜。樽酒共留江浦外。官艚仍泊郡亭西。紅魚撒浪當筵起。白鷺橫沙舞

慢低。此去風流應自惜。度南司理重濂溪。

寄贈施比部提學山東

名曹外簡重文衡。特指星麾歷下城。炙穀漸祛齊辯士。束茅先待魯諸生。滄溟水漲春潮闊。岱嶽雲開曉觀清。漢代五經誰第一。相看惟有舊施卿。

愚山督學山左遠辱書問并饋買山之贖四韻代答

獨坐春風草太玄。故人新饋買山錢。王郎不用吳奴米。江革還披謝眺氈。鴻雁荒途愁思渺。芙蓉遠道寄來鮮。側身東望相從晚。手把英瑤倍黯然。

姜掌垣舟集卽事三首

畫舸橫牕捲碧綈。黃門邀客泛清溪。草頭烘日舖茵煖。水面攢山接黛低。白苧歌來翻白鷺。青芹煮就漉青泥。隨波十里南塘路。大禹陵前西又西。

二

村亭崦路撤鳴騶。換席移尊過別洲。故國祕書懷賀監。東川佳客重羅侯。深陽羅一丈在座。林迴日影開雲葉。雨過山風滿壁油。啼罷午雞重作伎。橫溪簫管在中流。

三

青絲暝色繞迴塘。嘉畔穿雲日腳黃。水閣虹燈遮紫幔。山城獸管掛倉琅。迎舟快靄鳴宵鶴。疊檻分星對夕郎。一聲長笛重回首。江樹江洲共渺茫。

姜桐音評曰。西河工當境細寫。然終不墮中晚一字。氣調勝也。又曰。三詩三及日。一及雨。而郊遊遇雨之景瞭然。草頭烘日。未雨時景。林迴日影。雨過時景。穿雲日腳。雨收時景。時家定庵同座客賦詩。予見大可作。便輟翰。以終乏當境耳。

寄施誣

何處關山憶舊京。草青還見闔閭城。田連海上琴難學。庾信江南賦未成。陽雁再來逢雨雪。寒花不斷繞柴荆。天涯兄弟猶相望。欲上層樓百思生。

西里先生 贈任屏臣三丈

西里先生白苧衣。園花開落舊柴扉。不關好酒長收秫。時有高歌戀采薇。暮雨客彈飛雉操。春江人在釣魚磯。戴逵入剡將投老。六十年來一少微。

二

巨擘長絲展釣車。伊人秋水傍蒹葭。夏公鄉下傳高詠。許掾祠前是舊家。座上琴樽銷永日。圖來丘壑繞丹霞。湘山多少滄洲意。不及青巖幾樹花。屏臣號青巖居士。有記年圖。

下商氏牡丹臺。經年後爲雨臣內家。闔花時仍得假一觀。因做劉兼光福寺牡丹詩體。應和時其

內家詩滿左壁矣

昔年曾住牡丹臺。三尺紅衣對面裁。今日重尋芳草路。一行粉臉背人開。橫欄初下鮫絲箔。新曲誰歌鷓濫堆。數載洛橋尋勝去。不虞還向此中來。

祁二兵憲舉子

春盤細菜籠青絲。又是金錢試浴時。蘭夢偶徵烏鵲會。桐孫再舉鳳凰枝。夫人好比參軍婦。遙集生爲阮氏兒。男子懸弧當有用。勿教空誦鯉庭詩。

游少林寺

少室諸天天際開。翻經一上魏王臺。幽崑風靜三花落。絕磻泉分五乳來。漢禪遠留金貝葉。秦官高覆石壇槐。歸雲迷卻丹龍洞。尙有閒僧坐翠苔。

客舍贈建康胡公子以寧

相從客舍久依依。江左風流天下稀。理事自應推伯始。知名真不愧胡威。霜高一榻橫清漢。歲晚雙樽傍落暉。恍慨前期何處問。臺城南上舊烏衣。

題丁克振樓居

庾公不向武昌居。矯矯元龍百尺餘。頻理詠歌臨大道。長環泥水謝高車。重簾花散天邊雨。兩岫風生水上書。日暮空欄愁倚徙。春鴻歸盡海門虛。

姜兆禎啓昆仲覲從兄侍御維揚官署

法曹清夢豸堂開。遠覲爭看赴洛才。陽雁曉從京口下。寒濤秋捲日邊來。驄花並轡趨公府。瓊樹高枝接郡臺。勿訝君家長共被。繡衣清冷舊相推。

人日書懷寄大敬

薰葉椒花對酒尊。珠幡寶勝綴春門。幾年客臥山陰市。七日人歸江上村。風裏叢條粧燕子。塔前細草待

王孫懷君欲作登高會。一望城南幾斷魂。

送駱叔夜北行

離亭落木正蕭蕭。又見長帆去影遙。挾策幾年淮海路。傷心再渡浙江潮。寒風絕塞吹青雁。霜月橫空擊皂雕。叢桂故山秋正發。一枝還擬贈河橋。

商公子席上作 公子霖臣家辛公胤

曉日曛曛甲第開。青葱玉樹炤銜盃。列侯幸識韋賢後。吏部重看山簡來。冠組乍交分籜箸。歌鐘肆起近樓臺。繞堂灑灑長濠水。欲挽東流使倒迴。

祁湘君催粧 有序

夫易占乘馬。戒其盤桓。詩詠集鷁。遽如飢渴。則唐女惜三星之遲。韓姑驚八鸞之快。是無故捲簾當勤。去扇宜速也。在昔雲安下降。詔作催粧。安樂成婚。賦將移燭。故鳳臺教北府頻迎。鵲路怕東方漸曉。雖復懷中石子。種待踰年。亦且池面冰花。泮諸一旦。矧嬴娘仙早。容易將翔。衛玠官高。較難久立。固宜褰帷。拂嬌女之眉。卻障索才人之詠矣。夫祁湘君。祁中丞之細女。亦沈大行之少媳也。祁雲爛然。不需韓樂。沈郎瘦去。願贅齊庭。當夫西施江畔。紫炬星飛。梅尉山頭。綠屏霧捲。牛女耀東書之壁。 中丞第左廂名 讀書堂 鳳凰迓西里之賓。乘龍載見。瓊蕊旋開。捧雁來游。穠桃預啓。則有貴家上戚。寶馬珠纓。故第名姻。玳筵綺席。叔隗擾公子之親。孫子以護軍爲戲。加之中郎阿大。執燭調花。顧婦謝家。弄觴承盃。則亦有東京才子。洛城麗人。隨綵騎以願觀。觀祥雲而遠屆。看施紅粉。還陪畫額之夫。私抱青芻。竟秣瑯蹄。

之馬。既已輸翡翠于橫陳。效烏鳶之切噪。然而天上光遙。人間夜短。金莖垂素手。露溢銅卮。紅藕咽青鱗。水浮銀箭。曩者。姓選越詩。未延閩秀。曾誇梅市。甲于海內。自忠愍擅太傅之聲。夫人作京陵之範。閩中三婦。博學高才。庭下九嬪。尋章摘句。楚纓趙璧。突慶突喜配。援婦誠以著書。發英修媿。湘君姊。樂諸兄之同硯。固已軼大家之漢史。駕伏女而傳經。況湘君者。貌擬桃夭。才逾柳絮。怨詩思父。邁等吹簫。秋月貽姑。比之顧菟。怨詩秋月皆湘君詩。及升筭之妙年。臨結褵之勝事。羣相樂歡。姓忝嘉與。其忍令青銅鏡裏。久佇芙蓉。碧玉樓頭。尙弛琴瑟。則是吉甫乏迎蹶之章。召公無嫁姬之誦也。爾乃介爾奕喜。索我粧粧。仍示湘君。因之啓帳。維時上官懷巨秤。云有當于考功之褒。陸暢謝伽餅。疇則加以內人之誚。中丞愛女。早乘龍。徐着銖衣。下碧峯。紅粉久調金菌。蒼青銅時對玉芙蓉。屏高喜見花雙樹。扇底愁遮山萬重。莫厭催粧徒聒耳。漢宮待詔重吳儂。

二

雙成促駕似流泉。索我題詩畫燭前。戶外分啣九子綬。帳中低撒五銖錢。故遣浮雲粧寶鬢。旋將明月作珠鈿。因爾天孫能織錦。有人先製鵲橋篇。

三

豸府沉沉蓮漏催。吹簫爭引鳳凰臺。憑隨帝子雲中度。眞見王郎天上來。寶襪暗舒連理字。瑤鬢笑捧合歡杯。粧成莫待朝霞起。滿院叢花滴露開。

四

萬條銀燭照都房。陪列金釵十二行。屢倩黛烟書錦字。猶臨粧鏡着衣裳。停軒別遣催花使。隔轡羣扶新嫁娘。恰是湘君太容與。頻勞宋玉賦高唐。

五

紅絲久繫沈郎屢。只待名姝贈握椒。早歲雲章傳赤縣。臨時春水漲藍橋。青蚪啓馭調珠轂。丹鳳啣書出絳霄。太傅堂前饒好事。拚爲烏鵲噪朝朝。

長至寄懷吳江徐崧

數盡秋風白雁羣。更逢長至一思君。高楓冷墮吳江雨。半岫遙分笠澤雲。孺子恥膺三府辟。偉長時著一家文。漢宮此際才添線。不用鄰家刺繡紋。

同韻贈王玉映閨秀渡江

樟亭西望古錢塘。終歲他鄉復故鄉。綵筆題來當上巳。畫船載去又重陽。千層羅綺波紋細。十里芙蓉江岸長。吳苑楚宮能遍歷。他年青草恨茫茫。

晤雍陳二生東游

羨爾雄才洛下知。玄亭相對暮冬時。陳平自許能懷璧。雍伯何曾只販脂。幸舍橫琴圍燭短。西園疊鼓奏觴遲。浮雲一去空南北。何處同尋黃絹詞。

西河文集

蕭山毛奇齡字大可行十九稿

姜希阿亦與較
黃繩祖孝威

七言律詩三

西園書感

河中之水莫愁家。不數南鄰張麗華。相逢恰是三春裏。連人看當一園花。斯時挾瑟彈流水。此日傾樽繞落霞。誰信平臺詞賦客。十年漂泊在天涯。

姜桐晉評曰。摩詰太白。俱妙有初唐氣調。至杜開均律。而儉父備矣。許渾劉滄。所由流也。千年後。能重見神龍景雲風度。縮觀驪廡。使人可踪跡想像者。此等詩耳。

江上逢何永紹

縱陽才子郢中行。江上逢君詩倍清。客裏梅花冰雪候。天涯樽酒弟兄情。高談自擅司空譽。就辟何慚驃騎名。他日呂亭相望起。莫教春草負生平。

同衛叅軍登萬歲樓

叅軍高興發清秋。落日同登萬歲樓。北顧尙驚雄暫立。東來不斷大江流。京門斥堠連平楚。吳會車書領

上游。一自建康王氣盡。凭欄千載總生愁。

泗水亭漫興

去年折柳淮河曲。今日看花泗水間。此花此柳應長在。他日他年何處攀。風起宮臺來古縣。雲開芒碭見空山。千秋城下蕭條久。不信春光天際還。

寒食渡江

吳關千里燧烟通。掛去長帆返照中。三月暮春行海畔。兩年寒食渡江東。風吹官柳城邊綠。雨後山花壠上紅。惆悵故園年少在。鬪雞蹴鞠與誰同。

風雨渡鄱陽湖

鄱陽東匯大江隈。渺渺層陰曉未開。萬頃波濤連地湧。一時檣櫓自天迴。山浮星子蛟龍起。雲滿溢城風雨來。莫道南溟苦流滯。此中尚有濟川才。

同諸公陪蔣斐集蘭亭

青龍江畔舊鷗夷。採菡還來古會稽。車馬共臨遙渚外。衣冠高會夕陽西。風搖修竹歌來緩。栝汎春潮坐欲低。猶是永和王謝客。禊堂千載望中迷。

飲宣城王博士宅喜遇丁禮部

彭時禮部還自塞外。

謝眺高樓不用攀。開樽只對敬亭山。爲看秋色停征屐。喜見春官佩賜環。遷客九章詞句苦。思君十載鬢毛斑。獨憐決起槍榆鳥。也滯江湖久未還。

寄酬海昌陸弘定

不向山頭擷紫芝。空令腐草蔓桃枝。風靈青磴吹霜薄。日斷茅堂解凍遲。陸賈自無干帝語。毛萇空受獻王詩。天寒衣帶從來緩。深愧加餐慰素思。

送丁四六世弟北游

鴻鵠將飛怯羽翰。登程猶自惜衣單。受書共憶聯牀苦。古調誰歌行路難。薊北黃雲驅季子。山中白髮老師丹。前途剛值東風厲。客舍雞鳴慎蚤餐。

海東

與北平韓子晉懷舊作

曾無候騎至回中。屢有旌旗向海東。去節王烏難繕塞。懸金魏絳又從戎。營連白晝龍城暗。鏡發清霄鷺羽紅。燕頷猿肱愁未見。封侯重數漢諸公。

木弟桐音伯調奔慶諸子集東書堂各有詩見懷悵然賦之

茫茫遠樹一江分。漱漱流泉兩岸聞。愁思自能依落日。故人不用賦停雲。潯陽地僻追三隱。林下名高愧五君。滿目黃蘆圍水宅。幾時歸雁好同羣。

施大公子彥淳生曰作

清江綠草炤青袍。二十趨庭一俊髦。有弟共分荀氏玉。憐君先佩呂虔刀。經傳碧嶂星俱動。候近朱明天漸高。自愧修塗長擬附。春風萬里鳳凰毛。

客中禊飲值朱三驊元生曰

名賢久集楚江濱。不道相過又暮春。三月良辰稱上巳。百年初度在庚寅。殊鄉未負懸弧志。躍水誰爲捧劍人。故國蘭亭重吾侶。莫教歲宴轉傷神。

寄廣州使君

使君五馬去南天。皂蓋彤幃卽郡年。廉勵久推吳處嘿。風流何似謝臨川。行春人在珠江裏。來暮歌成桂樹邊。五月南征吹笛杳。嶺頭誰遣一枝傳。

枉蒙王公過問闕展侍且遣減菴二集捧讀因寄

王子洲中塞亂流。越人無分賦同舟。尋來禹穴探前史。載去東陵是故侯。夜雪幾因興盡返。明珠不惜暗中投。君家自具名山業。擬報千秋思未休。

寄傅宗孝廉尊公江園

東風吹日上江汀。野老江園酒未醒。最喜道傍無剝啄。且看膝下有寧馨。三春柳葉穿鶯語。百尺桐花繞鳳翎。五十年來蓬島興。幾時同醉草玄亭。

寄何奉新

兩度西江採綠蘋。南昌城下幾逡巡。共稱子賤眞賢宰。最念何充是舊人。牛斗星寒酤市暮。龍溪花發訟庭春。歸來倘覓柴桑侶。應有扁舟到奉新。

寄送周司馬赴雲中

平城司馬詔初頒。萬里南天引旆還。星使蚤辭牛斗郡。雲州高入雁門關。王程供帳三春後。客路滄波一

棹間。徒寄相思當飲輶。虔陽花樹望中斑。

二

從來刺史重雲中。此去應垂佐郡功。異代賢王猶講射。君家太尉本清戎。白羊山映春田綠。金鳳城連夜燒紅。暇日題輿增騁望。可能還顧舊江東。

酬麻二處士乾齡

聞君高臥古稽亭。邂逅江臯草正青。一代曠情同蠟屐。千秋遺恨在過庭。當關候雁天邊盡。滿眼春雲海畔停。莫怪和歌忘蔓草。毛詩廢久恐難聽。

施使君臨陽講堂作

臨陽采藻誦于胥。喜共羣經載後車。旆裏蛟龍全拂騎。堂前鶴雀重銜魚。韋賢自領諸儒學。盧植終傳刺史書。壟畔遺編方倖託。敢言河上有先廬。

李贊善歸觀

曾參詔許下銅樓。賜傳還鄉擁桂游。江橘蚤垂南苑露。陔蘭長樹北門秋。蓬池鯉鱣遺羹在。粉署磚花愛日留。賚得纈袍當綵服。何須不作錦衣游。

舟過金山

昔年曾取中冷水。正值梁王北顧時。揚子驛前雲漠漠。潤州城下草離離。千秋鐵鎖橫江險。三渡金山破浪遲。當日妙高臺上路。崑堯不見使人思。

黃晦木評曰。瞻顧慷慨。浩然有餘。如此裁是豪傑文人本色。

胡天衍評曰。頗有滕元發破浪到金山意。孟襄陽五律最高超。他若韓垂許渾劉滄詩。與宋楊廷秀一流。同歸于盡矣。勝地亦偶然得佳作耳。此與渡江舟中。登萬歲樓。及五律曉渡揚子揚子橋示友諸詩。俱勝前人。

客中元日

金雞唱盡曉鐘天。元日他鄉倍可憐。隔歲總成虛度月。今朝重數未歸年。梅花香煖開官閣。藍尾桮深醉客筵。誰道故園東望遠。春風萬里蚤回旋。

長至

長至長留樊水濱。三陽又見琯灰新。登臺誰似書雲客。舊館曾攜添線人。道遠屢違江下信。律窮終度斗邊春。他鄉風物年年改。欲折梅花淚滿巾。

送王五文璜游成都

臨湘西去一孤舟。高溯瞿塘上益州。萬里橋懸秦棧樹。七盤關控蜀江流。郫筒春酒招山館。錦堞秋花繞郡樓。君到若逢裴節度。草堂雖好莫淹留。

漫感

芳草生時憶故居。洲中帝子尙愁予。遺人千里雙鷓珣。誤我多年尺素書。桐苑雪花春乍煖。叢臺雲氣晚難舒。可憐只住空潭曲。盼殺琴高赤鯉魚。

途中雜感一首與茂倫

幾見濡須春水生。逢人不用悔徽名。每一作晦。無材濫著吳都賦。好辯難降燕將城。車輓歲連橫海粟。戈船春發下江兵。摩天鴻鵠翻飛杳。隴上何人敢輟耕。

吳陵望月呈姜侍御

吳陵望月獨登臺。萬里清光冉冉開。海樹叢生秋雪落。江門一片夜潮來。人逢枉渚袁宏放。嘯起高樓庾亮才。只有南飛烏鵲侶。月明繞樹不曾迴。

卽事爲病校書作

銀牀斷綆有誰收。人病還歸江上樓。皓月近雲行過疾。空欄壓水坐來浮。開奩夜起燒殘蠟。捲幔涼生墜曲鉤。滿院穠花開不盡。一枝迸作露華流。

徐大文評曰。病中境寫得曲妙。月近雲似行疾。欄近水則坐浮。夜起燈明。涼生鈎落。非白居易劉禹錫輩那能似此曲細。始知元和後詩亦不易作也。

塞上

五陵年少喜擒生。長在居延道上行。天馬幾時來絕塞。秋風一夜入重城。黃花戍裏明戈劍。白雁關前捲旆旌。祇恐城南留少婦。月明中夜怨長征。

同雲間吳山人沈翰林游紫陽洞

橫江高堞倚天梯。曲磴盤空極望迷。雪盡兩峰寒雁度。烟臨萬戶夕陽低。層巖裂石分丹壑。一竇穿雲滴

紫泥坐對瀛臺仙仗客。何年蓬海共招攜。

海昌沈亮采陸嘉淑過黃大連秦文園登高峰

刺史園林曉未開。一時雙玉照人來。共登高嶠風初霽。坐看寒江水自迴。山木接天懸畫棟。溪花散雨落蒼苔。雲間兄弟東陽友。誰是文園作賦才。

漫贈

陽平樂部錦雲標。中有真娘似阿喬。曾下吳宮教度曲。重逢隋苑聽吹簫。雙瞳夜剪巴江雨。一笑春生揚子潮。杜牧未來韓判去。可憐二十四條橋。

垂虹橋投顧有孝居

曉風吹雨到吳江。百丈垂虹似飲驄。新水菱花橫夜艇。故人楸樹倚秋牕。龐山初日搖珠塔。震澤迴波灑玉缸。田舍乍逢皆衣褐。肯教季布徙他邦。

龍江關眺望

建業重關控上游。龍盤虎踞舊神州。荆門西扼江流下。越徼東連海氣浮。故國山河天暫合。夕陽宮闕石城秋。登臨轉覺鄉關遠。日暮蒼茫涕泗流。

李滌孝廉游越歸過別不值賦寄有作

才名十載重江都。二月春風到鑑湖。柳下荒祠來解珮。花深匹馬去當壚。迴程暮值寒潮迴。遠道天低海嶠孤。我欲西陵送歸客。長帆不見浪模糊。

梁溪黃君游越

天涯冰雪老黃香。皂帽相過朔吹涼。月且久傾豪士駕。風流今識丈人行。鄉亭酒濫淹游屐。官寺花寒駐客裝。探祕不須尋禹穴。玉函金檢鎖蒼筤。

黃君到節使君下榻適在徐渭里中寺有涓題詩壁黃本慕徐睹畢恍然因屬記事

羊裘短劍涉江來。自比山陰狂士才。客舍車裝留下里。官庖鼎肉餽香臺。南州人去餘青草。東壁詩題掩綠苔。何意宣城懷謝眺。樓頭佳句爲君開。

贈任孝廉雲蛟計偕

我歸江左還投筆。君向長安又上書。從此雄名高帝闕。況同令弟在公車。時其弟燦新登賢書蓬池泛雪看留賦。柳汁盈條好染裾。他日內廷能召問。莫言臣里有相如。

友人北征

駿馬翩翩赴薊城。吳關折柳送行旌。良時宣室君才壯。落日河橋客思生。曉店商歌迷玉樹。春盤仙露滿金莖。三街九市千門啓。只待雄文賦帝京。

初春送人還吳江并呈沈進士自南顧隱居有孝

王孫歸去草萋萋。極望吳江芷葉齊。曉騎獨驅沙雨外。春帆遙墮海虹西。車書越徼通金馬。戈甲闐門罷水犀。誰似隱侯詞賦客。顧榮琴瑟鎮相攜。

客邸別故人子傳以成遠游

西風對酒曲江頭。數頃芙蓉掩畫樓。健翮蚤成應萬里。飛蓬不落已三秋。蒼生久恨王夷甫。佳子當如孫仲謀。渺渺長帆雲路杳。山中叢桂幾能留。

中州吳文學寺寓

蒼蒼山木曉流丹。訪剡歸舟路渺漫。時作洛中新賦詠。重逢鄴下舊衣冠。江雲龍轉空臺靜。塔樹鴉棲古寺寒。念汝諸昆曾締好。十年回首盡騷鸞。

壽李少宗伯西湖

春官旅第啓艤艫。萬頃湖光照七松。東國甫侯生岱嶽。西征天子重河宗。麟游大澤蓬丘近。鳳舞秋山輦路重。繩祖曰。湖上西山有龍飛鳳舞之目。爲宋擇都地。當日老成看漸減。唯公雙鬢削芙蓉。

醉後送少年

逢君醉墮黃梅雨。送子晴登白馬橋。去路雲銜初落日。橫江風急晚來潮。蒲囊永夜呼袁彥。葛帳前途遇孝標。我欲援琴歌伐木。天涯四望淚瀟瀟。

送徐十五緘之揚州與舊刻異

嫋嫋長帆浙水濱。停帆一送柳條新。鄒陽不愧名園客。阮瑀還爲入幕賓。赭口雪消迷賈舶。渭城歌罷醉離人。東風前路催花發。愁到邗關是暮春。

西園讌集和呂錫鑿張修巖詩

西園飛蓋集名才。知是曹劉鄴下來。繞座哀絲揚妙曲。滿堂高燭炤銜盃。青蕪夜合車前草。叢樹風生井

上槐倒盡。明河人未散。城頭烏鵲自飛迴。

六安黃曉隨權使自杭還京有寄

樟亭一別萬山凋。隔岸思君對海潮。伏枕黃梅愁永日。閒房紫槿發清宵。天垂雲路開吳嶽。人與星車赴洛橋。綠綺南金無限量。莫教雨雪望中遙。

來太僕生日

圍師早歲謝天關。十載王官首未斑。垆野駟魚林下度。瑤池駿馬雪中還。臨江軍散依新壘。洛社賓閒老故山。當日趨庭隨九牧。曾平五校扣金環。

姜琦曰。來方伯平白蓮賊。長公太僕與焉。

贈別

欲採江花贈別離。芙蓉吹落晚秋時。自憐此地牽裾早。卻恨從前解珮遲。山岫暗搖潮欲上。帆檣不動岸初移。相看多少留人處。不獨垂楊幾樹絲。

金秉叔評曰。山岫二語。

儼發棹時景。寫出解頤。

送葉襄還歸吳門

東尋禹嶠度清秋。歲晏吳關不可留。樽酒道傍遮落日。片帆江上借歸舟。雲橫虎阜鄉程近。雪滿鳧城海路浮。祇恐愁心如細草。春來彌望在長洲。

贈關上權使君

東南財賦挹流波。縹緲星查下浙河。山澤舊看行部遠。關門今見著書多。春風市賈連甌越。曉日梯航接海番。自媿經生少文學。漢庭心計久蹉跎。

送王之珽之閩中

蒲帆初下楚江津。又理征車度七閩。甌越宮臺雲外曉。郎官山樹望中春。千金自載南天使。萬里還隨下瀨人。少小請纓終有待。釣龍亭畔慢傷神。

華亭蔣隱居六十

谷口青雲浦口魚。杜陵遺老自幽居。經時不用公孫學。避地還傳尹氏書。碧海放舟寒嶠遠。瓊臺吹笛早梅舒。莫言玉洞金光少。六十年來見有餘。

二

十年兄事杜陵生。有叔賢名過始平。杜陵生大鴻。爲隱居猶子。築室近開三泖路。藏書高並五茸城。風迴鸞鳳調金瑟。花下珊瑚啓玉罌。不道玄瀛洲畔客。今來纔有杖鄉情。

卽事

江舟歸度板橋西。灩澦江波逐望迷。高閣近垂紅杏小。橫塘深覆綠楊低。晴風午幔聽啼鳩。寒食春城罷鬪雞。前去使君能盡興。習家池館在清溪。

登山陰朱相公東武山居同吳二卿禎徐二咸清商十八命說作

台師公府領三旌。賜地還留東武城。開閣虛延賓從入。築沙高是相君行。環巖露網凌遙廓。絕磴秋花繞

太清十載謝安勞。假臥天階相望本昇平。

二

相君治第並滄洲。齊郡靈峰起壯游。海內羣思師尚父。山中曾臥富平侯。崇臺萬井擧珠箔。曲檻層霄蔽畫樓。回首華林行樂地。白雲長繞舊宮溝。東武山從齊郡飛來。故稱靈峯。

劉駕部宅卽事

新河門巷水澄鮮。駕部風流不記年。幾葉鳴雉開府後。一行雛鳳過庭前。歌屏綺合珍珠履。酒甕香分翡翠船。舉目龍山如罨畫。支頤有客意悠然。

葉燮同侄舒崇宋思玉游越寓玉虛道院

江東三俊早知名。歲暮同來勾踐城。節使開樽官廨冷。井公留榻道壇清。秦屏雪後山花凍。禹穴烟深古樹平。莫問舊時朋好在。十年采苦竟無成。

舟過漁林關望沈功宗墓

落日漁林放棹遲。故人宿草望離離。深憐子敬琴亡後。恐負橋玄車過時。江關市亭環廢井。關長賈舶近荒祠。難尋下馬陵前路。腸斷膠西君不知。

登吳山蘭若同張孝廉

崑嶠紺闕快同登。直上吳山第一層。樹杪寒濤翻北郭。帆來古渡是西陵。中天化雨迷香象。落日秋風對季鷹。我欲遠尋蓬島去。何年東望海雲蒸。

春江

湛湛春江覆綠波。夕陽江上奈愁何。人家菰菜新晴少。浦口楊花薄暮多。野霧行舟迷遠渡。晚寒歸鳥聚高柯。到來三載隨漁父。不道還爲澤畔歌。

軍城早秋

關門萬里羽書稀。大將防秋出武威。高天殺雁角弓厲。平地坐人毛馬肥。雲連城障頻移旆。風起沙河早授衣。但語蹠林休再會。漢家新解貳師圍。

送賈明府入關中

安西萬里舊咸關。上客雞鳴早度關。地入郿陽逢雪盡。春來杜曲看花還。漢京久踞三秦勝。蜀道難通五丈間。君去若能尋馬季。莫教東市浪追攀。

送別

大江東下水瀾瀾。送子江亭酒一卮。塞上黃花隨定遠。山前紅草是將離。荒雞淮浦殘星斷。匹馬燕關落照遲。我本無家君又別。海天長望使人思。

西河文集

蕭山毛奇齡

字僧彌
又初晴稿

繪錫宸較
從易元較

七言律詩四

重陽日城山晚眺同姚監郡張廣文徐徵君作

城山一名越王城

清秋高眺萬山中。勾踐曾經此築宮。拔地鷲峰何巖窈。當年烏喙本英雄。巖垂橘柚侵衣綠。酒汎茱萸映面紅。讀罷荒碑歸去晚。前溪新月漸朦朧。

海鹽徐媛未歸時其夫以父被仇殺得痼疾家人請離異媛不許相隨數十年邑紳士爭贈以詩。驚鼻汎水唼朱鹽。猶是當臆理鏡奩。孫翊家讐慚未報。伯牛寢疾有何嫌。單棲不信裁雙枕。借老誰曾織一縑。竊笑幽巖女貞樹。也當連理傍堦欄。

寄潮州使君

專城萬里授金符。渺渺寒潮瀉玉壺。嶺表舊傳廉叔度。天南重見管夷吾。丹樓日出飛鸞鳳。皂蓋春還聽鷓鴣。誰信瀛陽標勝蹟。風流千載在東吳。

贈甘山人

湖海蕭疎斑鬢生。身藏九晝應龍經。袁安願乞司徒地。陶侃曾分刺史城。江草綠隨邛杖發。山花紅映佩刀明。獨憐五嶽追游晚。不及看君萬里行。

謁贈天衣乾大師

五蓮峰下舊耆閑。高座重來轉法華。海藏自翻金貝葉。天衣真繡木蘭花。僧伽東渡曾開地。謝客南還不見家。希輒曰。謝靈運稱在家出家時。西河未歸。故云。願借九龍潭畔宿。長隨妙會聽無遮。

漫贈

空倉鵲去鳥爭啼。不見盤中蘇氏妻。市舶暫逢吳下路。移家近在越來溪。朱樓晚閉楊花裏。金彈春懸桂樹西。自笑梁鴻長易姓。賃春三載有誰攜。

沈留侯評曰。萋萋芊芊。如許宛屬。與今之爲豔詞遠矣。每讀之。似移我情。

邊詞

薊門衰草獵花鷹。游俠從來重五陵。塞外蒙戈垂豹尾。石中飲羽見猿肱。邊臣昨歲通青海。漢將乘秋過白登。但渡隴頭流水去。不愁馬足折堅冰。

祁公子將游金陵過別因贈

祁子臨行紫綺裘。春風三月舊京游。維舟一過江郎宅。走馬還登孫楚樓。玉樹前朝游冶曲。金陵自古帝王州。傷心莫向臺城望。愁見烟花滿石頭。

汝陰蕭行人枉過贈詩並有所餉依韻抒答

駢駢四牡喜幽尋。高蓋移來禁苑陰。驛路晨寒紅日近。山家秋老白雲深。燒桐久愧鄉人識。結襪難歌國士心。誰似賢門多薦達。到今桂樹滿中林。繩祖曰。時殿頭多出門下。見七古卷。

依韻贈蕭公子荃

趨庭遠道快追尋。少小鄉名播汝陰。高樹萬尋看欲上。平陂千頃坐來深。東園濁酒開蓬徑。南國佳人見蕙心。探取錦囊休問價。山前估舶是雞林。

渡江舟中作

青山疊疊大江隈。渺渺江波竟渡來。近岸沙城隨櫂轉。知風海鳥共帆迴。天垂吳楚浮雲下。地闢東南錦浪開。烽火夕陽亭障外。依然當日妙高臺。

夜坐江上僧舍有作

南樓舊事興難同。獨坐西堂對遠公。駕鶴霧驚沙路白。芙蓉霜折小池紅。秋半寒潮生海上。夜深涼月過門東。何事淵明不歸去。長持濁酒臥花宮。

二

西堂薄霧散蓬蒿。坐聽哀鴻度石壕。萬里誰同員嶠月。三年只看廣陵濤。荒臺夜解青蓮法。野寺秋寒白苧袍。何時還向山陰道。一聽支公拂屣豪。

倪天章評曰。寫境幽細。言情悽然。而氣調瀟灑。如彈丸脫手。讀鴛鴦二聯。使人心想與耳目俱悠然矣。此李白王維妙境。嘉隆七子。不惟不解。抑且不能。宜其兢兢于靡墳也。

喜遇陸圻因贈

十年惜別在錢唐。兩度逢君入豫章。考獄久知原陸續。上書誰不念鄒陽。中春夜對湖西酒。隔歲風高嶺外裝。羨汝桐鄉曾過鯉。重來還拜舊祠堂。慶京學大人兩宰吉安。皆有祠。時慶京重定祠典碑記。

懷徐大滯南城

徐卿匹馬走江關。一去南城久未還。坐客競傳鸚鵡賦。懷君只在鳳凰山。天垂盱水低三楚。春轉瀘溪動百蠻。同在他鄉占物候。此中新柳共誰攀。

飲劉氏贈送客以婦病歸別

紉鼓沈沈蘆葉哀。春城燈火又將催。人豪不共公榮飲。婦病翻憐奉倩才。待路驪駒歌宛轉。銜雌黃鶴羽摧頽。何緣五載無家客。也望明河相送來。

投吳寺宿懷吳江徐鉞顧有孝

渺渺吳關何處棲。姑蘇城外舊招提。齋鐘晚度龍堂冷。香閣宵分象緯低。夜鶻暫投雙樹下。秋風長動五湖西。只憐旅夢相尋路。漫水長橋咫尺迷。

江令宅即江寺蕭山市北

龍窠貝闕現三車。云是南朝散騎家。海甸翠翻祇苑樹。山門紅對市橋花。堦壇盡日開仙梵。綵筆何年寫法華。我欲再尋同泰講。臺城一望在天涯。

江郎祠宇久蕭蕭。尚有閒僧繼六朝。高閣諸天環碧海。斷垣雙塔傍青霄。蓮開東土銜駟象。草長西園拾賜貂。自笑穀城懷錦客。重來此地夢俱遙。

虔州會孝廉自寧夏獲薦歸遇姜弱翁宅

西行不肯奪儒冠。獨上雄州看馬盤。去國會參原不賤。游秦范叔豈愁寒。河流峽下歸靈武。雪滿天都走賀蘭。萬里鳴沙能躍劍。翻驚此地到來難。

徐伯調評曰。豪

氣直壓北地。

顧茂倫評曰。激蕩中自精嚴雅富。即三

四用事。一何俊妙。非庭聞。幾媿此詩。

吳城贈別陸五之真州

椒丘東望水粼粼。吳子城邊別故人。駟馬幾時歸海甸。雙龍猶自躍雲津。晴風關樹飛黃鳥。暮雨汀花散白蘋。此去江南春正好。憐君三月下儀真。

憩紫陽洞同大敬桐晉南士

秋江練影挂中林。共坐松壇聽語禽。碧署玄書慚抱璞。紫陽丹竈羨燒金。懸崖天半瑤瓏氣。過礪雲移薛荔陰。四顧儻能尋舊跡。三宮還在最高岑。

紫陽洞歸

高峰遠憩竟忘歸。迤邐荒臺圻落暉。紫蘚洞中懸竹筏。黃杉徑曲蔓蘿衣。遙天龍捲田橫塞。倒海潮生巖子磯。萬里玄瀛方在望。肯教蓬館到來稀。

王使君歌席

楊花初落似江南。太守張筵繞碧潭。座上狂生來阮籍。此中良吏是龐參。清歌出幕風教斷。華燭當盃月共涵。舞罷青衫烏鵲起。醉歸應借使君驂。

送姜八廷舉公車

金門挾策甫歸旋。又值公車上計年。供帳重開江令宅。鳴鉦先發孝廉船。燕臺駿馬橫邊雪。帝里穠花接楚烟。郊祀既成需待詔。看君此去賦甘泉。時值郊祀後。

客中送王孝廉歸汝南

潯陽舟畔共銜卮。朝日浮波惜上遲。洛下未能同鳳舉。旅中何易見牛醫。涉江美子披荷葉。故國王孫望桂枝。萬里楚天君獨返。五關雲樹是相思。希軻曰。楚辭云。夫君兮自有美子。

張梯墓下作

翹翹夏木掩泉關。天柱峰邊夜自還。墓下未留吳季劍。望中何處謝家山。聽來谷鳥緣溪囀。看去原花滿地斑。不道故人相失後。十年流落在人間。

徐伯調評曰。不作

淒語而惻然自傷。

飲鎮江軍府曹佐戎幕

新參北府建門旗。歲暮留賓傍海涯。戲下稱觴通臂將。帳中舞劍銳頭兒。金盤虎爪擎來緩。玉甕駝酥點去遲。羨汝江南初下日。提戈還念舊毛錐。

參上人枉示詩集并較定古本大學戲作長慶體酬意

新雲百疊上衣裾。笑解花函拂蠹魚。瑤瑟已成湯惠句。石經仍作蔡邕書。敢言釋教通儒教。自演三車得五車。白馬未來麟册啓。須知此際有真如。

贈督河使君

河隍漢使舊星槎。四十爲郎鬢未華。馬頰秋渠銜竹箭。龍門春晝下桃花。平漕軍賦連芻軸。都水官錢縮艾綱。神禹九年稱底績。當時只屬五工家。

西陵渡卽事

望京門外舊樟亭。驛路臨江蔽遠坰。風轉一帆沙嶼白。天低兩岸海潮青。通關賈軸搖旌旆。下瀨軍書綴羽翎。叢筍幾行相望隔。有人垂釣在滄溟。

二

錢唐西路固陵船。十里平沙官渡遙。鎮海舊樓飛紫蝶。教兵新堞散紅椒。希軻曰。越絕書有教兵城。今又名教兵。有新壘。平原兔暖看馳獵。曲港鯁高欲上潮。白馬素車長在望。哀魂千載竟誰招。

上江寄藩下楊守軍末舟佔艙適新燕飛來楊命女書記書杜甫燕子來舟中詩索和因宴前舟

仍合書兩詩白巾爲壽

朱門華屋待歸稀。錦纜紅檣且暫依。穿幔偶然驚柁鼓。銜泥豈敢污臆衣。風開繡臆憐多語。影下清江惜對飛。海畔春還無舊主。片時相傍莫相違。

詒舟燕用杜甫韻

紅襟海燕畫梁春。翠尾颺颺掠水新。豈厭朱樓思去主。慢停金檝遠窺人。重檣枉拂釵頭玉。隔幔空翻掌上身。孤客十年無淚拭。不須銜送白龍巾。

過張贊府別署

江城試吏又經年。江畔招予共飲泉。寄跡尙能追漢尉。解矚今始見張玄。春風燕雀飛江館。夜雨桑麻繞郡田。回首十年同學事。青衫相對兩茫然。

呂元續曰。三江字。參錯入研。唐人原有此。非誤也。禁字過拘。便入偷調。作家故自超妙耳。

襄陽嚴中丞游越枉示鴻踏草詩筆抒韻奉酬

襄陽耆舊漢中丞。八月乘槎到永興。白雪早傳梁苑賦。寒風秋上夏王陵。賜書豈敢留嚴助。奪席終教坐戴憑。渺渺飛鴻遺爪去。遙天相望最騫騰。

送桐音南遊

春江南下水潺潺。君去湟川度庾關。地界九龍連百越。天開五嶺控諸蠻。珠船行遇波中市。蜃氣看成海

上山假使黃金能滿橐。便隨陸賈共來還。

二

南行萬里出番詔。去看紅蕉與綠蕉。嶺騎似翻天畔羽。鄉書應潤海邊潮。官臺犀燭開筵斂。猛戍戈門接洞遙。痛汝招魂心獨苦。十年藩使未歸朝。桐音先大人殉南越方伯。

夜飲惜別

石井欄堂草露浮。夜闌燒燭醉還留。英雄何地依劉表。嫵婉經年是莫愁。樟葉滿亭翻月落。桃根無櫓逐江流。清絲妙管當筵發。休聽寒雞唱戍樓。

同諸公豪飲劉駕部宅醉中示諸妓

鄴中才子重應劉。駕部閒堂相勸酬。暇日開樽同北海。紫雲到座勝揚州。歌來黃鵠翻林葉。酒觸紅裙漬石榴。不道漫游金谷裏。有人醉死綠珠樓。

二

駕部風流綺席開。座中名士鄴中才。不辭美酒盈盤貯。還遣花娘出幕來。趙璧五絃彈越調。淳于一石醉齊臺。滿前無數金波落。未識何人手內杯。

南鎮卽事

揚州巨鎮禹陵西。祠廟千年古會稽。周制職方傳玉版。虞廷封冊在金泥。丹崖翠榜浮雲聳。碧草紅裙細路迷。帝禪不逢村賽起。洞簫吹去倍淒淒。

秋日吳門姚宗典俞南史歸莊葉世倅嚴祇敬費誓葛雲芝文果毘陵王廷璧皖城方將游越過
訪全人畢集各賦

清秋高會集羣才。落日同登江上臺。鴻鴈肯隨颿影至。黃花頻向酒杯開。探書穴在秦人杏。採叢歌憐越
女來。勿惜舊時良讖隔。十年雲臥總蒿萊。

游靈隱寺賦得山鐘夜度空江水

靈鷲山空鎖寂寥。疎鐘隱隱動清宵。林間響落聽來緩。水面風生度去遙。入壑恍連天竺雨。開門長對浙
江潮。夜寒恐有青龍起。莫便聞聲過石橋。

七夕天衣寺

清秋烏鵲化城飛。又值銀河掛翠微。梵閣不通牛女駕。香臺自曝象王衣。人家傍晚爭穿線。婦織何年得
下機。雲路星橋纔咫尺。到來故國望俱非。

二

古寺層臺冒薜蘿。今朝帝子又停梭。蓮花鳳輦天邊近。寶樹蛛絲雨後多。數歲海槎難載石。一行山鵲欲
填河。珠宮未得通南巷。手把長竿奈阮何。

送出塞

遼陽遷客海東頭。二月嚴裝上錦州。絕塞亂雲垂地盡。寒壕瀉日帶冰流。行車遠度鷹關曉。去馬剛隨鴈
塔秋。聽得摩多新曲子。教人腸斷古伊婁。

鐵嶺岩曉初下關。投荒萬里絕人寰。東青時起天邊壘。長白春深雪滿山。毳帳偶吹新筦葉。羊皮頻裹舊刀環。相思只待秋風早。看汝征蓬海上還。

奉輓故范給事夫人來太君

畫衣丹紉擁靈輶。壽母乘雲鑑水濱。舊省尙多虞殯客。高堂只有報劉人。秋霜孤燭歌茹苦。春草荒碑臥受辛。十載諫垣勞夙夜。當時長自聽雞晨。

奉輓河南呂忠節公殉難詩

同朱敬身張南士作

司馬曾留神臂弓。黑頭歸假尙書公。七兵久已推公著。羣盜何期寇呂蒙。碧血自藏緱氏嶺。黃巾竟擾洛陽宮。朱衣象簡懷風節。長在山河一望中。

贈諸暨駱君初度時三月四日

九成山館浣江邊。高臥于今五十年。問世久爲縣竹誦。傳家尙有帝京篇。花開歲勸長庚酒。水曲春迴上巳船。此際君家最堪念。丈人挾瑟且調絃。

海昌沈太翁隱居九十

玄伯徵君大尊人也。

百尺高樓傍海居。仙翁九十佩瓊琚。青雲繞膝皆垂譜。烏鳥陳情甫上書。好學時聞淇石詠。傳經不共濟南車。百年再起懸弧宴。爲汝銅盤學釣魚。

寄王子

時讀螺峯集。

洛 思 山 下 舊 逢 君。百 里 相 過 日 未 曛。一 自 甲 兵 原 上 散。不 堪 風 雨 嶺 頭 分。天 涯 碧 草 看 成 樹。峰 際 青 螺 望 似 雲。那 幸 輞 川 新 句 好。隔 林 還 得 一 相 聞。

牛 載 問 評 曰。五 六 洵 手 接 入。最 新 穎。然 又 有 開 閉。且 轉 且 應。通 體 俱 動。天 才 之 妙 如 此。

東 江 讌 集 卽 席 贈 甬 上 秦 大 行 洪 明 府 暨 陳 范 諸 孝 廉

東 江 高 讌 集 衣 冠。一 座 才 名 盡 建 安。妓 部 笙 簫 揚 錦 席。姑 山 風 雪 下 銅 官。雞 壇 酒 合 金 盤 淺。龍 劍 光 爭 燭 樹 寒。猶 是 明 州 越 州 客。到 來 俱 作 鄴 宮 看。

西 陵 道 憶 李 侍 御

西 陵 舊 驛 接 蓬 萊。獬 豸 東 巡 幾 度 迴。漢 使 乘 槎 終 遠 去。秦 人 採 藥 未 歸 來。春 深 雲 擁 蠶 叢 路。日 暮 花 飛 勾 踐 臺。自 汝 著 書 辭 柱 下。人 間 無 復 伯 陽 才。

錢 唐 逢 故 人

西 陵 咫 尺 是 天 涯。喜 汝 從 予 江 上 槎。兩 度 陶 朱 思 返 越。百 年 張 儉 竟 無 家。鄉 關 恨 屈 鑽 榆 節。里 巷 羞 乘 廣 柳 車。壯 士 不 還 仍 遠 去。江 東 兄 弟 慢 咨 嗟。

晚 泊 口 號

十 里 吳 關 蛟 岸 長。帆 檣 千 片 暮 相 望。滿 江 紅 浪 浮 新 霽。隔 岸 青 山 帶 夕 陽。大 賈 幾 曾 來 越 客。小 姑 不 用 嫁 彭 郎。樓 船 簫 鼓 秋 風 裏。嫋 嫋 吹 來 欲 斷 腸。細 祖 曰。蛟 磯 在 蕪 關。

徐伯調評曰。只晚泊晚露。當前恆境。寫得確妙。
後四感慨。襟嘲諷。韻甚。如此纔可稱風流裝人。

賦得孤鶴橫江和曹胤昌舊選係他人偽作誤刻。今盡刪去。

萬里秋宵一鶴橫。大江西傍武昌城。高鶩清影波間落。直視浮雲天際生。遷客祠前虛比翼。仙人山半欲吹笙。長風載得凌霄去。夏口烟波空復情。

立春日大敬生男賦賀

東郊綵仗百花舒。佳日忻傳景僕書。斗轉蒼龍堪繫紱。天邊紫氣自充闕。香蘭晚歲留芳珮。玉燕先春集翠裾。我欲錦欄初浴後。爲君重餽孔家魚。

二

十年不復賦能巖。何幸春回正誕彌。韋氏遺經方有待。商瞿得子未全遲。葭原細發青麟草。桂樹新生綵鳳枝。洛下從君遊禊久。有誰還喚蔡充兒。希軻曰。蔡子尼名充。近作蔡克誤。

奉贈郡憲使萊陽宋公夫人生日是日初春微雪

東藩曉啓婺光開。繡轍金冠映上台。四國母儀三壽冊。一堂官誥萬年栢。花筵禹嶠珠衡轉。雪滿秦屏玉女來。莫道滄洲東望遠。夫人家本在蓬萊。

得友彤葆書并末方送諸子出塞詩有感

石頭尙有寄書郵。懷袖將探淚已流。尺素幾行藏錦字。雙金不斷是銀鈎。春還遼海投遷客。雪滿江淮刺

去舟誰唱婆羅商調苦。邊關如送李殷遊。

顧茂倫評曰三四真

元和調然殊巧極

寄贈吳門程西毓初度

安定先生靜者流。蕭然自放古長洲。時當五月猶披褐。家在三江未泛舟。膝下有人推孝則。吳中高士是言游。何時載得滄浪水。爲汝開軒洗玉甌。

答丹陽賀宿原韻

思君十載未能過。邂逅依然採薜蘿。傾蓋久虛吳地諺。同舟願聽越人歌。黃公壚下桑郎熟。秦氏樓頭桂樹多。時飲秦樂天宅。猶是天涯流浪客。相逢不醉奈愁何。

看梨花和韻

春深新葉暗樓臺。猶有梨花照酒盃。數點漸從風裏下。一枝偏向雨中開。迷人翠幌連霄合。寒女緗裙帶露裁。自愧潘生言志晚。不教大谷賦名材。

淮西使君九日席上贈郭襄圖作

潢河東下鴈亭秋。乘興還爲淮蔡游。當日賢王曾築館。今來司隸好同舟。樽前紫袖歌聲度。屏外黃花燭影留。莫怪西園詞賦少。相逢王粲正登樓。

長至飲羅生

萬里中原擁劍鐔。驅車何處問羅含。從來高士推江表。長至逢君在濟南。玉瑄碧吹原上草。金盤紅滿洞庭柑。東封自古多雲物。醉裏登臺仔細探。

汝南郡署飲次

郡堂修竹散烟低。漉酒留賓醉欲迷。一顧尙慚燕市駿。幾年空聽汝南鷄。座中名士輸羊曼。肘後陳編笑馬蹄。勿怪鸞旛長擁臥。夜來風雪滿淮西。

飲息縣同王孝廉

陶公留客晚開衙。井上雙桐噪暮鴉。隔院寒風飄玉瑄。滿街晴雪散冰花。銅壺響逐飛觴盡。燎火光隨舞袖斜。最愛座中揮麈者。孝廉家本舊瑯琊。

陪諸公南湖集和韻

初迴錦纜駐雙驂。千頃波光似鏡涵。天外遠山開罨畫。雲間高閣覆優曇。羣公暇日追河朔。太史占星聚汝南。莫道行游無紀述。座中相對有桓譚。

二

芳塘黼黻泛輕鳧。五月薰風長綠蒲。望去樓臺橫北郭。晚來歌吹滿南湖。裝成雪蘂浮金盃。坐看冰心映玉壺。但惜醉歸新月好。不知還有夜珠無。

答夏聲贊府和韻

與君一別郡亭西。長向遙天望綵霓。自笑鹿門難遽返。莫嫌鳳羽尙卑栖。晚尋仙洞新詩在。日飲官齋舊

路迷猶記南還思最苦。關前高柳正蟬嘶。

原韻答何朝宗

夜涼騎馬過街西。醉舞樽前見羽霓。淮浦人從天外度。汝南鷄在雪中栖。深林蕙草貽來晚。繞屋梅花夢去迷。誰念朔風當此際。颼颼出谷鎮長嘶。

從雨花臺至牛首道中

天界寺前黃葉下。雨花臺畔白雲還。同躡峻嶺盤空曲。遙見長江繞大寰。隔塢芋田秋未穫。踈林草舍晝常關。幾多雙闕徘徊意。盡在南庄信宿間。

宿王言憲使庄

落木蕭蕭何處村。松關繫馬來來昏。瑤闌暮雨聽山閣。華表秋風拜墓門。時謁王太君夜臺庄左。徑有名泉流暗草。缸開新釀覆香蓀。此間已是山陰墅。不用還尋謝傅墩。

奉答倪燦原韻

自辭濠上尋中散。曾在梁園賦子虛。入世已無操瑟想。聞君尚有帶鋤書。東田秋到花開後。西浦人逢落鴈初。只道乘風應萬里。相看猶是舊菡蘆。

張砥中評曰。生隋中。殊是駘宕。

此西河最不經意。最難到處。

偕沈華范同住秦淮有贈

團團槐葉減秋陰。江介同過快滯淫。賦就烟雲生四壁。畫成蛺蝶值千金。王郎渡口花舡緩。孫楚樓頭酒樹深。最是吳興容易病。莫教相對起愁心。

過舊院和陳憲副作

舊院荒涼極望迷。女墻頽處綠楊低。庭餘烏雀啣金粟。瓦散鴛鴦覆玉鏡。桃葉一江環巷北。莫愁兩漿去城西。當年多少陽臺雨。化作浮雲何處攜。

答贈黃虞稷江南踵韻

黃金高築不曾逢。敢道才多氣似龍。客路經年乘下澤。官齋臥日到高春。王通家有三珠樹。和嶠身如千丈松。何幸臺城重會合。秋宵一聽景陽鐘。

二

虛傳往日賦明河。十載長淮未放舸。秋盡論詩逢沈約。時寓沈主考館年來講易共田何。龍江過雨低紅蓼。牛首看雲捫綠蘿。建業重逢愁思遠。敢言對酒不當歌。

希軻曰。原詩云。雁藻清詞鄰下逢。西河才子氣如龍。頻年變姓嘗爲客。是處移家欲賃春。又云。明河咏罷添愁思。故有賦明河及氣似龍句。明河篇卽淮陰所賦者。一時傳誦人口。見七古卷。

錢封君壽 令子副使嶺南。

羨汝耆英洛下同。御觴長對玉津宮。庭前令器推王坦。坐上通家是孔融。鳩杖屢扶江草碧。鸞書新賜海蕉紅。可知八百人間壽。只在錢鏗指顧中。

陪諸公飲歸酬贈錢大德震

春舡載酒渡江濱。野館濃花帶日曛。許下早知繁主簿。座中今識孟參軍。當筵皂帽欹紅藥。對岸青山掛白雲。慚愧十年違襖飲。空從洛水誦君文。

飲趙解元舅之鼎宅時令嗣新領鄉薦

十年獻策在椒除。重會親朋解索居。戶外不嫌東郭履。箭頭曾作仲連書。雲飛玉笋看行酒。雪滿金刀試膾魚。最愛趨庭裁給髮也。隨賢父上公車。

爲屈生悼亡并敘

羅浮屈翁山。初造姓。絕意婚宦。游于方表。暨登華峰。題詩百韻。關中李大生見而奇之。代州將軍侯君有甥女王。國色粧錢百萬。邀爲贅壻。山陰張杉游嶺南。遇生博羅。請敍踪蹟。則十已病故。且云。吾乃失鳥獸儷。顧逝者傾國。致足可悼。蕭山毛姓。吾昔好爲我賦詩。初張杉於臨汾遇生。贈生詩云。攜將華嶽驚人句。博取秦城絕代顏。夙感其辭。爰取秦字。覽者謂能增伉儷之重焉。

傾城名士本相親。况有蓮花入賦新。寶篋未開瑤瑟怨。瓦棺先葬鬱金人。湘靈不斷終歸楚。蕭史原來又去秦。逝者果然難再得。總教無泪也傷神。

問日者

三十潘郎頗自疑。獵冠相對問何其。迢迢雲漢通天晚。朗朗星辰出地遲。世遠庖犧休畫卦。生逢磨蝎爲張箕。何因同把靈根草。不數卿蒼數士蒼。

曉發懷大聲

嘈嘈海雁盡南征。歲暮它鄉接浙行。遠岫冬寒凝雪白。空江日出照冰明。刊章未到東萊郡。吹笛難歸下相城。千載共推排難士。至今誰似魯先生。

卽事用姜紫環太翁韻

東歸剛及役車休。傍瀨潛行爲避讎。雪後一投橫坂寺。月明三上望江樓。迎春草長寒蕪外。近臘人爭野渡頭。不道十年還故里。依然賣餅在安丘。

